


**RETAMAXIK RI CH'AB'ÄL
KAQCHIKEL**

RUKA'N WUJ

• •




Xutz'ib'aj:
Martín Chacach Cutzal

Universidad Rafael Landívar
Instituto de Lingüística
Guatemala, 1990.

**RETAMAXIK RI CH'AB'ÄL
KAQCHIKEL**

RUKA'N WUJ

• •



Xutz'ib'aj:
Martín Chacach Cutzal

Universidad Rafael Landívar
Instituto de Lingüística
Guatemala, 1990.

OKB'ÄL TZIJ

Ri qatinamit ruchajin k'i'y nojib'äl, jun chke re nojib'äl re' ja ri qach'ab'äl, xa roma k'a ri qach'ab'äl ütz niqasöl rub'anikil ri qak'aslen, xa roma ri qach'ab'äl netamäx qawäch wi röj k'iche' winäq; wi röj kaqchikel winäq, wi röj mam winäq; ja ri qach'ab'äl yojq'alajirisan chi kiwäch ch'aqa ch'ik ruwach'ulew.

Re jun xti wuj xqatz'ib'aj apo kichin ri xtani', ri alab'o', ri ak'wala' man xk'ut ta chi kiwäch rucholajen ri qach'ab'äl, qetaman jumül achke roma ri qate' qatata' ke re xkinojij pa qawi'; man roma ta k'a ke ri' qak'ulwachin kan ta xtisach rucholajen ri qak'aslen, k'o chi eqal eqal niqanük' ri kisipan kan ri qati't qamama' e mayab' taq winäq chi qe.

Chupan re xti wuj re' xqajo' ta xqachöl apo ri nib'an pa jun tijob'äl jay, akuchi' ri tijoxel nuk'ül kitziy ri winäq k'o jata'q ketamab'al, ri winäq ri k'o jata'q kina'oj pa ruwi' ri qak'aslen, pa ruwi' ri etamab'äl; chuqa' pa ruwi' ri ach'alal ri'il, qitzij na wi man kan ta k'i'y tziy k'o pa ruwi' re tziy re', xa ütz k'a ninimarsäx ri tziy e qaya'on chupan; ri jutana'j ch'ik xqajo' ta xojtzijon pa ruw'i' ri ruk'ojlen ri qatinamit, xa ütz chuqa' ye'ukusäx ch'aqa ch'ik tziy ri ninimirsin ruk'ojlen re tanaj re'. Ri yalan k'atzinel chi niretamaj jun winäq ja ri xtaq tziy nik'atzin chuk'utuxik rutzil ruwäch jun winäq, ri yatikir nak'utuj jata'q ri achke nirajo' ri k'aslen, ke ri eqal ninimär ri retamab'al pa ruwi' ri kaqchikel ch'ab'äl; k'atzinel chuqa' chi ri winäq retaman ch'ik b'a', xa ütz nuk'utuj chke ri winaqi' ch'aqa ch'ik tziy nikajo' niketamaj.

Nimaläj niqak'awomaj rutob'al rik'in pwaq ri Tata'aj kichin ri qajnäq taq ruwach'ulew, -Holanda-, ri xto'on rik'in rub'anikil re wuj re'; chuqa' ri MIS-EREOR ri xto'on chi rij relasaxik re wuj re'; chuqa' ke k'a ri' niqak'awomaj apo rutob'al ri Programa de Naciones Unidas PNUD, ri uk'wayon rucholajen re samaj xyo'on ruk'aslen re wuj re'.

Colección:	Materiales Educativos en Lenguas Mayas
Serie:	Kaqchikel
Area:	Lenguaje, 2
Directora de Colección:	Guillermina Herrera Peña
Autor:	Martín Chacach Cutzal
Diseño y Diagramación:	Carmen Graciela Toxcón Alvarado
Portada:	Margarita Ramírez
Impresión:	Editorial Kamar

RI RUQ'AJARIK RE WUJ RE'.

RI NIMALÄJ RUQ'AJARIK.

- Niqarayb'ej chi ri ch'ab'äl kaqchikel xa yalan ta xtib'eni-mär rukusaxik chkikojöl ri e kaqchikela' winäq.-
- Xa xtinimär ta chuqa' ri kikuqub'ab'äl k'u'x konojel ri qawinaq pa ruwi' ruk'ojlen ri qach'ab'äl kaqchikel.
- Chuqa' niqarayb'ej chi kinojel ta ri qawinaq man ta xtiqiya' kik'ix ri qate' qatata' e poqolaj e sanayi' chik apo, xa xtikikusaj ta ri qach'ab'äl chupan ri kik'aslen.
- Wi konojel ri qawinaq xtinimär kina'oj pa ruwi' ri qach'ab'äl, qanojib'al, man jun xtik'is ta ri kisipan kan ri qati't qamama' chi qe.-

RI NIRAYB'ÄX CHI TIKETAMAJ RI AK'WALA'

- Xa xtiketamaj ta ri ak'wala' jun ka'i' oxi' ch'ab'äl kaqchikel richin q'ejelob'äl chupan ri tijob'äl jay.
 - Xa xtiketamaj ta ri ak'wala' yetzijon jub'a' pa kaqchikel ch'ab'äl.
 - Nirayb'äx chi ri ak'wala', ri alab'o', ri xtani' xa jeb'äl ta ütztikib'än che rub'ixik ri ch'ab'äl kaqchikel.
 - Xa xkek'iyir ta kik'ojlen ri wuje tz'ib'an pa ruwi' ri qach'ab'äl.
- Chuqa nirayb'äx chi ri ak'wala' xketikir ta xtikikusaj ri ch'ab'äl kaqchikel kik'in ri winaqi' ketaman yetzijon pa qach'ab'äl.

RUCHOLAJEN RI K'UTUNĪK

Ch'ab'äl Kaqchikel.

- Ri pa tijob'äl jay.

Ri ak'wal pa rutijob'al

Ri samajib'äl pa tijob'äl

Ri pan uxlanen

Ri etz'anin pa tijob'äl.

- Ri ach'alal ri'il

Ri te'ej tata'aj.

Ruk'ojlen ri qachoch

Ri wa'in pa qachoch

Ri qach'akul

- Ri ruchajin ri qatinamit

Ri qatzyaqb'al pa qatinamit

Ri nima taq jay pa qatinamit

Ruq'ajarik ri nima taq jay

Ruq'ajarik ri nimaq'ij je'.

RUCHOLAJEN RI CHOLTZ'IB'

Ri tz'ib' ye'ik'atzin che rutz'ib'axik ri qach'ab'äl ja re' ri rucholajen.

Ri k'uxatz'ib':

a, ä, e, i, ĩ, o, ö, u, ü.

Ri ch'akulal tz'ib':

b', ch, ch', j, k, k', l, m, n, p, q, q',
r, s, t, t', tz, tz', w, x, y, '.

Ri tz'ib' richin ichinab'äl.

Taq nawajo' nawichinaj jun tzij k'atzinel nawetamaj ri rucholajen. Ka'i' molaj re staq tz'ib' re':

Jun molaj taq jun tzij nitik'ir rik'in jun k'uxatz'ib', ja re' ri rucholajen.

Ri rukusaxik

W-	wey	mi diente
aw-	awey	tu diente
r-	rey	su diente (de él o ella)
q-	qey	nuestro diente
iw-	iwey	diente de ustedes
k-	key	diente de ellos

Ri jun ch'ik molaj ye'ukusäx taq jun tzij nitik'ir rik'in jun ch'akulal tz'ib', ja re' ri rucholajen.

Ri rukusaxik

nu-	nuch'akat	mi silla
a-	ach'akat	tu silla
ru-	ruch'akat	su silla (de él o ella)
qa-	qach'akat	nuestra silla
i-	ich'akat	silla de ustedes
ki-	kich'akat	silla de ellos.

Ronojel ri tzij ruchajin ri qach'ab'äl kaqchikel ja ka'i' molaj taq tz'ib' re ye'ukusäx taq nawajo' nawichinaj.

Ri tzib' ye'ukusäx chi ruwäch jun tzij ri nub'ij jun samaj richin wakamin.

Wi rat achapon rub'anik jun samaj wakamin ye'akusaj re tz'ib' re':

Ri rukusaxik

y-	yitz'ib'an	escribo
y-	yatz'ib'an	escribes
n-	nitz'ib'an	escribe él o ella
y-	yoytz'ib'an	escribimos
y-	yixtz'ib'an	escriben ustedes
y-	yetz'ib'an	escriben ellos.

Jun ch'ik tzij:

Ri rukusaxik

y-	yinatin	me baño
y-	yatatin	te bañas
n-	natin	se baña él o ella
y-	yojatin	nos bañamos
y-	yixatin	se bañan ustedes
y-	ye'atin	se bañan ellos

Ri tz'ib' ye'ukusāx taq xik'o yan kan b'a ri samaj qab'anun ja re' rub'anikil.

Rukusaxik ri tz'ib'.

x-	xitz'uye'	me senté
x-	xatz'uye'	te sentaste
x-	xtz'uye'	se sentó
x-	xojtz'uye'	nos sentamos
x-	xixtz'uye'	se sentaron ustedes
x-	xetz'uye'	se sentaron ellos.

Jun ch'ik tzij:

Rukusaxik ri tz'ib'.

x-	xinetz'an	jugué
x-	xatetz'an	jugaste
x-	xetz'an	jugó él o ella
x-	xojetz'an	jugamos
x-	xixetz'an	jugaron ustedes
x-	xe'etz'an	jugaron ellos.

Ri tz'ib' ye'ukusāx taq nawajo' nab'ij jun samaj chi qawāch apo.

Ri rukusaxik.

xk-	xkimeson	barreré
xk-	xkameson	barrerás
xt-	xtimeson	barrerá él o ella
xk-	xkojmeson	barreremos
xk-	xkixmeson	barrerán ustedes
xk-	xkemeson	barrerán ellos

Jun ch'ik tzij:

Ri rukusaxik.

xk-	xkinetz'an	jugaré
xk-	xkatetz'an	jugarás
xt-	xtetz'an	jugará él o ella
xk-	xkojetz'an	jugaremos
xk-	xkixetz'an	jugarán ustedes
xk-	xke'etz'an	jugarán ellos.

Ja re' ri jun ka'i' xtaq na'oj niqajo' niqaq'alajirisaj apo che ri tijonel, che ri tijoxel, che ri wināq nirajo' niretamaj rucholajen ri qach'ab'äl.



Parte del Dintel 1 de Yaxichilán

NAB'EY TANAJ

RI AK'WAL PA RUTIJOB'AL

NAB'EY TIJONĪK.

1. Ri na'oj tikiren retamaxik.

- 1.1. Ni rayb'āx chi ri ak'wal niretamaj ta ri q'ejelon'ik, ruk'awomaxik ri q'ejelon'ik chuqa jun ka'i' chik ch'itaq tzij.-
- 1.2. Chuqa nirayb'āx chi ri ak'wal nikikot ta niretamaj ri kaqchikel ch'ab'āl chuqa jun ka'i' b'anob'āl pa tijob'āl.-
- 1.3. Najowāx chuqa chi ri ak'wal ni retamaj achke kib'ixik ri tzij, chuqa ruk'ulik jun wināq ri man awetaman ta ruwāch.-

2 Rucholojen ri tijonik

2.1 Kikoten tzij:

Wawe ri tijonel nuq'alajirisaj ruq'ij jun wināq ri jeb'āl niq'ejelo'n.

2.2. Rub'ixik ri tijonik:

Ri tijonel nub'ij chke ri ak'wala' chi tikib'ij ri q'ejelon'ik.

Taq ri ak'wala' xkak'axaj yan kamul, oxmul üt chik nikib'ij ri je' ri q'ejelon'ik.

Ri tijonel üt nuq'alajirisaj pa kaxlan ch'a-b'āl ri xtikib'ān ri ak'wala'.

Wawe ri ak'wal nub'ij pa ruyonil.-

2.3 Ri tijonik niq'ax pa kijolon ri ak'wala'

Ri ak'wala' nikib'ān achke nub'ij ri tijonel.

Pa taq tzob'aj

-kixpa'e'

-kixtz'uye'

-tiwak'axaj

Pa taq kiyonil.

-kapa'e'

-katz'uye'

-tawak'axaj

Ri tijonel nuk'üt chkiwāch ri ak'wala' achke nib'eqa wi ri jujun tzij.-

Ri ye'ik'atzin chupan ri tijob'ā chuqa ri samaj yeb'an chupan.

Ri tijonel rik'in ronojel rukikotomal nub'ān ri q'ejelon'ik, jeb'āl nuq'āj ri' chub'anik .-

Ri tijonel nub'ij chke ri ak'wala' chi xa chōj nikak'axaj ri nab'āy taq b'ey.

T. Xseqār k'a ak'wala'.

O. Ri ak'wala' chōj nikak'axaj.

T. Xseqār k'a ak'wala'.

O. Chōj nikak'axaj ri ak'wala'.

T. Xseqār k'a ak'wala'.

A. Xseqār k'a matyox.

Ri ak'wala' üt nikib'ij' chi kinojel, chi tzob'aj chuqa chi kijujunal.-

T. Xseqār k'a ak'wal.

A. Xseqār k'a matyox.

T. Kixpa'e' ak'wala'.

O. Ri ak'wala' yepa'e'.

T. Kixtz'uye' ak'wala'.

O. Ri ak'wala' yetz'uye'.

T. Tiwak'axaj ak'wala'.

O. Ri ak'wala' nikiya' kixk'in.

Pa ruyonil jun ak'wal.

T. kapa'e' ak'wal.

O. Ri ak'wal nipa'e'.

T. Katz'uye' ak'wal.
O. Ri ak'wal nitz'uye'.

T. Tawak'axaj ak'wal.
O. Ri ak'wal nuya' ruxkîn.

Tojtob'enîk pa taq tzob'aj:

T. Xseqâr k'a ak'wala' .
O. Xseqâr k'a matyox.

T. Kixpa'e' ak'wala'
O. Ri ak'wala' yepa'e'.

T. Kixtz'uye' ak'wala'.
O. Ri ak'wala' yetz'uye'.

Pa taq kiyonil ri ak'wala' .

T. Kapa'e' ak'wal.
O. Ri ak'wal nipa'e'.

T. Katz'uye' ak'wal .
O. Ri ak'wal nitz'uye'.

T. Xseqâr k'a ak'wal.
O. Xseqâr k'a matyox.

2.4. Rukusaxik ri tijonîk.

Wawe ri tijonel nub'ij chke ri ak'wala' chi tikib'ij ronojel ri xketamaj yan.

Re nik'atzin achi'el jun tojtob'enîk. Ütz nib'an chi konojel, pa tzob'aj chuqa pa taq kiyonil.-

Tab'an'a utzil rat tijonel, jumûl awetaman chi ri ak'wala' man kan ta ütz rub'ixik nikib'ân che ri tzijonîk nak'üt chkiwäch; roma k'a ri' nawoyob'ej jun ka'i' oxi' q'ij richin ri ak'wala' eqal nuk'uluj el chke rub'ixik ri tz'ib' e k'ayew jata'q.-

NAB'EY TANAJ

RI AK'WAL PA RUTIJOB'AL

RUKA'N TIJONĪK.

1. Ri na'oj tikiren retamaxik.

- 1.1. Nirayb'äx chi ri ak'wala' yetikīr ta nikikusaj ri xti q'ejelonik xk'ut yan chkiwäch.
- 1.2. Ni qarayb'ej chuqa chi ri ak'wala' ützt ta rub'ixik nikib'än che ri ch'ab'äl e k'o chupan ri tzij xk'ut chkiwäch.
- 1.3. Chuqa najowäx chi ri ak'wala' yetikīr nikib'ij ri tz'ib' e k'ayew jata'q chuqa najowäx chi niq'ax pa kijolon ri achke nub'ij ri tijonel chke.

2. Rucholajen ri tijonik.

2.1. Kikoten tzij:

Wakamin ri tijonel nuk'utuj chke ri ak'wala' wi k'a k'o pa kijolon ri tijonik xk'ut yan chkiwäch; nuk'utuj chke pa kaxlan ch'ab'äl.

Ri ye'ik'atzin chuqa ri samaj yeb'an chupan ri tijonik.-
T. Niños me pueden decir cuál es el saludo que aprendimos ayer.
Que palabras aprendimos en el saludo.-

A1. Si profesor.

T. ¿Cuál es el saludo?

A. se...seker ka...

T. ¿Qué otra palabra recuerda usted?

A2. si profesor, matyox.

T. Muy bien, muy bien.

2.2. Rub'ixik ru tijonik.

Wakamin rat tijonel ützt nak'utuj chke ri ak'wala' pa taq kiyonil richin nawetamaj ak'uchi' k'o jata'q ruk'ayewal.

T. Xseqär k'a ak'wal.

A. Xseker ka matyox.

T. Kapa'e' ak'wal.

O. Ri ak'wal nipa'e'.

T. Katz'uye' ak'uwal.

O. Ri ak'wal nitz'uye'.

Wawe ri k'ayew rub'ixik ja ri tz'ib' q' chuqa ri k'.

Rat tijonel k'atzinel chi ye'akanuj juläy chik tzij kichajin re tz'ib' e k'ayew.

Rat tijonel k'atzinel chi tab'ij kib'ixik ri tzij re'.

Ütz nikib'ij chi konojel, chi tzob'aj, chuqa pa taq kiyonil re tzij re'.

Säq
sek

blanco
no tiene sentido

Nak'üt jeb'äl chkiwa ak'uchi' nel wi re tz'ib' re' pan achi' k', k', k'. chuqa ri q, q, q.-

ik'
ik

luna
chile

Ri ak'wala' ützt nikib'ij jun ka'i' oxi' b'ey richin nuk'uluj chke ri rub'ixik.-

läq
lak

taza
no tiene sentido

uq
uk

corte
no tiene sentido

Chuqa kib'ixik ri k'uxatz'ib':

NAB'EY TANAJ

RI AK'WAL PA RUTIJOB'AL

ROX TIJONĪK.

1. Ri na'oj tikiren retamaxik.

- 1.1. Chupan re tijonĭk re' nirayb'āx chi ri ak'wal niretamaj achke rub'ixik taq nitzolin jun wināq chi rachoch .
- 1.2. Najowāx chuqa chi ūtz ta rub'ixik nub'ān che ri ak'wal re tijonĭk re'.
- 1.3. Najowāx chuqa chi niretamaj ri ak'wal jun ka'i' k'ak'a taq tzij chĭk.

2. Rucholajen ri tijonĭk:

2.1. Kikoten tzij:

Wawe ri tijonel k'atzinel chi nuq'alajirisaj ruq'ij taq jun wināq nich'o'n kan taq nitzolin che jun q'ejelonĭk.

2.2. Rub'ixik ri tijonĭk:

Ri tijonel ūtz yerukamluj ri nab'ey taq tijonĭk richin ri ak'wala' nikinataj chĭk jun b'ey ri ketaman.

K'atzinel chi ri tijonel yerukanuj ri ye'ik'atzin che ri tijonĭk chuqa ri yeb'an.

Ri tijonel yalan nikikot nuya' rutzil kiwāch ri ak'wala'. K'a ri nub'ān achi'el nitzolin el ri tijonel, nich'on kan chke ri ak'wala'.

T. Xseqār k'a ak'wala'.

A. Xseqār k'a matyox.

Wakamin ri tijonel nub'ān achi'el nitzolin el.

T. Yojch'o'n yan chĭk ak'wala'.

O. Ri ak'wala' chōj nikak'axaj.

Ri tijonel nub'ij jun ka'i' b'ey pa ruyonil.

Ka ri' ri ak'wala' ūtz nikib'ij chi konojel, pa taq tzob'aj chuqa pa kiyonil.

T. Yojch'o'n yan chĭk ak'wala'.

Ri ak'wala' nikib'ij:

A. Yojch'o'n yan chĭk matyox .

Wakamin ri ak'wala' nikikamluj ri nub'ij ri tijonel.

Ri ak'wala' man yetikĭr ta nikib'ij ri tz'ib' ch'.

Ri tijonel k'atzinel chi nuk'ūt jun ka'i' k'ak'a' taq tzij richin ri ak'wala' niketamaj rub'ixik ri tz'ib' k'ayew jub'a'.

Ri tijonel yerub'ān wachib'al richinnuk'ūt rub'ixik ri tz'ib' k'ayew jub'a'.

Ri tijonel nub'ij chke ri ak'wala':

-Re jun wachib'āl re' rub'i:

ch'at	cama
ch'op	piña
ch'ich'	metal
kach'	chicle
-ch'ek	rodilla

Ri tijonel nub'ij chke ri ak'wala' taq nikak'axaj ri tz'ib' ch' nikib'ojb'a' kiq'a'.

Chuqa nuk'ūt rib'ixik chk'iwāch ri ak'wala'.

cha	ch'a
cho	ch'o
chi	ch'i
chu	ch'u
che	ch'e

2.3. Ri ak'wala' niq'ax pa kijolon ri tijonik.

Wawe' ri ak'wala' yetik'ir nikib'ij, yetik'ir nikib'an ri nub'ij ri tijonel chke.-

2.4. Rukusaxik ri tijonik:

Ri tijonel utz yerutojto'ej ri ak'wala' chi kijujunal.-

T. Xseqär k'a ak'wala'.

A. Xseqär k'a matyox.-

T. Yojch'o'n yan chik ak'wala'

A. Yojch'o'n yan chik matyox.

Ri tijonel niroyoj jun chke ri ak'wala', k'a ri nu b'ij che chi tub'ana' ri q'ejelonik.-

A1. Xseqär k'a a Lucho.

A2. Xseqär k'a matyox.

A1. Yojch'o'n yan chik a Lucho.

A2. Yojch'o'n yan chik matyox.

K'a ri' ri jun ak'wal nuk'utuj rutzil ruwäch jun chik ak'wal.

A2. Xseqär k'a a Chepe.

A3. Xseqär k'a matyox.

A2. Yojch'o'n yan chik a Chepe.

A3. Yojch'o'n yan chik matyox.

A3. con A4, A4 con A5, etc.

NAB'EY TAÑAJ

RI AK'WAL PA RUTIJOB'AL.

RUKAJ TIJONĪK.

1. Ri na'oj tikiren retamaxik:

- 1.1. Chupan re jun tijonĭk re' najowāx chi ri ak'wal niretamaj achke rub'ixik taq nawajo' nawetamaj achke rub'i' jun wināq.-
- 1.2. Najowāx chuqa chi niq'ax pa rujolon ri ruq'ajarik re tijonĭk re', chuqa chi ūtz ta nub'ān che rucholajen ri nik'ūt chwäch.-

2. Rucholajen ri tijonĭk:

2.1. Kikoten tzij:

Wawe k'atzinel chi ri tijonel nab'āy nub'ij ri rub'i' rija', k'a ri nuk'utuj rub'i' jun ak'wal.

Ri ye'ik'atzin chupan ri tijob'āl chuqa ri samaj yeb'an. Richin niq'ax pa kijolon ri ak'wala' ūtz niroyoj jun ak'wal, nutz'uyb'a' chkiwäch konojel k'a ri' nutikirisaj ri tijonĭk.-

2.2. Rub'ixik ri tijonĭk:

Nab'ey nub'ān ri tijonel pa ruyonil ri rub'ixik ri tijonĭk, ka ri nuk'utuj chi tub'ij ri ak'wal.-

T. Yin nub'i' a Lix.
O. Ri ak'wal chōj nirak'axaj.
T. Yin nub'i' a Lix.
O. Chōj nirak'axaj ri ak'wal.

T. Achke ab'i' rat?
Wakamin ri tijonel nich'o'n pa ruk'exel ri tijoxel.
TA. Yin nub'i' a Pakal.

Ke re nub'ān jumul, kamul, oxmul, ri tijonel, richin niq'ax jeb'āl chkiwäch ri ak'wala'

Wakamin ri tijonel nik'utun .

Wakamin ūtz ch'ik nich'o'n ri ak'wal.
T. Achke ab'i' rat?
A. Yin nub'i' a Pakal.

A. Achke ab'i' rat?
T. Yin nub'i' a Lix.

Wakamin ri tijonel niroyoj jun chĭk ak'wal, richin ni-kib'ān ri tijonĭk chkiwäch ri ak'wala'.

Nab'ey nuk'ut ri oxi' tzij:

yĭn
rat
rija'

Taq ketaman chĭk ri ak'wala' ri oxi' taq tzij. k'a ri' nuk'utuj :

T. Achke ab'i' rat?
A. Yin nub'i' a Pakal.
T. Achke rub'i' rija?

Ri tijonel nich'o'n pa ruk'exel ri ak'wal.-
TA. Rija' rub'i' a Chepe.

Jun b'ey chĭk .
T. Achke ab'i' rat?
A1. Yin nub'i' a Pakal.

Rub'ixik ri tz'ib' k'ayew jub'a'.

Taq nikak'axaj ri ak'wala' ri tz'ib' b', nikitzeqej ri k'iq'a'.

2.3. Niq'ax pa kijolon ri ak'wala' ri tijonik.
Wawe üt'z nub'ij chke ri ak'wala' pa kaxlan tch'ab'äl
richin nikib'än ri nub'ij chke chuqa niq'ax nib'e ri
k'utunik chkijujunal.

2.4. Rukusaxik ri tijonik .
Wi üt'z xtikib'än ri ak'wala', xketamaj k'a rukusaxik
tjonik ri'.

T. Achke rub'i' rija'?

A1. Rija' rub'i' a Chepe.

Ri tijonel nuk'üt kib'ixik re jun ka'i' tzij re':

nub'i'	nubi
ab'i'	abi
rub'i'	rubi

Chuqa ri ak'wala' nikib'ij re xtaq tzij re'.

b'o	bo
b'i	bi
b'u	bu
b'a	ba
b'e	be

A1. Achke ab'i' rat?

A2. Yin nub'i' a Chepe.

A2. Achke ab'i' rat?

A3. Yin nub'i' ...

A3. Achke ab'i' rat?

A4. Yin nub'i'...

NAB'EY TANAJ

RI AK'WAL PA RUTIJOB'AL.

RO' TIJONĪK.

1. Ri na'oj tikiren retamaxik.

- 1.1. Najowāx chi ri tijonĭk re', yeb'an ronojel ri k'utun pe ri jun ka'i' oxi' q'ij.
- 1.2. Najowāx chi man xa xe ta yetikĭr nikib'ij ri nik'ut chkiwāch ri ak'wala', chuqa k'atzinel chi niq'ax pa kijolon richin ūtz nikikusaj ri ketaman.
- 1.3. Wi k'a k'o na ri man yetikĭr ta nikib'ān ri ak'wala', ūtz yekamlūx jata'q.

2. Rucholajen ri tijonĭk.

2.1. Kikoten tzij:

Wawe k'atzinel chi ri tijonel nuk'ūt chkiwa ri ak'wala' jun nīm wuj ri ruchaj'in ri tijonĭk e k'utun chĭk.

Ri k'atzinel yeb'an ri pa tijob'āl chuqa ri ye'ik'atzin che ri tijonĭk.

Ri tijonel rik'in ronojel rukikoten nuk'ūt ri jun nīm wachib'āl chkiwāch ri ak'wala', richin nikib'ij ri ak'wala' achke k'o chwāch ri wuj.-

2.2. Rub'ixik ri tijonĭk:

Rik'in ri wuj k'o chwāch ri xan, ri tijonel nuk'utuj chke ri ak'awala' ruq'ajarik ri wachb'āl je'.

Jun wuj ruwachb'āl ri tijonel, ri jun chĭk ruwachb'āl ri a Pakal.-

Ri tijonel nub'ij.

T. Achke rub'i' rija'?

A. Rija' rub'i' a Lix.

T. Achke rub'i' rija'?

A. Rija' rub'i' a Pakal.

T. Kixpa'e' ak'wala'.

O. Ri ak'wala' yepa'e'.

T. Kixtz'uye' ak'wala'.

O. Ri ak'wala' yetz'uye'.

Chuqa ūtz nuk'utuj chke ri ak'wala' pa kaxlan tzij .

T. *Qué dice el profesor cuando llega en la clase usando el kaqchikel?*

Ūtz nikib'ij ri ak'wala' chi kinojel pa taq tzob'aj chuqa pa taq kiyonil.

A. Xseqār k'a ak'wala'.

T. *Qué contestan ustedes?*

A. Xseqār k'a matyox.

T. *¿Qué dice el profesor cuando se despide de sus alumnos?*

A. Yojch'o'n yan chĭk ak'wala'.

T. *¿Qué dicen ustedes?*

A. Yojch'o'n yan chĭk matyox.

2.3. Niq'ax pa kijolon ri ak'wala' ri tijonĭk.

Nab'ey rat tijonel, tab'ana' achke nab'ān taq yatapon pa tijob'āl.

T. Xseqār k'a ak'wala'.

A. Xseqār k'a matyox.

T. Achke ab'i' rat.

A1. Yĭn nub'i' a Pakal.

T. Achke ab'i' rat.

K'a ri' jun chik ak'wal nub'an ronojel ri xab'an rat.
K'a ri niq'ax chik jun ak'wal richin niketamaj ri tinonik.

2.4 Rukusaxik ri tijonik.

Ronojel b'ey taq niq'ax apo jun ak'wal chub'anik ri tijonik, ri rachb'il nikib'obj'a' k'iq'a'.

A2. Yin nub'i' a Chepe.

T. Achke rub'i' rija'?

A2. Rija' rub'i' a Pakal.

T. Yojch'o'n yan chik ak'wala'.

A. Yojch'o'n yan chik matyox.

Wakamin utz niq'ax jun ak'wal richin nub'an achke xub'an ri tijonel.

Ke re niq'ax jun chik, jun chik; k'a jeb'al na xtiketamaj ri tijonik.



RUKA'N TANAJ

RI SAMAJIB'ÄL PA TIJOB'ÄL

NAB'EY TIJONĪK.

1. Ri na'oj tikiren retamaxik.

- 1.1. Chupan re tijonĭk najowäx chi ri ak'wal niretamaj kib'i' ri jun ka'i' oxi' samajib'äl ye'ukusäx ri pa tijob'äl.
- 1.2. K'atzinel chuqa chi ri ak'wal ützt rub'ixik nub'än chke ri k'ak'a' taq tzij.
- 1.3. Chuqa najowäx chi ri ak'wal niq'ax pa rujolon ri achke nub'ij ri tijonel chi re'.
- 1.4. Nirayb'äx chuqa chi ützt yerukusaj ri tijonĭk retaman chĭk, achi'el pa ruwi' ri q'ejelonĭk.

2. Rucholajen ri tijonĭk.

2.1. Kikoten tzij:

Richin man nikimestaj ri ak'wala' ri ketaman chĭk, ri tijonel nutikirsaj ri tijonĭk rik'in ri q'ejelonĭk.

Ri ye'k'atzin chupan ri tijob'äl chuqa ri samaj yeb'an.

Ri tijonel yeruq'ejela' ri ak'wala' rik'in ri tzij ketaman chĭk.

Chuqa ützt yeroyoj e ka'i' ak'wala' richin nikiq'ejela' ki' chi kiwäch ri kachb'il.

2.2. Rub'ixik ri tijonĭk.

Ri tijonel yerub'än pa taq q'ataj ri ak'wala' richin nikanüx jun chke ri ak'wala' nub'än ri q'ejelonĭk chke ri q'ataj chĭk.

Ri tijonel nukanuj jun chkikojöl ri q'ataj ak'wala', rija' nib'anun ri q'ejelonĭk.

A. Xseqär k'a ak'wala'.

Ri tzob'aj ak'wala' nikib'ij:

A. Xseqär k'a matyox.

Ke ri ützt noyöx jun chĭk chkikojöl ri ch'aqa chĭk tzob'aj, richin nub'ij achke xub'än ri nab'ey ak'wal.

Ká ri' ri tijonel niq'ax apo rik'in jun ak'wal nuk'utuj che ri rub'i'.

T. Achke ab'i' rat?

A1. Yin nub'i' ...

Xq'ax apo rik'in jun chĭk.

T. Achke ab'i' rat?

A2. Yin nub'i'...

K'a ri' ri tijonel xuchöp qajun tz'ib'ab'äl, richin nuk'utuj chke ri ak'wala'.

T. Achke rub'i' re'?

O. Ri ak'wala' chöj nikak'axaj.

Achke rub'i' re'.

Re' rub'i'...

T. Achke rub'i' re'?

Wakamin ja ri tijonel nub'ij ri rub'i'.

T. Re' rub'i' tz'ib'ab'äl.

Ri tijonel nub'ij kamul oxmul pa ruyonil.

Wakamin k'a ri nuk'utuj che jun ak'wal.

Ri tijonel nutz'ät achke tz'ib' ri k'ayew rub'ixik, ri tz'.

T. Achke rub'i' re'?

A1. Re' rub'i' tzib'ab'el.

T. Achke rub'i' re'?

A2. Re' rub'i' tzib'ab'el.

Ütz ch'ik nik'üt ri ch'aqa ch'ik tzij chkwäch ri ak'wala'.

ch'akät	silla
wuj	cuaderno, libro
ch'atäl	mesa
yojb'äl	borrador
tz'ib'ab'äl	lápiz, lapicero.

Ri tijonel nuk'üt rub'ixik ri jujun tzij.

ch'a-kät
ch'a-täl
yoj -b'äl
tz'i -b'a-b'äl
wuj

Chuqa ri ak'wala' niketamaj rub'ixik ri tz'.

T. Tiwak'axaj ak'wala'.

Ri ak'wala' nikamluj, nikiroxamluj rub'ixik ri tz'.
Taq nikak'axaj ri tz'ib' tz' ri jutzob'aj yepa'e' el, ri
jutzob'aj ch'ik nikitzeqej k'iq'a'.

<i>tza</i>	man junan ta rik'in	<i>tz'a</i>
<i>tzo</i>	man junan ta rik'in	<i>tz'o</i>
<i>tzu</i>	man junan ta rik'in	<i>tz'u</i>
<i>tze</i>	man junan ta rik'in	<i>tz'e</i>
<i>tzi</i>	man junan ta rik'in	<i>tz'i</i>

2.3. Niq'ax pa kijolon ri ak'wala' ri tijonik.

Wawe ütz yetojtob'ax ri ak'wala' chi konojel, chi
jutzob'aj chuqa pa taq kiyonil.

T. Achke rub'i' re'?

A1. Re' rub'i' wuj

T. Achke rub'i' re'?

A2. Re' rub'i' ch'akät.

T. Achke rub'i' re'?

A3. Re' rub'i' tz'ib'ab'äl.

T. Achke a b'i' rat?

A4. Yin nub'i'...

2.4. Rukusaxik ri tijonik

Ütz yeq'ax jun, ka'i', oxi' ak'wala' richin nikib'än ri
tijonik.

RUKA'N TANAJ

RI SAMAJIB'ÄL PA TIJOB'ÄL

RUKA'N TIJONÏK.

1. Ri na'oj tikiren retamaxik.

1.1. Najowäx chi chupan re tijonik re' ri ak'wal jeb'äl niretamaj kan kib'i' ri samajib'äl.

1.2. Chuqa k'atzinel chi ri ak'wala' nirketamaj ri tzij re', la'.

2. Rucholajen ri tijonik

2.1. Kikoten tzij:

Ri tijonel nuk'utuj chke ri ak'wala' wi nikina' ri tijonik richin iwir.

2.2. Rub'ixik ri tijonik.

Ri tijonel nub'ij chke chi üt rub'ixik nikib'än che ri samajib'äl xtuk'utuj rub'i' chke.

Taq nuk'üt ri tzij la', üt nab'ey nuq'alajirisaj pa kaxlan tzij achke ruq'ajarik.

- re' k'o chunaqaj ri nich'o'n.
- la' chöj nutzu' apo ri nich'o'n.

Ru b'ixik ri k'ayew jub'a'.

Taq nub'ij ri tijonel ri tzij la', re', ri', ri ak'wala' nikib'ojb'a' ka'i' b'ey ri kiq'a'.

2.3. Niq'ax pa kijolon ri ak'wala' ri tijonik ri nub'ij ri tijonel.

Ri yeb'an chupan ri tijob'äl chuqa ri ye'ik'atzin richin ri tijonik.

Ri tijonel yeruk'utuj chke ri ak'wala' kib'i' ri samajib'äl pa tijob'äl.

T. Achke rub'i' re'?

A1. Re' rub'i' ch'akät.

T. Achke rub'i' re'?

A2. Re' rub'i' Ch'akät.

Ri tijonel nub'än kik'in jun ka'i' ak'wala', k'a ri nuk'üt rukusaxik ri tzij la'.

T. Achke rub'i' la' (nuk'üt apo)

Ri tijonel nub'ij rukusaxik ri tzij, la'.

T. La' rub'i' ch'atäl (nuk'üt apo ri ch'atäl).

Ke re nub'ij jun ka'i' mul, richin nikitz'ät ri ak'wala' achke nub'än ri tijonel.

Ti tijonel nuk'üt kib'ixik ri k'ulaj taq tzij.

la	man junan ta rik'in	la'
re	man junan ta rik'in	re'
ri	man junan ta rik'in	ri'

Tiwak'axaj ak'wala'.

T. Xseqär k'a ak'wala'.

A. Xseqär k'a 'matyox.

T. Achke rub'i' rija'?

A1. Rija' rub'i' a Chepe.

T. Achke rub'i' rija'?

A2. Rija' rub'i' a Pakal.

T. Achke rub'i' re'?

A1. Re' rub'i' ch'akät.

T. Achke rub'i' la' (nuk'üt apo).

A2. La' rub'i' yojb'äl (nuk'üt apo).

T. Yojch'o'n yan chik ak'wala'.

A. Yojch'o'n yan chik matyox.

2.4. Rukusaxik ri tijonik.

Ütz yeq'asäx apo jun ka'i' ak'wala' richin nikib'än ronojel ri tijonik.

Xa tiq'ax nib'e ri k'utunik chkiwäch ri ak'wala'.

Ri ak'wal nitikir nub'an ri nub'ij ri tijonel chi re.-

T. Achke rub'i' la'?

A1. La' rub'i' tz'ib'ab'äl.

T. Achke rub'i' la'?

A2. La' rub'i' yojb'äl.

A1. Achke rub'i' la'?

A2. La' rub'i' wuj.

A2. Achke rub'i' la'?

A3. La' rub'i' ch'akät.



RUKA'N TANAJ

RI SAMAJIB'ÄL PA TIJOB'ÄL

ROX TIJONĪK.

1. Ri na'oj tikiren retamaxik.

- 1.1. Najowäx chi ri ak'wal niretamaj rukusaxik ri tzij "ajaw".
- 1.2. K'atzinel chi üt rub'ixik nub'än che re k'ak'a' tzij.-
- 1.3. Ri ak'wala' nikib'ij ri tzij yerub'ij ti tijonel.

2. Rucholajen ri tijonik.

2.1. Kikoten tzij.

Ri tijonel k'atzinel chi nuq'alajirisaj rukayewal rub'ixik ri jun tz'ib' W k'o chupan ri tzij ajaw.
Re q'alajirisanik re' üt nub'än pa kaxlan tzij.

2.2. Rub'ixik ri tijonik.

Ri pa kaqchikel ch'ab'äl k'o tz'ib' ri jun wi b'a' kib'ixik taq nuk'isib'ej ri tzij.- Ri pa kaxlan man ke ta re'.

Achke rajaw re' wuj re'?
Re wuj re' wichin yin.

K'a ri' yeroyoj e ka'i' ak'wala' richin nuk'üt ri tzij wichin, awichin, richin.

Ri tijonel nub'ij chke ri ak'wala' chi tikichapa' ri kiwuj, chuqa ri kitz'iba'b'al.

- re wuj re'...
- la wuj la'...
- re tz'ib'ab'äl re'...
- la tzib'ab'äl la'...

Ri samajib'äl ye'ik'atzin chuqa ri samaj yeb'an pa tijob'äl.

Ri tijonel k'atzinel chi yerukanuj wachb'äl rikik'wa'n ri tz'ib' k'ayew rub'ixik.

Ri tijonel nub'ij chi kiwäch ri ak'wala' rub'ixik re tzij re'.

Ajaw	Dios, dueño
ulew	tierra
k'ayew	difícil
plow	frijol rojo y grande
moyew	niebla de verano.

T. Achke rajaw re wuj re'?
O. Ri ak'wala' re wuj re'?
T. Achke rajaw re wuj re'?
O. Ri tijonel nub'ij ri tzij.
T. Re wuj re' wichin yin.

Nub'ij kamul oxmul re tzij re'.
Ri tijonel nuk'üt rukusaxik ri tzij **ichin**.-
wichin yin
awichin rat
richin rija'

T. Wichin (ncha' qa rija')
T. Awichin (ncha' che ri jun ak'wal).
T. Richin (ncha' che ri jun chik).

T. Achke rajaw re wuj re'?
T. Re wuj re' wichin yin.

T. Achke rajaw la wuj la'?
Nuk'üt apo, ri ak'wal nub'ij pe.
A1. Re wuj re' wichin yin.

T. Achke rajaw la wuj la'?

A2. Re wuj re' wichin yin.

T. Achke rajaw la wuj la'?

Ri tijonel nuk'ut apo jun chik ak'wal.

A3. La wuj la' richin rija'.

2.3. Niq'ax pa kijolon ri ak'wala' ri tijonik.

Ri ak'wala' utz rub'ixik nikib'an che taq ri achke
nik'utux k'o kik'in rije', chuqa taq chöj nikitzu' apo.

K'atzinel chi jun ak'wal nub'an achi'el nub'an ri
tijonel.-

2.4. Rukusaxik ri tijonik.

Wi utz nikib'an rub'ixik ri tijonik ri ak'wala' yetik'r k'a
nikikusaj ri'.



RUKA'N TANAJ

RI SAMAJIB'ÄL PA TIJOB'ÄL.

RUKAJ TIJONÏK.

1. Ri na'oj tikiren retamaxik.

- 1.1. Najowäx chi ri ak'wal niretamaj achke rub'ixik taq nakanuj jun samajib'äl.-
- 1.2. Chuqa najowäx chi niq'ax pa kijolon ri ak'wala' ri ka'k'a' tzij, chuqa ütztä rub'ixik nikib'än che.

2. Rucholajen ri tijon'ik.

2.1. Kikoten tzij:

Ri tijonel nub'än achi'el ri k'o ta xusäch, richin nukanuj.

Ri tzij ja ri:

Akuchi' k'o ri...

Ri samajib'äl ye'ik'atzin chuqa ri samaj yeb'an chupan ri tijob'äl.

Ri tijonel k'o nukanuj, nib'e ke la', nib'e ke la'.

2.2. Rub'ixik ri tijon'ik.

Ri k'ak'a' taq tzij.

- nuwuj - wawe'
- awuj - chi la'.
- ruwuj

T. Akuchi' k'o ri nuwuj, akuchi' k'o ri nuwuj.

A. Ri ak'wala' chöj nikitzu'.

k'a ri xb'erila' pe nub'ij:

T. Wawe' k'o ri nuwuj.

Ri tijonel yeroyoj e ka'i' ak'wala', richin ri ruk'utik ri k'ak'a' taq tzij.-

T. Kixan pe e k'a'i' ak'wala', nik'än pe ri iwuj K'a ri nub'ij ri tijonel.

nuwuj	(nicha' qa rija')
awuj	(nicha' che ri choq che nitzijon wi).
ruwuj	(nicha' che ri chöj nikitzu' apo).

Ri tijonel nub'ij chke ri ak'wala' achke nikib'ij taq rija' nub'ij:

Akuchi' k'o ri nuwuj?

Ri ak'awala' k'o chi nikib'ij:

wawe' k'o ri awuj.

T. Akuchi' k'o ri nuwuj?

A1. wawe' k'o ri awuj.

T. Akuchi' k'o ri nuwuj?

A2. Chi la' k'o ri awuj.

T. Matyox chawe.

Ri ak'wala' k'o chi niketamaj kiq'ajarik ri tzij:

Wawe, chi la',

T. Ri ch'akät k'o wawe'.

T. Ri wuj k'o chi la'.

Wawe' juna ruq'ajarik rik'ij chi re'...

Konojel ri ak'wala' yech'o'n.

T. Akuchi' k'o ri meseb'äl?

A1. Ri meseb'äl k'o wawe'.

T. Akuchi' k'o ri ch'atäl?

A2. Ri ch'atäl k'o wawe'.

2.3. Niq'ax pa kijolon ri ak'wala' ri tijoniik.

Ri ak'wala' nikib'ij ri nub'ij ri tijonel chke.

T. Achke rajaw re wuj re'.

A1. Re wuj re' wichin yin.

T. Achke rajaw re tz'ib'ab'äl re'?

A2. La tz'ib'ab'äl l'a richin a Chepe.-

2.4. Rukusaxik ri tijoniik.

T. Akuchi' k'o ri meseb'äl?

A3. Ri meseb'äl k'o chi la'.



RUKA'N TANAJ

RI SAMAJIB'ÄL PA TIJOB'ÄL

RO' TIJONÏK.

1. Ri na'oj tikiren retamaxik.

- 1.1. Najowäx chi ri ak'wala' yetikîr ta nikib'ij ri tijon'ik xk'ut chikiwäch ri jun kaji' q'ij.-
- 1.2. Najowäx ta chi yetikîr nikikusaj ri xk'ut pe chkiwäch.
- 1.3. Wi k'atzinel üt zekamlüx jun ka'i' oxi' tzij ri man kan ta xq'ax ri ruq'ajarik' chuqa ri k'ayew jub'a' kib'ixik.-

2. Rucholajen ri tijon'ik.

2.1. Kikoten tzij:

K'atzinel chi ri ak'wala' niketamaj jeb'äl rub'ixik ri tijon'ik kitz'eton pe.

2.2. Rub'ixik ri tijon'ik.

Ri rub'ixik re tijon'ik re' üt nib'an chi konojel, chi tzob'aj chuqa üt chi kijujunal.

Ri tzij üt zek'utüx chupan re tijon'ik re'.

Achke ab'i' rat?
Achke rub'i' re'?
Achke rub'i' la'?
Achke rajaw re'?
Achke rajaw la'?

nuwuj wichin yîn
awuj awichin rat
ruwuj richin rija'.

2.3. Niq'ax pa kijolon ri ak' wala' ri tijon'ik.

2.4. Rukusaxik ri tijon'ik.

Wi k'o jub'a' ramaj k'atzinel chi ri ak'wala' yetikîr nikib'ij pa tzijon'ik ri ketaman pe jun ka'i' oxi' q'ij.

Ri samajib'äl ye'ik'atzin chuqa ri samaj yeb'an ri pa tijob'äl.

Wakamin man k'atzinel ta ri wachib'äl je'. Ri tijonel nuchöp rub'ixik ri q'ejelon'ik ketaman chik.

T. Xseqär k'a ak'wala'.

A. Xseqär k'a matyox.

T. Achke ab'i' rat?

A1. Yîn rub'i' a Chepe.

T. Achke rub'i' re'?

A2. La' rub'i' tz'ib'ab'äl.

T. Achke rajaw re wuj re'?

A3. Re wuj re' richin a Xwan.

T. Akuchi' k'o ri meseb'äl?

A4. Ri meseb'äl k'o chi la'.

T. Ak'uchi' k'o ri yojb'äl?

A5. Ri yojb'äl k'o chi la'.

T. Yojch'o'n yan chik ak'wala'.

A1. Yojch'o'n yan chik matyox.

ROX TANAJ

RI PAN UXLANEN

NAB'EY TIJONĪK.

1. Ri na'oj tikiren retamaxik.

- 1.1. Nirayb'äx chi ri ak'wal nitik'ir nub'ij ri koköj taq q'ejelonik.
- 1.2. Nirayb'äx chuqa chi ri ak'wal niretamaj nuya' rutzil ruwäch jun winäq.
- 1.3. K'atzinel chi ri ak'wal niq'ax pa rujolon ri nub'ij ri tijonel che.

2. Rucholajen ri tijonik.

2.1. Kikoten tzij:

Ri tijonel nuk'utuj achke ak'wal retaman chik b'a ri kaqchikel, chuqa ützi ri tijonel nukanuj jun ak'wal ri retaman chik jub'a' ri kaqchikel, rik'in rija' nitik'ir wi el ri tijonik.

2.2. Rub'ixik ri tijonik.

Wakamin ri ak'wal niretamaj ri ya'oj rutzil ruwäch jun winäq.

- Xseqär k'a
- la ützi awäch?
- ützi nuwäch matyox.

K'atzinel chi ye'oyöx ka'i' ak'wala' richin retamaxik ri tzij:

nuwäch
awäch
ruwäch.

Wakamin ützi ch'ik nich'o'n ri tijoxel.

Wakamin ja ri ak'wal nuya' rutzil ruwäch ri tijonel.

Ri tijonel k'atzinel chi yerukanuj ri ye'ik'atzin che ri tijonik chuqa ri samaj nub'an.-

Ri tijonel nukamluj jub'a' ri q'ejelonik ketaman chik ri ak'wala'.

Xseqär k'a, achke ab'i',
achke rub'i' rija', ke täq ri'.

T. Xseqär k'a a Chepe.

A1. Xseqär k'a matyox.

Ri k'ak'a' tzij:

T. La ützi awäch a Chepe.

0. Ri ak'wal chöj nirak'axaj.

T. La ützi awäch a Chepe.

Wakamin ja ri tijonel nich'o'n pa ruk'exel
ri tijoxel.

T. Ützi nuwäch matyox.

Ke re nub'an jun b'ey, kamul ri tijonel.-

Chkiwäch konojel e k'o chi e ox'i' ri tijonel kik'in chik ri ka'i' ak'wala'.

Ri tijonel nuk'üt ri tzij:

nuwäch
awäch
ruwäch

Ri tijonel ützi nub'ij jun ka'i' ox'i' b'ey, chuqa' ke ri' ri ak'wala'.

T. Xseqär k'a a Chepe

A1. Xseqär k'a matyox.

T. La ützi awäch a Chepe?

A1. ützi nuwäch matyox,

la ützi k'a awäch rat.

T. ützi matyox.

A1. Xseqär k'a a Lix

T. Xseqär k'a matyox.

A1. La ützi k'a awäch rat.

*T. Ütz nuwäch matyox,
la ütz k'a awäch rat.
A1. Ütz matyox.*

2.3. Niq'ax pa kijolon ri ak'wala' ro tijonik.

Wi ri tijonik ütz xub'än rik'in re jun ak'wal, re ak'wal re'
ütz nuk'utuj rutzil ruwäch jun rachb'il. Ke ri k'a xke'k'o
na jun ka'i' oxi'.

2.4. Ri ak'wal nitikir nukusaj kik'in chik
ch'aqa winaqi'.

Taq nik'is ri tijon'ik k'atzinel nab'ij:

*T. Yojch'o'n yan chik ak'wala'.
A. Yojch'o'n yan chik matyox.-*

ROX TANAJ

RI PAN UXLANEN

RUKA'N TIJONĪK.

1. Ri na'oj tikiren retamaxik.

- 1.1. Nirayb'äx chi ri ak'wal nunataj ri ruyaik rutzil ruwäch jun winäq.
- 1.2. Najowäx chuqa chi ri ak'wal yeretamaj tzij ri kichajin tz'ib' "q'".-
- 1.3. K'atzinel chi ütztä rub'ixik nub'än che ri k'ak'a' taq tzij.

2. Rucholajen ri tijonik.

2.1. Kikoten tzij:

Ri tijonel nuk'utuj chke konojel chi tikiya' kixkän rik'in re q'ejelonik.

2.2. Rub'ixik ri q'ejelonik.

Re q'ejelonik re' k'atzinel chi nikib'än chi kijuunal ri ak'wala'.

2.3. Rusamajixik ri k'ak'a' tz'ib'.

Ri tijonel nuk'utuj chke ri ak'wala', achke ri nikiqüm pan uxlanen?

Wakamin ri tijonel nub'ij chke chi konojel tikib'ij ri tzij q'or.

K'a ri pa taq tzob'aj, k'a ri chi kijuunal.

Ri tijonel chuqa ruchajin jun ka'i' wachb'äl ri k'o ri tz'ib' re rik'in.

Chuqa ri tijonel nub'ij chke ri ak'wala' ri xtaq paj tzij.

Ri tijonel nuk'üt chkiwa ri ak'wala' akuchi' ntel wi rub'ixik re jun tz'ib' re'.

Pa jun wo'o' waqi' q'ij ri ak'wala' eqal niketamaj.

Ri ye'ik'atzin che ri tijonik, chuqa ri samaj yeb'an pa tijob'äl.

Ri tijonel niroyoj ri ak'wal retaman chik b'a ri q'ejelonik, richin nikak'axaj ri ch'aqa chik.

T. Xseqär k'a a Chepe.

A1. Xseqär k'a matyox.

T. La ütztä awäch Chepe.

A1. Ütztä nuwäch matyox,
la ütztä k'a awäch rat.

T. Ütztä nuwäch matyox.

A1. Matyox k'a ri'.

T. Qué es lo que toman en el descanso?

A1. Atol profesor.

T. Muy bien, pues la palabra atol en kaqchikel se dice: "q'or"

T. Ak'wala' tib'ij iwonojel ri tzij q'or.

O. k'o yeb'in kor.

T. Man ke ri ta, "q'or" ke ri'.

Ke re nikib'än ri ak'wala', k'o ri yetikär nikib'ij, k'o k'a ri manäq.

T. Wakamin rix tib'ij "q'or"

Ri ak'wala' k'o chi nikikamluj ri tzij q'or.

A. q'or, q'or.

T. Ja' ke ri'. Ri tijonel nub'obj'a' ruq'a'.

T. Re' rub'i':

q'aq'	fuego
aq'	lengua (ütztä nuk'üt ri raq' rija')
manq'uq'	quetzal (el ave)
q'ij	sol, día.
q'or	atole.

T. Ak'wala' tib'ij re paj taq tzij:

q'a	aq'
q'o	oq'
q'u	uq'
q'e	eq'
q'i	iq'

2.3. Niq'ax pa kijolon ri ak'wala' ri tijonik.

Wakamin ri tijonel nukusaj ri tzij q'or chupan jun ka'i ox'i taq tzij.

Ri tijonel niroyoj jun ak'wal richin nub'ij ri xretamej.

2.4. Chuqa ri ak'wal nitikir nukusaj ri xtireta-maj kik'in ch'aqa chik winaqi'.

Rat tijonel k'atzinel nab'ij:
Yojch'o'n yan chik ak'wala'.

Wi yetik'ir nikib'ij, nikib'an ri ak'wala', xq'ax k'a pa kijolon ri'.

T. *Yin utz ninna' q'or.*
Ak'wala' tib'ij iwonojel:
Yin utz ninna' ri q'or.
pa taq tzob'aj nikib'ij:
Yin utz ninna' ri q'or.

T. *La utz nana' ri q'or?*
A1. *Yin utz ninna' ri q'or.*

T. *La utz nana' ri q'or?*
A2. *Yin utz ninna' ri q'or.*

A1. *La utz nana' ri q'or?*
A3. *Yin utz ninna' ri q'or.*

ROX TANAJ

RI PAN UXLANEN

ROX TIJONĪK.

1. Ri na'oj tikiren retamaxik.

- 1.1. K'atzinel chi ri ak'wala' niketamaj rub'ixik ri tzij kik'wa'n " q' " .-
- 1.2. Najowäx chuqa rukamluxik ri k'utun utzil wäch.
- 1.3. Chuqa nirayb'äx niketamaj chik jun ka'i' k'ak'a taq tzij.-

2. Rucholajen ri tijonik.

2.1. Kikoten tzij:

Ri tijonel k'atzinel nunataj chke ri ak'wala' ri k'ak'a' taq tzij xketamaj kan iwir.

2.2. Rub'ixik ri tijonik.

Ri tijonel yeroyoj e wo'o' ak'wala', k'a ri nub'an ka'i' cholaj chke, jun chke ri cholaj nik'uje' wi rija'.

Ri tijonel nuq'alajirisaj rukusaxik ri tzij:

- | | |
|----------|-----------|
| - nuwäch | - qawäch |
| - awäch | - iwäch |
| - ruwäch | - kiwäch. |

Ri tijonel nunataj kib'ixik ri tzij kichajin ri tz'ib' q' .-

Ka'k'a' rucholajen tzij.-

<i>pa chaj q'or</i>	<i>atol blanco</i>
<i>aws q'or</i>	<i>atol de haba</i>
<i>äj q'or</i>	<i>atol de elote</i>

2.3. Niq'ax pa kiplon ri ak'wala' ri tijonik.

Ri ak'wala' k'atzinel chi niketamaj ri oxi' ruwäch q'or.

Xk'is ri tijonik.

- T. Yojch'o'n yan chik ak'wala'.
- A. Yojch'o'n yan chik matyox.

Ri samaj yeb'an ri pa tijob'äl, chuqa ri ye'ik'atzin che ri tijonik.

Ri tijonel nunataj jun ch'iti ramaj ri tzij:

La ützwäch, ützwäch matyox.

La ützwäch nana' ri q'or.

T. Xseqär k'a ak'wala'.

A. Xseqär k'a matyox.

T. La ützwäch.

O. Ri ak'wala' chöj nikak'axaj.

K'a ri' ri tijonel nich'o'n pa kik'exel ri jucholaj chik ak'wala'.

A. Ütz qawäch matyox.

Ke re nub'ij jun b'äy, kamul, oxmul.

K'a ri:

T. La ützwäch nana' ri q'or?

A1. Ja', ützwäch ninna' ri q'or.

T. La ützwäch nana' ri q'or?

T2. Ja', ützwäch ninna' ri q'or.

Ke re' k'ula' nib'e chi kiwäch ri ak'wala'.

T. Achke rub'ixik kib'i' re wachb'äl re':

q'aq'	fuego
q'or	atole
manq'uq'	quetzal
q'ij	sol, día

T. Yin ützwäch ninna' ri aws q'or.

Wakamin konojel ri ak'wala' nikib'ij:

Yin ützwäch ninna' ri aws q'or.

ke ri nikib'ij kamul oxmul.

k'a ri' ri tijonel nub'ij:

T. Achke ützwäch nana' rat?

A1. Yin ützwäch ninna' ri aws q'or.

T. Achke ützwäch nana' rat?

A2. Yin ützwäch ninna' ri äj q'or.

T. Achke ützwäch nan'a rat?

A3. Yin ützwäch ninna' ri pa chaj q'or.-

ROX TANAJ

RI PAN UXLANEN

RUKAJ TIJONĪK.

1. Ri na'oj tikiren retamaxik.

1.1. Najowāx chi ri ak'wala' niketamaj ri q'eljeloniik taq noqa el ri q'ij, chuqa taq nipe ri q'equ'n.-

1.2. Najowāx chuqa chi ri ak'wal jeb'āl niretamaj rub'ixik ri tz'ib' " q' ".-

2. Rucholajen ri tijoniik.

2.1. Kikoten tzij:

Ri tijonel nutzijoj chke ri ak'wala' chi ketaman chik yeq'ejelo'n nimaq'a', ja k'a ri tiqaq'ij chuqa ri toq'a' man ketaman ta.

K'atzinel chi ri tijonel yerukanuj ri ye'ik'atzin pa tijob'āl chuqa ri samaj yeb'an.-

Ri tijonel nuya' ri q'eljeloniik, xseqār k'a la üt awäch.

2.2. Rub'ixik ri tijoniik.

Ri tijonel nub'ān oxi' wachib'āl:

Jun richin xseqār,
jun richin xqaq'ij,
jun richin xoq'a'.

Ri tijonel nuk'üt ri jujun wachib'āl.-

Taq noqa el ri q'ij.

T. Xseqār ka.

T. Xseqār k'a.

Re ketaman chik ri ak'wala'.

Taq nixule' ri q'ij.

T. Xqaq'ij k'a...

T. Xqaq'ij k'a ...

Wakamin ri ak'wala' nikib'ij chi konojel, chi tzob'aj chuqa chi kijujunal.-

T. Xqaq'ij k'a ak'wala'.

Ri ak'wala' nikib'ij:

A. Xqaq'ij k'a matyox.

Taq yech'o'n ri jutzob'aj, ri jutzob'aj chik nikib'ojb'a' kiq'a'.

K'atzinel chi tikib'ij kamul roxmül re tzij re'.

K'a ri nuk'üt ri wachib'āl richin taq nipe ri q'equ'n.-

T. Xoq'a k'a ak'wala'.

Ri ak'wala' nikib'ij:

A. Xoq'a k'a matyox.

K'atzinel chi tikib'ij kamul roxmül re tzij re'.

2.3. Niq'ax pa kijolon ri ak'wala' ri tijoniik.

T. Xqaq'ij k'a ak'wala'.

Ri ak'wala' nikib'ij:

A. Xqaq'ij k'a matyox.

T. La üt iwäch?

A. Ütz qawäch matyox.

T. Matyox k'a ri'.

T. *Xoq'a' k'a ak'wala'.*
 Ri ak'wala' nikib'ij:
 A. *Xoq'a' k'a matyox.*

T. *La ützwäch?*
 A. *Ütz qawäch matyox.*
 T. *Matyox k'a ri'.*-


T. *Yojch'o'n yan chik ak'wala'.*
 A. *Yahch'on yan chik matyox.*

2.4. Rukusaxik ri tijonik.

Ri tijonel nuk'owsaj apo jun ak'wal richin nukusaj ri tijonik xk'ut chi ruwäch.

A1. *Xqaq'ij k'a ak'wala'.*
 Ri ak'wala' k'o chi nikib'ij:
 A. *Xqaq'ij k'a matyox.*

Ke re nub'an ri tijonel kik'in ri ch'aqa chik ak'wala'



ROX TANAJ

RI PAN UXLANEN

RO' TIJONĪK.

1. Ri na'oj tikiren retamaxik.

1.1. Najowāx chupan re tijonĭk chi ri ak'wal nunataj chĭk jun b'āy ri tijonĭk k'utun pe chwāch.

1.2. Chuqa najowāx chi tiretamaj jeb'āl rub'ixik ri jun ka'i' taq tzij ri k'ayew.-

2. Rucholajen ri tijonĭk.

2.1. Kikoten tzij:

Ri tijonel ūtz yerukusaj ri wachib'āl ri xerukusaj ri jun ka'i' tijonĭk nuya'on pe, richin nunataj rub'eyal ronojel re tijonĭk re'.

Ri tijonel yerukanuj rub'eyal ri samaj nib'an che re tijonĭk chuqa ri ye'ik'atzin.

Ri tijonel yerukusaj ri wachb'āl richin: Xseqār,xqaq'ij, xoq'a' chuqa yerunataj ri ch'aqa chĭk.-

2.2. Rub'ixik ri tijonĭk:

Ri tijonel ūtz nuq'alajirisaj chke pa kaxlan tzij chi:

- Nab'ey ri q'ejelonĭk xseqār...
- Ruka'n ri q'ejelonĭk xqaq'ij...
- Rox ri q'ejelonĭk xoq'a'...

Ri tijonel nuya' chwaxan ri wachb'āl richin **XSEQ'AR**.

T. Tiwak'axaj iwonojel:

O. Ri ak'wala' konojel nikiya' kixkĭn.-

Konojel ri ak'wala' nikib'ij:

T. Xseqār k'a ak'wala'.

A. Xseqār k'a matyox.

T. La ūtz k'a iwāch .

A. Ūtz qawāch matyox...

Ri tijonel nub'ij chke chi tikik'utuj rutzil ruwāch rija'.

A. La ūtz k'a awāch rat?

T. Ūtz nuwāch matyox.

A. Matyox k'a ri'.

2.3. Niq'ax pa kijolon ri ak'wala' ri tijonĭk.-

Ri tijonel nujālel ri wachib'āl, nuya' kan ri richin **XQAQ'IJ**.-

T. Tiwak'axaj iwonojel.

O. Ri ak'wala' nikiya' kixkĭn.

T. Xqaq'ij k'a ak'wala'.

Konojel ri ak'wala' nikib'ij:

A. Xqaq'ij k'a matyox.

T. La ūtz iwāch ak'wala'.

A. Ūtz qawāch matyox...

Ri tijonel nub'ān apo ruq'a' chke chi tikik'utuj rutzil ruwāch rija'.

K'a ri' ri tijonel nuk'utuj rutzil kiwāch pa taq tzob'aj.-

A. La ūtz k'a awāch rat.?

T. Ūtz nuwāch matuyox.

A. Matyox k'a ri'.

Ri tijonel nujāl el ri wachib'āl, nuya' kan ri richin **XOQ'A'**.

T. Tiwak'axaj ak'wala'.

A. Ri ak'wala' nikiya' kixkĭn.

T. Xoq'a' k'a ak'wala'.

A. Xoq'a' k'a matyox.

T. La ützwäch ak'wala'.

A. Ütz qawäch matyox...

Ri tijonel nub'än apo ruq'a' chke, richin nikik'utuj rutzil ruwäch rija'.

A. La ützwäch k'a awäch rat.

T. Ütz nuwäch matyox.

A. Matyox k'a ri'.

Ri tijonel nub'än re tijonik re' chkijujunal ri ak'wala'.

Ri tijonel niq'ax apo rik'in jun ak'wal.

T. Xqaq'ij k'a ak'wal.

A. Xqaq'ij k'a matyox.

T. La ützwäch rat.

A. Ütz nuwäch matyox,

A. la ützwäch k'a awäch rat.

T. Ütz nuwäch matyox

A. Matyox k'a ri'.

Taqxtik'is ri q'ejelonik rik'in ri ak'wal konojel nikib'obja' kiq'a'.

Wakamin niq'ax apo jun chik ak'wal nub'än ri q'ejelonik kik'in ri rachb'il.

A1. Xqaq'ij k'a ak'wala'.

A. Xqaq'ij k'a matyox.

A1. La ützwäch ak'wala'.

A. Ütz qawäch matyox...

A. La ützwäch k'a awäch rat.

A1. Ütz nuwäch matyox.

Taq xuk'is qa ri q'ejelonik ri ak'wal konojel xkib'obja' kiq'a'.

Taqxtib'ek'is re jutana' tijonik re' nirayb'äx chi ri ak'wal nitikix chik nuya' rutzil ruwäch jun winäq.

RUKAJ TANAJ

RI ETZ'ANIN PA TIJOB'ÄL

NAB'EY TIJONÏK.

1. Ri na'oj tikiren retamaxik.

- 1.1. Najowäx chi ri ak'wal nitikir nub'ij ri tz'ib' "q' " chupan ri chaqa chiik tzij.
- 1.2. Chuqa nojowäx chi ri ak'wal niretamaj taq man nikajo' ta jun tzij (man ... ta).

2. Ruchoilajen ri tijonik.

2.1. Kikoten tzij:

Ri tijonel nunataj chke ri ak'wala' achke niya' chke taq nitikir ri uxlanen.

Ri tijonel k'atzinel chi yerukanuj ri ye'ik'atzin chuqa ri samaj yeb'an ri pa tijob'äl.-

Ri tijonel nuk'utuj chke ri ak'wala'

T/ Achke niqum pan uxlanen?

Jun ak'wal xub'ij pe.

A1/ Q'or, q'or...

2.2. Rub'ixik ri tijonik.

Ri tijonel nub'ij pa kaxlan ch'ab'äl chi tikib'ij jun ka'i' tzij rik'in ri tz'ib' "q' ".

Ri tijonel nuk'üt kiwachb'äl re tzij re', k'a ri nub'ij:

T/ Achke rub'i' re'?

q'or	atol
q'ij	sol
q'ab'aj	q'a-b'aj
q'aq'	fuego
moq'	puño

Wakamin ri ak'wala' nikib'ij pa jun tzij ri ch'ab'äl q'or.

T/ Tib'ij kamul oxmul re tzij re':

Yin ützininna' ri q'or.

Rat ützinana' ri q'or.

Rija' ützinuna' ri q'or.

Ri ak'wala' niketamaj taq man nikajo' ta jun tzij.-

T/ Ak'wala' tiwak'axaj, tiwak'axaj.

Ri tijonel chuqa nuk'üt rik'in ruq'a' taq man nirajo' ta jun tzij.

Ri ak'wala' nikiya' kixkin.-

man... ta...

T/ Yin ützininna' ri q'or.

T/ Yin man ützin ta ninna' ri q'or.

T/ Iwonojel tib'ij:

Yin man ützin ta ninna' ri q'or.

K'a ri pa taq tzob'aj, k'a ri chi kijujunal.

2.3. Niq'ax pa kijolon ri ak' wala' ri tijonik.

Ri tijonel nub'ij chke ri ak'wala' chi tikib'ij chi konojel, chi q'ataj chuqa chi kijujunal.-

Nab'äy nuk'utj che jun ak'wal wi ütz nuna' ri q'or, ri ak'wal nub'ij, ja'. -

T. La ütz nana' ri q'or.

A1. Ja', ütz ninna' ri q'or.

Ri tijonel nib'e chik apo rik'in jun ak'wal.

T. La ütz nana' ri q'or.-

A2. Ja' ütz ninna' ri q'or.

Wakamin ri ak'wal nub'ij manäq.

T. La ütz nana' ri q'or?

A1. Manäq, man ütz ta ninna' ri q'or.

Ri tijonel nib'e chik apo rik'in ri jun ak'wal.

T. La ütz nana' ri q'or?

A2. Manäq, man ütz ta ninna' ri q'or.-



RUKAJ TANAJ

RI ETZ'ANIN PA TIJOB'ÄL

RUKA'N TIJONĪK.

1. Ri na'oj tikiren retamaxik.

1.1. Najowäx chi ri ak'wala' niketamaj rub'i' jun etz'anin.-

1.2. Najowäx chuqa chi ri ak'wala' ützt rub'ixik nikib'ij ri etz'anin.

2. Rucholajen ri tijonĭk.

2.1. Kikoten tzij:

Ri tijonel nub'ij chke ri ak'wala' wi nikajo' niketamaj rub'i' jun etz'anin.

Ri tijonel nuk'utuj chke ri ak'wala' pa kaxlan tzij achke chikopi' yeto'on richin ri achin pa juyu'.

2.2. Rub'ixik ri tijonĭk.

Nab'ey niketamaj ri ak'wala' ri tzij kej.

K'a ri nub'ij chi k'o jun etz'anin rub'i' "k'utun kej".-

2.3. Niq'ax pa kijolon ri ak'wala' ri tijonĭk.

Ri e k'atzinel che ri tijonĭk chuqa ri samaj yeb'an chupan.

T. Achke chköp nito'on ri achin pa juyu'?

Ri ak'wala' yekib'ij pe jun ka'i' kib'i' ri chikopi'.

T. Wakamin yojch'o'n pa ruwi' ri kej, pa kaxlan rub'i' caballo.

T. Iwonojel tib'ij kej.

A. Kej, kej.-

*T. Wakamin tib'ij iwonojel:
tz'i', wakx, karne'*

T. Ri etz'anin rub'i' "k'utun kej".

T. Iwonojel tib'ij:

K'utun kej

A. K'utun kej, k'utun kej.

Taq xketamaj yan konojel ri tzij k'utun kej, k'a ri nuk'utuj pa taq tzob'aj, chuqa chi kijujunal.-

T. Achke rub'i' ri etz'anin?

Ri tijonel nub'ij chke chi tikib'ij:

A. K'utun kej, k'utun kej.

T. Achke rub'i' ri etz'anin?

A1. K'utun kej.

Ri tijonel niq'ax chik apo rik'in jun ak'wal.

T. Achke rub'i' ri etz'anin?

A2. K'utun kej.

Jun chik ak'wal.

T. Achke rub'i' ri etz'anin?

A3. K'utun kej.-

RUKAJ TANAJ

RI ETZ'ANIN PA TIJOB'ÄL

ROX TIJONĪK.

1. Ri na'oj tikiren retamaxik.

1.1. Najowāx chi ri ak'wal richin rukikotemal niretamaj jun xti etz'anin.-

1.2. Najowāx chuqa nukusaj ri tzij man...ta..., chuqa ri tzij "ja' ".-

2. Rucholajen ri tijonĭk.

2.1. Kikoten tzij:

Ri tijonel nutzijoj chkiwäch ri ak'wala' achke ruq'ij ri etz'anin.

- Richin nuyĭk ak'u'x.
- Richin ruk'iyik ri ach'akul.
- Chuqa richin nuk'uje' ana'oj.

2.2. Rub'anikil ri etz'anin.

Ri etz'anin ke re rub'anikil.-

- Yekanūx e ka'i' ak'wala'. Jun nok rajaw ri kej, ja k'a ri jun chĭk ak'wal ja ri' ri yerukanuj ri rukej xerusäch.

Ri tijonel yeruchöl ri ak'wala', nuk'üt chkiwäch achke nikib'ij ri e ka'i' ak'wala'.

Wi yalan k'ayew nikib'ij pa qach'ab'äl ützt nikib'ij pa kaxlan tzij.

2.3. Taq ützt xtikib'än ri ak'wala', xq'ax k'a pa kijolon ri etz'anin ri'.

Ri k'atzinel je', richin ri tijonĭk chuqa ri samaj ützt yeb'an ri pa tijob'äl.

Ri tijonel yeruk'wa'j ri ak'wala' chwa jay.-

Yalan nikikot, nitzijon kik'in ri ak'wala' ri rejqalen ri etz'anin.

Ri tijonel nuq'alajirisaj chi ri etz'anin xtikib'än rub'i' k'utun kej.

Ri ak'wal xerusäch rukej napon rik'in ri ak'wal e k'o jucholaj rukej.

- A. Xseqär k'a táta.
- B. Xseqär k'a matyox.

- A. La ützt k'a awäch rat?
- B. Ützt nuwäch matyox, la ützt k'a awäch rat.

- A. Ützt nuwäch matyox.
- B. Matyox k'a ri'.

- A. Takuyu' numak, la man jun k'a jun nukej ri xoqa ta awik'in.
- B. Man jun akej ta xoqa wik'in.

- A. La manäq k'a naya' q'ij ninkanuj chkikojöl la akej?
- B. Ützt k'a takanuj.

Ri ak'wal nib'e chkikojöl nukanuj ri rukej, taq xtitzolin pe nub'ij:

- A. K'o ri nukej, ja la k'o pa ruk'isib'äl.
- B. Tachapa' k'a, q'alaj ri' awichin?

Ke ri' ri achin nuchöp kichapik ri kej e k'o pa ruk'isib'äl, k'a xkeruk'än na el k'iy rukej ri jun ak'wal, nik'is ri etz'anin.

RUKAJ TANAJ

RI ETZ'ANIN PA TIJOB'ÄL

RUKAJ TIJONÏK.

1. Ri na'oj tikiren retamaxik.

- 1.1. Najowäx chi ri ak'wal nitikïr nub'ij rub'i' ri etz'anin pa qach'ab'äl, chuqa nub'ij wi ützt nutz'ät re etz'anin re'.
- 1.2. Chuqa najowäx chi ri ak'wal niq'ax pa rujolon, nitikïr ützt nub'ij re tijonïk re'.

2. Rucholajen ri tijonïk.

2.1. Kikoten tzij:

Ri tijonel wakamin nuk'utuj chke ri ak'wala' achke rub'i' ri etz'anin, la ützt nikina' re etz'anin re', chuqa ch'aqa chik tzij nuk'utuj chke.

Ri tijonel yerukanuj ri ye'ok chupan ri tijonïk, chuqa ri samaj k'atzinel yeb'an.

Ri tijonel nab'äy nub'ij:

Xseqär k'a, la ützt iwäch, achke ab'i' rat' k'a ri' nutiki-risaj ri tijonïk.

2.2. Rub'ixik ri tijonïk

Ri ak'wala' ützt nikib'ij chi konojel, chi tzob'aj chuqa chi kijujunal.

Achke rub'i' ri.....

La ützt nitz'ät.....

T. Ri etz'anin rub'i' k'utun kej.

T. Tib'ij iwonojel:

Ri etz'anin rub'i' k'utun kej.

A. Ri etz'anin rub'i' k'utun kej.

Ri tijonel nub'ij kamul oxmul re tzij re'.

2.3. Niq'ax pa kijolon ri ak'wala' ri tijonïk.

T. Achke rub'i' ri etz'anin?

A1. Ri etz'anin rub'i' k'utun kej.

Ri tijonel niq'ax chik apo rik'in jun ak'wal.

T. Achke rub'i' ri etz'anin?

A2. Ri etz'anin rub'i' k'utun kej.

Jun chik ak'wal.

Ta. Achke rub'i' ri etz'anin?

A3. Ri etz'anin rub'i' k'utun kej.

Wakamin ri tijonel nuk'utuj chke ri ak'wala' wi ützt nikit'ät re etz'anin re'.

La ützt nitz'ät ri

Ja', ützt niqatz'ät ri

T. La ützt nitz'ät la etz'anin la'?

Ri tijonel nub'ij chke jucholaj ak'wala'chi tikib'ij:

Ja', ützt niqatz'ät la etz'anin la'.

Konojel ri ak'wala' yech'o'n nikib'ij:

T. La ützt nitz'ät la etz'anin la'.

A. Ja', ützt niqatz'ät la etz'anin la'.

La ützt natz'ät ri

Ja', ützt nintz'ät ri

Wakamin ruyon jun ak'wal nich'o'n.

T. La ützt natz'ät la etz'anin la'?

A1. Ja', ützt nintz'ät la etz'anin la'.

T. La ützt natz'ät la etz'anin la'.

A2. Ja', ützt nintz'ät la etz'anin la'.

RUKAJ TANAJ

RI ETZ'ANIN PA TIJOB'ÄL

RO' TIJONĪK.

1. Ri na'oj tikiren retamaxik.

1.1. Najowāx chi ri ak'wala' nikinataj ri jun ka'i' oxi' tzij xketamaj pe ri jun ka'i' oxi' q'ij.-

1.2. Najowāx chi ütztā rub'ixik, niq'ax pa rujolon ri nub'ij ri tijonel.-

2. Rucholajen ri tijonik.

2.1. Kikoten tzij:

Ri tijonel nuk'utuj chke ri ak'wala' achke j'e tzij xketamaj ri jun ka'i' oxi' q'ij.-

Ti tijonel nukanuj ri ye'ik'atzin chuqa ri samaj k'atzinel yeb'an.

Ritijonel nub'ij: Xseqär k'a, xqaqa'ij k'a, la ütztā awäch, la ütztā nana' ri q'or, chuqa ri etz'anin.-

2.2. Rub'ixik ri tijonik.

La ütztā k'a iwäch?
La ütztā k'a awäch?

Achke nuqüm ri ak'wal?
Achke naqüm rat?

Achke rub'ij ri etz'anin?
La ütztā nitz'ät ri etz'anin?
La ütztā natz'ät ri etz'anin?

—ninqüm —nintz'ät
—naqüm —natz'ät
—nuqüm —nutz'ät

T. Xseqär k'a ak'wala'.

A. Xseqär k'a matyox.

T. Xqaqa'ij k'a ak'wala.

A. Xqaqa'ij k'a matyox.

2.3. Niq'ax pa kijolon ri ak'wala' ri tijonik.

Ri tijonel nuk'üt jun wachib'äl ri ak'uchi' ri ak'wal nuqüm ruq'or.

Ri tijonel nuk'üt apo ri jun wachb'äl rik'in ri etz'anin.

T. La ütztā k'a iwäch.

A. Ütztā qawäch matyox.

A. La ütztā k'a awäch rat?

T. Ütztā matyox.

A. Matyox k'a ri'.

K'o jun wachb'äl chwa xan, ri nuqüm ruq'or jun ak'wal.

T. Achke nuqüm ri ak'wal?

Ri tijonel nuk'üt apo ri wachb'äl.

A1. Ri ak'wal nuqüm ruq'or.

T. Achke naqüm rat?

A1. Yin ninqüm nuq'or.

T. La ütʒ nana' rat ri q'or?

A1. Ja', ütʒ ninna' ri q'or.

Ri tijonel ütʒ nuk'utuj che jun chik ak'wal.

T. Achke rub'i' re etz'anin re'?

A1 La etz'anin la' rub'i', k'utun kej.

Ri tijonel niq'ax chik apo rik'in jun ak'wal.

T. Achke rub'i' re etz'anin re'?

A2. La etz'anin la' rub'i', k'utuj kej.

Ri tijonel nuk'utuj che jun chik ak'wal.-

T. La ütʒ natz'ät re' etz'anin re'?

A3. Ja', ütʒ nintz'ät re etz'anin re'.

K'a ri jun chik ak'wal.



T. La ütʒ natz'ät la etz'anin la'?

A4. Ja', ütʒ nintz'ät la etz'anin la.-

K'a ri taq nik'is ri tijonik nibe', nub'ij kan:

T. Yojch'o'n yan chik ak'wala'?

A. Yojch'o'n yan chik matyox.



RO' TANAJ

RI TE'EJ TATA'AJ

NAB'EY TIJONĪK.

1. Ri na'oj tikiren retamaxik.

- 1.1. Najowāx chi ri ak'wal niretamaj kib'ixik ri tzij te'ej tata'aj.-
- 1.2. Chuqa najowāx chi ri ak'wala' niketamaj nikikusaj ri tzij janipe', chuqa ri rub'ixik ri rutzolixik rub'ixik.
- 1.3. Niretamaj chuqa ri ak'wal ri ajlanĭk nikitĭr el rik'in jun k'a pa lajuj.

2. Rucholajen ri tijonĭk.

2.1. Kikoten tzij:

Ri tijonel nuk'ūt apo chkiwāch ri ak'wala' jun wachib'āl ri ruchajin ri ach'alal ri'īl.
Nuq'alajirisaj chi chupan jun ach'alal ri'īl k'o jun tata'aj jun te'ej chuqa e k'o jun ka'i' oxi' ak'wala'.

2.2. Rub'ixik ri tijonĭk.

K'atzinel chi ri tijonel ūtz rub'ixik nub'ān che ri tijonĭk, chuqa eqal jub'a nub'ij.-

Man ichinan ta.

- te'ej.
- tata'aj.

Ri tijonel nuk'ūt chi kiwāch ri ak'wala' pa kiyonil ri tzij te'ej chuqa ri tata'aj.-

Wakamin ri tijonel nuk'ūt ri tzij:

Ajlab'āl	Julāy chĭk tzij:
jun	janipe'
ka'i'	alk'wa'l
oxi'	ach'alal
kaji'	
wo'o'	
waqi'	
wuqu'	
waqxaqi'	
b'eleje'	
laju	

K'atzinel kekanūx ri ye'ik'atzin che re tijonĭk re', chuqa achke je' samaj ūtz yeb'an.-

Ri tijonel nuk'utuj chke ri ak'wala' achke k'o chi ruwāch ri wachib'āl.

K'o ak'wala' xtikib'ij pe pa qach'ab'āl chuqa e k'o xtikib'ij pe pa kaxlan ch'ab'āl.-

T. Rija' ri te'ej, rija' ri tata'aj.-

T. Achke rija'?

Ri ak'wala' chōj nikak'axaj.

T. Achke rija'?

T. Ri ja' ri te'ej, rija' ri tata'aj.

T. Wakamin iwonojel tib'ij:

Rija' ri te'ej, rija' ri tata'aj.-

A. Rija' ri te'ej, rija' ri tata'aj.-

Ri tijonel nuk'ūt apo rik'in ri wachib'āl.-

T. Achke rija'?

A. Rija' ri te'ej.

T. Achke rija'?

A. Rija' ri tata'aj.

Ri tijonel nuk'ūt ri ajlab'āl.

T. Ak'wala' tib'ij:

jun, ka'i', oxi', kaji', wo'o'...

TA. jun, ka'i', oxi', kaji', wo'o'...

Wakamin ri tijonel nuk'utuj chke ri ak'wala'.

T. Janipe' kalk'wa'l re ach'alal re'.

Ri tijonel nub'ij chke ri ak'wala' chi tikib'ij:

A. Re ach'alal re' k'o ka'i' kalk'wa'l.-

Ri ak'wala' nikib'ij kamul oxmul.-

2.3. Niq'ax pa kijolon ri ak'wala' ri tijonik.

Re nik'atzin richin nikinataj ri ak'wala', ri k'a ri' tiketa-maj qa, ützi nik'utux chke chi tzob'aj chuqa pa taq kiyonil.

Wi yetik'ir nikib'ij, chuqa niq'ax pa kijolon; yetik'ir k'a nikikusaj re tzij re' ri'.

Ri tijonel nuk'üt ri tzij: -alk'wa'l

Ri tijonel k'atzinel chi nuk'üt jeb'el ri ruq'ajarik ri jujun tzij.-

T. Wakamin ak'wala' niqanataj ronojel ri xqetamaj qa.

T. Achke rija'?

A. Rija' ri te'ej

T. Achke rija'?

A. Rija' ri tata'aj.

T. Achke rije'. (nuk'üt chi konojel)

A. Rije' e te'ej tata'aj.-

T. Janipe' kalk'wa'l re ach'alal re'.

Ri tijonel nub'ij chke ri ak'wala' chi tikib'ij.

A. Re ach'alal re' k'o ka'i' kalk'wa'l.-

Ri ak'wala' ützi nikib'ij kamul oxmul.

Ri tijonel nuk'üt achke rub'anikil taq nirichinaj re tzij alk'wal.

T. Ak'wala' iwonojel niwetamaj re tzij:

walk'wa'l

qalk'wa'l

awalk'wa'l

iwalk'wa'l

ralk'wa'l

kalk'wa'l

Ri ak'wala' k'atzinel chi niketamaj rub'ixik re tzij, chuqa ri ruq'ajarik.-

Chuqa ri ak'wala' niketamaj rukusaxik chuqa ruq'ajarik ri tzij: ach'alal

wach'alal
awach'alal
rach'alal

qach'alal
iwach'alal
kach'alal.



0



1



2



3



4



5



6



7



8



9



10



11



12




13



14




15



16



17



18



19

RO' TANAJ

RI TE'EJ TATA'AJ

RUKA'N TIJONĪK.

1. Ri na'oj tikiren retamaxik.

- 1.1. Najowāx chi ri ak'wala' nuketamaj rukusaxik ri tzij te'ej tata'aj taq richinan jun wināq.-
- 1.2. Najowāx chi ri ak'wal nitikīr nukusaj ri tzij nata', atata', rutata', nute', ate', rute'; chuqa ch'aqa chīik xtaq tzij.-
- 1.3. Ri ak'wal niretamaj rub'ixik ri tz'ib' t' rik'in ri tzij t'oj.

2. Rucholajen ri tijonĭk.

2.1. Kikoten tzij:

Ri tijonel nuk'utuj chke ri ak'wala' achke xketamaj che ri tijonĭk iwir.-

Xa jun xtiramaj ok nunataj ri tijonĭk richin iwir.-

2.2. Rub'ixik ri tijonĭk.

Ri tijonel nub'ij chke ri ak'wala' chi jun wi rub'ixik taq nawichinaj ri tzij: te'ej, tata'aj.

Chuqa nukusaj chīik jun b'ey ri wachib'āl richin ri te'ej tata'aj.

Ichinan taq tzij:

- nata' -nute'
- atata' -ate'
- rutata' -rute'

Ri tijonel nuk'ūt rub'ixik ri tz'ib' t' rik'in ti tzij t'oj.-

Ri tijonel chuqa ūtz nuq'alajirisaj pa kaxlan tzij ruq'ajarik ri tzij t'oj.

Wakamin ri tijonel nub'ān ri k'utunĭk.

Ri tijonel nutz'āt chi k'ayew jub'a rub'ixik nub'ān jun ka'i' xtaq samaj.-

Ri tijonel yerukanuj ri ye'ik'atzin chuqa ri samaj yeb'an ri pa tijonĭk.

Ri k'atzinel taq samaj, chuqa ri ye'ik'atzin chupan re tijonĭk re'.

T. Achke xqatz'āt ri pa tijonĭk iwir. Iwir xqetamaj ri te'ej tata'aj, xqetamaj jub'a ri ajlanĭk chuqa ri kalk'wa'l ri te'ej tata'aj.-

Ri tijonel nik'uje' pa ruk'exel ri xti ala'.

T. Rija' ri nata', (nuk'ūt ri tata'aj)

T. Rija' ri nute'. (nuk'ūt ri te'ej)

Ri ak'wala' chōj nikitzu' chuqa chōj nikak'axaj.-

K'a ri' ri tijonel niroyoj jun xti xtān chuqa nub'ij.-

A1. Rija' ri nata'. (nuk'ūt ri tata'aj)

A1. Rija' ri nute'. (nuk'ūt ri te'ej)

K'a ri niroyoj chīk jun xti ala' chuqa nub'ij.-

A2. Rija' ri nata'.

A2. Rija' ri nute'.

Wakamin ri tijonel nub'ān jun xti etz'anin achke nub'ān jun wināq taq man nirak'axaj ta.

K'a ri nub'ij aachke nib'il che jun wināq ri man nirak'axaj ta; k'o yeb'in t'oj chuqa k'o yeb'in tokōn che.

Ri ch'ab'āl niqakusaj ja ri t'oj.

T. Ri nata' yin t'oj.

Konojel ri ak'wala' nikib'ij:

A. Ri nata' yin t'oj.-

T. Achke rub'anun ri atata' rat?

Ri ak'wala' k'o chi nikib'ij:

A. Ri nata' yin t'oj.

Wakamin ri ak'wala' nikib'ij re tzij re':

t'o	man junan ta rik'in	to
t'a	man junan ta rik'in	ta
t'i	man junan ta rik'in	ti
t'u	man junan ta rik'in	tu
t'e	man junan ta rik'in	te.

2.3. Ri tijonik niq'ax pa kijolon ri ak'wala'.

Ri tijonel k'atzinel chi nuk'ut achke nub'an che ri raq' taq nub'ij ri tz'ib' t'.

Ri tijonel nuk'utuj chke ri ak'wala'.

T. *Achke rub'anun ri nata' yin?*

Ri ak'wala' k'o chi nikib'ij:

A. *Ri atata' rat t'oj.*

Jun b'ay chik.

T. *Achke rub'anun ri nata' yin?*

A. *Ri atata' rat t'oj.*

Wakamin ja ri tijonel nuk'utuj che jun ri ak'wal.

T. *Achke rub'anun ri atata' rat?*

Ri ak'wal k'o chi nub'ij:

A1. *Ri nata' yin t'oj.*

Ri tijonel niq'ax chik apo rik'in jun ak'wal, nuk'utuj che.

T. *Achke rub'anun ri atata' rat?*

A2. *Ri nata' yin t'oj.*

T. *Achke rub'anun ri rutata' rija'?*

A2. *Ri rutata' rija' t'oj.*

2.4. Rukusaxik ri tijonik.

Ri tijonel wakamin niroyoj jun ak'wal, ja rija' ri nib'anun ri k'utunik.

A1. *Achke rub'anun ri atata' rat?*

A2. *Ri nata' yin t'oj.*

A2. *Achke rub'anun ri atata' rat?*

A3. *Ri nata' yin t'oj.*

A3. *Achke rub'anun ri rutata' rija'?*

A4. *Ri rutata' rija' t'oj.*

RO' TANAJ

RI TE'EJ TATA'J

ROX TIJONĪK.

1. Ri na'oj tikiren retamaxik.

- 1.1. Najowāx chi ri ak'wal niretamaj ruq'ajarik jun samaj, ri samaj pa juyu', ri samaj pa jay.-
- 1.2. Najowāx chi ri ak'wala' niketamaj rub'ixik jun ka'i', oxi' ruwāch samaj.-
- 1.3. K'atzinel ützi rub'ixik nib'an pa ruwi' re tijonik re'.

2. Rucholajen ri tijonik.

2.1. Kikoten tzij:

Ri tijonel nuq'alajirisaj chkiwāch ri ak'wala' chi junan kiqu'ij ri samaj. Ri samaj pa jay junan ruq'ij rik'in ri samaj pa juyu'.

Ri tijonel yerub'ān jun ka'i' wachb'āl ri nuq'alajirisaj kiwāch ri samaj je'.

Ri tijonel nub'ij chke ri ak'wala' : jun wināq nizamāj k'o rixin, rukinaq', k'o chuqa rupwaq.

2.2. Rub'ixik ri tijonik.

Ri tijonel nuk'ūt apo kiwachb'āl ri jalajōj taq samaj.

Ri tijonel nuq'olij chwa xan chi jujun re kiwachb'āl re jalajōj taq samaj.

Ri tijonel nub'ij:

ajtiko'n
ajyūq'
ajtz'iso'n
ajkem
ajtz'ib'

T. Rija' ajtiko'n
T. Rija' ajyūq'
T. Rija' ajtz'iso'n
T. Rija' ajkem
T. Rija' ajtz'ib'.

Ütz nik'utūx chi konojel, chi tzob'aj, chuqa chi kijuunal ri ak'wala'.

K'a ri' ri tijonel nuk'utuj chke ri ak'wala', achke kisamaj ri kite' kitata'.

Ri tijonel nub'ij:

T. Ri nata' yin ajtiko'n.
Tib'ij iwonojel ak'wala' :
A. Ri nata' yin ajtiko'n.

2.3. Niq'ax pa kijolon ri ak'wala' ri tijonik taq nub'ān ri tojtob'enik ri tijonel, k'o chi nuk'ūt apo ri wachb'āl.

T. Achke rusamaj ri atata' rat?
A1. Ri nata' yin ajtiko'n

T. Achke rusamaj ri atata' rat?
A2. Ri nata' yin ajyūq'.

T. Achke rusamaj ri atata' rat?
A3. Ri nata' yin ajtz'iso'n.

T. Achke rusamaj ri atata' rat?
A4. Ri nata' yin ajkem.

T. Achke rusamaj ri atata' rat?
A5. Ri nata' yin ajtz'ib'.

Ke re ruk'utuxik nib'an che rusamaj ri te'ej.-

T. Achke rusamaj ri ate' rat?

A1. Ri nute' yin ajtz'ib'.

2.4. Rukusaxik ri tijonik.

Nirayb'ax chi ri ak'wal chuqa niretamaj ruk'utuxik jun tzij chke ri ruwinaq.


K'a ri' niq'ax apo jun ak'wal, richin nuk'utuj che jun rachb'il.

A1. Achke rusamaj ri ate' rat?

A2. Ri nute' ajkem.-

A2. Achke?

A3. Ri nute'



RO' TANAJ

RI TE'EJ TATA'AJ

RUKAJ TIJONĪK.

1. Ri na'oj tikiren retamaxik.

1.1. Najowāx chi ri ak'wala' nikitamaj ruq'ajarik ri tzij nimalaxel, chaq'laxel.-

1.2. Nirayb'āx chuqa' chi ri ak'wal nunataj ri tijonĭk xk'ut chwāch nab'ey.-

2. Rucholajen ri tijonĭk.

2.1. Kikoten tzij:

Ri tijonel nuq'alajirisaj chi e k'o ach'alal ri k'o ka'i',
oxi', kaji' kalk'wa'l. Ke ri nuk'utuj chke ri ak'wala' e
janipe' rije' pa kachoch.

2.2. Rub'ixik ri tijonĭk.

Ri tijonel nukanuj jun wachib'āl ri ak'uchi' e k'o oxi'
akwala', ūtz xtaq xtani' chuqa ūtz xtaq alab'o'.

nimalaxel
chaq'laxel.

Ri tijonel nuk'utuj chke ri ak'wala' chi tikib'ij pa taq
tzob'aj.

Wakamin ri tijonel nuk'ūt chi kiwāch ri ak'wala'
rukusaxik ri tzij:

nunimal	nuchaq'
animal	achaq'
runimal	ruchaq'.

Ri tijonel yerukanuj ri achke ye'ik'atzin pa tijob'āl
chuqa ri samaj yeb'an pa ruwi' ri tijonĭk.

Ri tijonel nuk'utuj chke ri ak'wala', e janipe e k'o pa
kachoch.

Wakamin ri tijonel nuya' jun wachib'āl chwa xan ri e
ruchajin oxi' ak'wala'.

Ri tijonel nub'ij:

T. Rija' ri nimalaxel. (nuk'ūt ri nīm raqān)

T. Rija' ri chaq'laxel. (nuk'ūt ri ko'ōl raqān)

Wakamin tib'ij iwonojel:

T. Rija' ri nimalaxel.

A. Rija' ri nimalaxel.

Wakamin rix tib'ij:

T. Rija' ri chaq'laxel.

A. Rija' ri chaq'laxel.

Ri tijonel nuya' kib'i' ri xtaq ak'wala' e k'o chwa wuj.

Ri nīm rub'i' a Lucho.

Ri loman (pa nik'aj) rub'i' a Lix.

Ri ko'ōl rub'i' a Chepe.-

Ri k'o pa nik'aj ja ri' rub'i' ri tijonel, k'a ri nub'ij.

T. Ri nunimal rub'i' a Lucho.

(nuk'ūt apo ri nīm raqān)

T. Ri nuchaq' rub'i' a Chepe.

Ke ri' nikitamaj achke ri runimal chuqa ri
ruchaq'; nikib'ij kamul oxmul.

2.3. Niq'ax pa kijolon ri ak'wala' ri tijonik.

T. Achke rub'i' ri nunimal?
Ri ak'wala' k'o chi nikib'ij:
A1. Ri animal rub'i' a Lucho.

T. Achke rub'i' ri nunimal?
A2. Ri animal rub'i' a Lucho.

T. Achke rub'i' ri nuchaq'?
Ri ak'wala' k'o chi nikib'ij:
A1. Ri achaq' rub'i' a Chepe.

T. Achke rub'i' ri nuchaq'?
A2. Ri achaq' rub'i' a Chepe.

2.4. Rukusaxik ri tijonik.

Ri tijonel nub'ij chke ri ak'wala' wi k'o kinimal kichaq'
nikib'ij pe ri rub'i'.

Ri jun ak'wal nuk'utuj che ri jun chik ak'wal.-

A1. Achke rub'i' ri animal?
A2. Ri nunimal rub'i'.....

A2. Achke rub'i' ri animal?
A3. Ri nunimal rub'i'

Wakamin ri ak'wal nuk'utuj ri tzij achag'.

A3. Achke rub'i' ri achag'?
A4. Ri nuchaq' rub'i'

A4. Achke rub'i' ri achag'?
A5. Ri nuchaq' rub'i'



RO' TANAJ

RI TE'EJ TATA'AJ

RO' TIJONĪK.

1. Ri na'oj tikiren retamaxik.

- 1.1. Najowäx chi ri ak'wala' nikib'än kiwachb'äl ri kite' kitata' chwa kiwuj, wi e k'o kinimal, kichaq' chuqa yekib'än chuqa'.
- 1.2. Najowäx chuqa' chi niketamaj nikik'üt ri kite' kitata', ri kinimal chuqa ri kichaq' ri chwa wuj.

2. Rucholajen ri tijonik.

2.1. Kikoten tzij:

Ri ak'wala' nik'atzin chi nikichöp jun ruxaq wuj richin nikib'än ri kach'alal chwäch.

2.2. Rub'ixik ri tijonik.

Nab'ey nikib'än kiwachb'äl ri kite' kitata'.

K'a ri yekib'än ri kinimal chuqa ri kichaq, wi e k'o.

Ri tijonel nunataj ri tzij t'oj.

in t'oj
at t'oj
t'oj

Ri tijonel nukanuj ri ye'ik'atzin, chuqa ri samaj yeb'an ri pa tijob'äl.

Nik'atzin jun tz'ib'ab'äl, wuj, b'onil tz'ib'ab'äl.

Rokik ri ak'wala'nikinb'än ri wachb'äl üt nik'o kik'in pa taq kiyonil; nuk'utuj chke:

- T. Achke ri atata'?
- T. Achke ri ate'?
- T. Achke ri animal?
- T. Achke ri achaq'?
- T. Achke rub'i' ri animal, ri achaq'?
- T. Achke rusamaj ri atata', ate', animal, achaq'.

Ri tijonel pa ja la' nub'än achi'el ri man nirak'axaj ta. ja ja ja nicha'.

k'a ri' nub'ij:

- T. Yin in t'oj, yin in t'oj.

Wakamin nuk'utuj chke ri ak'wala'.

- T. Achke nub'anun yin?
- Ri ak'wala' k'o chi nikib'ij:
- A. Rat at t'oj.

Jun b'ey chik.

- T. Achke nub'anun yin?
- A. Rat at t'oj.
- K'a ri nuk'utuj ri rutata'.

- T. Achke rub'anun ri nata' yin?
- Ri ak'wala' k'o chi nikib'ij:
- A. Ri atata' rat t'oj.

2.3. Ri tijonik niq'ax pa kijolon ri ak'wala'.

Stape' man ronojel ta re tzijonik re' nib'an rik'in jun ak'wal.

K'atzinel chi nik'o ri tijonel kik'in e k'i'y ak'wala' richin nuk'utuj re jun ka'i' oxi' tzij re'.

Jun b'ey chik
T. Achke rub'anun ri nata' yin?
A. Ri atata' rat t'oj.

T. Achke ri atata'?
A1. Ri nata' ja re'.

T. Achke ri ate'?
A1. Ri nute' ja re'.

T. Achke ri animal?
A1. Ri nunimal ja re'.

T. Achke ri achag'?
A1. Ri nuchag' ja re'.

T. Achke rusamaj ri atata'?
A1. Ri nata' ajtiko'n.

T. Achke rusamaj ri ate'?
A1. Ri nute' ajtz'iso'n.

T. Achke rub'i' ri atata'?
A1. Ri nata' rub'i'

T. Achke nub'i' ri ate'?
A1. Ri nute' rub'i'

T. Achke rub'anun ri nata'?
A1. Ri atata' rat t'oj.-

RUWAQ TANAJ.

RUK'OJLEN RI QACHOCH

NAB'EY TIJONĪK.

1. Ri na'oj tikiren retamaxik.

1.1. Najowāx chi ri ak'wal niretamaj ruq'ajarik ri jay, achke roma yalan k'atzinel jun jay.-

1.2. Najowāx chuqa akuchi' nukusāx wi ri tzij jay, chuqa ri -achoch.-

2. Rucholajen ri tijonĭk.

2.1. Kikoten tzij:

Ri tijonel nuq'alajirisaj ruq'ij ri jun jay.

Ri tijonel ūtz nujunumaj ruq'ij ri jay rik'in ri jun te'ej. Jun te'ej nutzūq, nukūch, numetzej, nuto' chwa tew, chwa jōb' ri ral; ke ri' nub'ān ri jay chqe rōj.

Nab'āy nub'ān achi'el nuna' tew' k'a ri' nub'ān taq nuna' q'ij.

Wi manāq qachoch yojyawāj; re ūtz nub'ij pa kaxlan tzij.

2.2. Rub'ixik ri tijonĭk.

Ri tijonel nuya' chwa xan jun wachb'āl ri nuk'ūt chi yalan tew.

tew
q'ij
jōb'
kaq'āq'

Achke rusamaj ri jay.
Ri jay yojruto' chwāch...

2.3. Ri tijonĭk niq'ax pa kijolon ri ak'wala'.

Wakamin ūtz nikib'ij pa taq tzob'aj, chuqa chi kijujunal.

Ri tijonel k'atzinel chi yerukanuj wachib'āl ri nub'ij ri tew, ri q'ij, ri jōb' chuqa ri kaq'āq'.

Ri tijonel nukusaj rukoton chuqa nub'ān chi nuna' yalan tew.-

Wi k'o yalan q'ij ūtz yeruk'waj ri ak'wala' chwa jay, k'a ri nuk'utuj chke wi nikikōch' yalōj yek'uje' chwa q'ij.

Ri tijonel nub'ij chi ri jay yalan yojruto' chwāch ri tew .
Nub'ij chke ri ak'wala' chi tikib'ij:

T. Ri jay yojruto' chwāch ri tew.
T. Ri jay yojruto' chwāch ri q'ij.
T. Ri jay yojruto' chwāch ri jōb'.
T. Ri jay yojruto' chwāch ri kaq'āq'.

K'atzinel chi ri tijonel nuk'ūt apo ri wachb'āl taq nub'ij jujun cholaj tzij.-

T. Tiwak'axaj ak'wala':
T. Achke rusamaj ri jay?

Ri ak'wala' k'o nikib'ij:
A. Ri jay yojruto' chwāch ri tew.

Ri tijonel nuk'utuj chke jutzob'aj:

T. Achke rusamaj ri jay?
K'a ri nuk'ūt apo ri wachb'āl, nuq'alajirisaj jōb'.
A. Ri jay yojruto' chwāch ri jōb'.

K'atzinel chi konojel niketamaj ri tzij:
tew, q'ij, jöb', kaq'äq'.

Jun chik tzob'aj:
T. *Achke rusamaj ri jay?*
Nuk'üt apo ri ruwachb'äl richin q'ij.
A. *Ri jay yojruto' chwäch ri q'ij.*

Jun chik tzob'aj:
T. *Achke rusamaj ri jay?*
Nuk'üt apo ruwachb'äl ri tew.
A. *Ri jay yojruto' chwäch ri tew.*

Jun chik tzob'aj:
T. *Achke rusamaj ri jay.*
Nuk'üt apo ruwachb'äl ri kaq'äq'.
A. *Ri jay yojruto' chwäch ri kaq'äq'.*

2.4. Rukusaxik ri tijonik.

Wakamin ützi niq'ax apo jun ak'wal, richin rija' nuk'utuj
chke ri rachb'il.

A1. *Achke rusamaj ri jay?*
Nuk'üt richin ri q'ij.
A2. *Ri jay yojruto' chwäch ri q'ij.*

A1. *Achke rusamaj ri jay?*
Nuk'üt richin ri jöb'.
A3. *Ri jay yojruto' chwäch ri jöb'.*

Ke re' nikib'än jun ka'i' oxi' ak'wala' richin niketamaj
kan ri tijonik.

RUWAQ TANAJ.

RUK'OJLEN RI QACHOCH.

Ruka'n tijonik.

1. Ri na'oj tikiren retamaxik.

1.1. Najowäx chi ri ak'wala' niketamaj kib'i' ri ruchajin jun jay.

1.2. Chuqa k'atzinel chi ri ak'wala' niketamaj jun ka'i' tzij akuchi' ri ak'wala' nikib'än jun samaj.-

2. Rucholajen ri tijonik.

Ri tijonel k'atzinel nukanuj ri ye'ik'atzin che re tijonik.

2.1. Kikoten tzij:

Ri tijonel nuk'üt apo jun jay chwa xan; k'a ri nub'ij chke ri ak'wala' chi konojel tikib'ana' jun jay chwäch ri kiwuj.-

Ri tijonel nuq'olij ruwachb'äl jun jay chwa xan.

Ri tijonel ützi nik'utuj chke ri ak'wala' achke ab'i' rat? achke rub'i' achaq'?, achke rub'i' animal?.

2.2. Rub'ixik ri tijonik.

Ri tijonel nuk'üt apo achke kib'i' ri ruchajin jun jay.-

T. Tiwak'axaj ak'wala'.

T. Re' rub'i' ruchi' jay.

Wakamin tib'ij iwonojel.

A. Re' rub'i' ruchi' jay.

ruchi jay
ruwi jay
rupan jay
ruxkin jay
ruxe' jay
ruqül jay

T. Re' rub'i' ruwi' jay.

Ri ak'wala' k'o chi nikib'ij.

A. Re' rub'i' ruwi' jay.

T. Re' rub'i' ruxe' jay.

Ri ak'wala' k'o chi nikib'ij.

A. Re' rub'i' ruxe' jay.

Achke rub'i' re'
La rub'i'

T. Re' rub'i' ruxkin jay.

A. Re' rub'i' ruxkin jay.

T. Re' rub'i' ruqül jay.

A. Re' rub'i' ruqül jay.

2.3. Ri tijonik niq'ax pa kijolon ri ak'wala'.

Taq nuk'utuj ri tijonel k'atzinel chi nuk'üt ri wachb'äl k'o kik'in ri ak'wala'.

Ri ak'wala' ützi nikib'ij kamul oxmul rub'i' ri ruhajin jay.-

T. Achke ab'i' rat?

A1. Yin nub'i' a Chepe.

T. Achke rub'i' re'?

A1. Re' rub'i' ruchi jay.

T. Achke ab'i' rat?
A2. Yin nub'i' a Lucho.

T. Achke rub'i' re'?
A2. Re' rub'i' ruwi' jay.

T. Achke ab'i' rat?
A3. Yin nub'i' a Xwan.

T. Achke rub'i' re'?
A3. Re' rub'i' rupan jay.


T. Achke rub'i' re'?
A4. Re' rub'i' ruxkin jay.

2.4. Rukusaxik ri tijoniik.

Ri ak'wal nub'an achi'al nub'an ri tijonel,
nuk'utuj chke ri rachb'il.

A1. Achke rub'i' re'?
A2. Re' rub'i' ruwi' jay.

A2. Achke rub'i' re'?
A3. Re' rub'i' ruchi' jay.



RUWAQ TANAJ

RUK'OJLEN RI QACHOCH.

Rox tijonik.

1. Ri na'oj tikiren retamaxik.

1.1. Chupan re tijonik re' k'atzinel chi ri ak'wal niretamaj jun ka'i' oxi' ruwach ri b'onil e k'o.-

1.2. Najowax chuqa chi ninatax ri tijonik ketaman chik.-

2. Rucholajen ri tijonik.

2.1. Kikoten tzij:

Ri tijonel yerub'an el setesaq taq wuj ri kaq,
saq, q'an, rax, k'aqo'j kib'onil.-

2.2. Rub'ixik ri tijonik.

Nab'ay: Ri ak'wala' nikib'an ri wachb'al xub'an ri
tijonel chwa xan.

Ruka'n: Taqxkib'an ri akwala' ri jay, ri che' chuqa ri q'ij,
nikib'onij ri wachib'al.

Wi k'atzinel utz nib'ix pa kaxlan tzij chke ri ak'wala' ri
samaj nikib'an.-

Wakamin nuk'ut apo chkiwach ri ak'wala' ri jalajoj taq
b'onil.

Kaq
rax
q'an
saq
K'aqo'j

Ri tijonel nuk'ut chkiwach ri ak'wala' rub'ixik ri jujun
ruwach b'onil.

K'atzinel chi ri tijonel yerukanuj ri ye'ik'atzin che ri
tijonik chuqa ri samaj yeb'an.-

Wakamin ri tijonel nub'an jun wachb'al chwach ri
akuchi' nitz'ib'an wi chwa xan.

Nub'an jun jay, jun che' chuqa nub'an ri q'ij.-

K'atzinel ri b'onil taq tz'ib'ab'al.-

Tib'ana' jun utzil ak'wala' nib'an re wachib'al
re' chwach ri iwuj.

Ri tijonel k'atzinel yerunik'oj ri ak'wala' wi konojel
xkib'an ri wachb'al, chuqa nutz'at wi xkib'an ri jay, ri
che' chuqa ri q'ij.-

T. Re b'onil re' kaq.

Tib'ij iwonojel kaq.

A. Kaq

T. Jun b'ay chik.

A. Kaq, kaq.

T. Re' b'onil re' rax.

Tib'ij iwonojel rax.

A. Rax

Utz nikib'ij kamul oxmul rub'i' ri b'onil.

T. Re' b'onil re' q'an.

Tib'ij iwonojel q'an.

A. q'an, q'an, q'an, q'an.-

T. Re' b'onil re' saq.

Tib'ij iwonojel saq.

A. saq, saq, saq, saq.-

Ri tijonel eqal nuq'alajirisaj rub'ixik re b'onil re'.

saq man junan ta rik'in saq

q'an man junan ta rik'in kan

T. Re b'onil re' k'aqo'j.

Tib'ij iwonojel k'aqo'j.

A. K'aqo'j, k'aqo'j, k'aqo'j.

K'atzinel ruk'utik rib'ixik ri tz'ib' ä.

man	kaq	ta,	käq	ke ri'
man	rax	ta,	räx	ke ri'
man	q'an	ta,	q'än	ke ri'
man	saq	ta,	säq	ke ri'

Wakamin ri tzij k'aqo'j.

k'a--qo'j k'a--qo'j

T. Wakamin iwonojel nib'onij ri q'ij rik'in ri q'än.
Ri tijonel chuqa nub'onij ri achb'äl k'o chwa xan.-

Nunik'oj wi konojel xkib'onij ri q'ij rik'in ri q'än.

Ri che' nikib'onij chi räx.

Ri raqän ri che' nikib'onij chi k'aqo'j.

Ri ruwi' ri jay nikib'onij chi käq.

Ri ruxe' ri jay nikib'onij chi säq.

Wi säq ri kiwuj man nikib'onij ta ruxe' ri jay.

Taq xtikib'onij konojel, nikib'obj'a' k'iq'a' richin retal kikoten.

2.3. Ri tijonik niq'ax pa kijolon ri ak'wala'.

Wakamin ri tijonel nik'o kikin ri ak'wala', richin nuk'utuj chke ri jalajöj taq b'onil.

T. Achke b'onil re'?

Ri tijonel nuk'üt qa ri che' .

A1. Räx.-

T. Achke b'onil re'?

Ri tijonel nuk'üt ri q'ij .

A2. Q'än.-

T. Achke b'onil re'?

Ri tijonel nuk'üt ruwi' ri jay.

A3. Käq

2.4. Rukusaxik ri tijonik.

Ri ak'wala' nikik'utuj che ri kachb'il ri b'onil e k'o naqaj.

A1. Achke b'onil re'?

Nuk'üt ri tz'ib'ab'äl käq .-

A2. Käq.-

A2. Achke b'onil re'?

Nuk'üt rukamxa' ri jun ak'wal q'än.

A3. q'än.-

RUWAQ TANAJ

RUK'OJLEN RI QACHOCH.

Rukaj tijonik.

1. Ri na'oj tikiren retamaxik.

1.1. Najowäx chi ri ak'wala' niketamaj achke ye'ok ri jay taq yeb'an.-

1.2. Najowäx chuqa chi nikinataj ri tijonik xk'ut yan chkiwäch.-

2. Rucholajen ri tijonik:

2.1. Kikoten tzij:

Wakamin ri tijonel üt zerelesaj pe jun xti ramaj ri ak'wala', richin nikitz'ät achke ukunäq ri jay.

Ri tijonel k'atzinel nukanuj ri ye'ok, chuqa ri samaj yeb'an pa ruwi' re tijonik re'.

Ri tijonel yerelesaj pe ri ak'wala' chwa jay' chuqa pa b'äy, richin nikitz'ät choq che e b'anun wi ri jay.-

Ri ak'wala' nikib'ij pa kaxlan ch'ab'äl.

Ri ak'wala' nikib'ij: ladrillo, blok, piedras, adobe, etc. Ja k'a kib'i' re' niqetamaj wakamin.-

2.2. Rub'ixik ri tijonik.

Wakamin ri tijonel nuq'alajirisaj achke kib'ixik pa kaqchikel ri xb'ekitz'eta' kan pa b'äy.-

T. Tiwak'axaj achke kib'ixik pa qach'ab'äl ri kaxlan taq tzij:

ladrillo	poron xan
adobe	xan
piedra	ab'äj.
blok	ab'äj
tapial	ch'ayon xan
caña de milpa	patz'än.

Ri tijonel nub'än ox'i jay, jun ri b'anun chi xan, jun chi poron xan, jun chi patz'än.

T. Re jay re' xan ukunäq.

Ri ak'wala' nikikamluj ri xub'ij ri tijonel.-

A. Re jay re' xan ukunäq.

T. Re jay re' poron xan ukunäq .

Tib'ij ak'wala':

A. Re jay re' poron xan ukunäq.

T. Re jay re' patz'än ukunäq.

A. Re jay re' patz'än ukunäq.

2.3. Ri tijonik niq'ax pa kijolon ri ak'wala'.

T. Achke ukunäq re jay re'?

Iwonojel tib'ij:

T. Re jay re' xan ukunäq.

A. Re jay re' xan ukunäq.

Nab'ey yech'o'n chi konojel.

T. Achke ukunäq re jay re'.

Nuk'üt apo ri jay patz'än ruxe'.

A. Re jay re' patz'än ukunäq.

Pa ruka'n: yech'o'n chi tzob'aj.

Pa rox: chi kijujunal.

T. Achke ukunäq re jay re'.
Nuk'üt ri b'anun chi poron xan.
A. Re jay re' poron xan ukunäq.

T. Achke rub'onil re jay re'?
A. Re jay re' säq rub'onil.

T. Achke rub'onil re jay re'?
A. Re jay re' q'än rub'onil.

T. Achke rub'onil re jay re'?
A. Re jay re' räx rub'onil.

2.4. Rukusaxik ri tijonik.

Wakamin ja ri ak'wal nib'anun ri k'utunik.-

Ri tijonel niroyoj jun ak'wal richin nub'än ri tijonik.

A1. Achke ukunäq re jay re'?
A2. Re jay re' xan ukunäq.

A2. Achke rub'onil re' jay re'?
A3. Re jay re' räx rub'onil.

A3. Achke ukunäq re jay re'?
A4. Re jay re' poron xan ukunäq.

A4. Achke rub'onil ri ruchi' jay?
A5. Re ruchi' jay k'aqoj rub'onil.

RUWAQ TANAJ

RUK'OJLEN RI QACHOCH.

Ro' tijonik.

1. Ri na'oj tikiren retamaxik.

1.1. K'atzinel chi ri ak'wala' niketamaj rukusaxik ri tzij jay chuqa ri -achoch.-

1.2. Najowäx chi ri ak'wal noqa pa rujolon ri ch'aqa chik tijonik retaman.

2. Rucholajen ri tijonik.

2.1. Kikoten tzij:

Ri tijonel nuk'utuj chke ri ak'wala' achke xketamaj chupan ri jun kaji' q'ij.

2.2. Rub'ixik ri tijonik.

Ri tijonel nuk'utuj chke ri ak'wala' chi konojel, chi tzob'aj chuqa chi kijujunal.-

Taq nich'o'n pa ruwi' ri jay k'atzinel nuk'ut achke jay ri nich'o'n chi rij.-

Ri tijonel nuq'alajirisaj chi ri tzij jay xa xe nukusäx taq man ichinan ta.

Taq nawichinaj re tzij re' nib'ix -achoch.-

jay	casa.
wachoch	mi casa

2.3. Ri tijonik niq'ax pa kijolon ri ak'wala'.

Ri tijonel yerukusaj ri wachib'äl xe'ik'atzin che ri jun kaji' q'ij.

Ri wachib'äl nuk'ut tew, q'ij, jöb', kaq'äq'.

Kib'i' ri ruchajin ri jay, ruchi' jay, ruwi' jay, ruqül jay...

Ri jalajöj taq b'onil.

• Ri ukunäq ri jay, xan, poron xan, patz'än.-

T. Ninwajo' chi üt nib'ij pe chwe ri xtink'utuj apo chiwe.

T. Achke rusamaj ri jay?

Nuk'ut apo ri jay nuk'ut ri tew.

A. Ri jay yojruto' chwäch ri tew.

T. Achke rusamaj ri jay?

Nuk'ut apo ri jay niqa jöb' chi rij.-

A. Ri jay yojruto' chwäch ri jöb'.

T. Achke rub'onil re xan re'?

A. Re xan re', q'än rub'onil.

T. Achke ukunäq re jay re'?

A. Re jay re' poron xan ukunäq.

T. Achke rusamaj ri jay?

Nuk'ut apo ri jay, nuk'ut ri kaq'äq'.

A. Ri jay yojruto' chwäch ri kaq'äq'.

Ri tijonel nuya' ka'i' ruwachb'äl jay chwa xan.

Nub'ij chke ri ak'wala' chi ti kib'ij.-

T. Re wachoch yin

T. La' awachoch rat.

T. La' rachoch rija'.

Ri tijonel nuk'ut richinaxik ri tzij jay.

Wachoch

wachoch yin

Awachoch

awachoch rat

rachoch

rachoch rija'

T. Re wachoch yin xan ukunäq.
T. La awachoch rat poron xan ukunäq.
T. La rachoch rija' ab'äj ukunäq.

T. Achke ukunäq ri awachoch rat?
A1. Ri wachoch yin xan ukunäq.

T. Achke rub'onil ri awachoch rat?
A2. Ri wachoch yin käq rub'onil.

T. Achke rub'onil ruwi' ri awachoch rat?
A3. Ri wachoch yin räx rub'onil.

T. Achke rub'i' re'?
A4. Re rub'i' ruchi' jay.

T. Achke rub'onil ri ruchi' awachoch rat?
A5. Ri ruchi' wachoch yin q'än rub'onil.

T. Achke rub'i' re'?
Nuk'üt ri ruwi' jay.
A6. Re' rub'i' ruwi' jay.

Ri tijonel nub'ij chke ri ak'wala' chi k'atzinel niketamaj
re jun xti tzij re'

T. Yojch'o'n yan chik ak'wala'.
A. Yojch'o'n yan chik matyox.

Rajowab'al ri jay.

Ri jay yojrajo'
Ri jay yojruto'
Ri jay yojruküch
Ri jay yojrumäq'.

RUWUQ TANAJ.

RI WA'IN PA QACHOCH

NAB'EY TIJONĪK.

1. Ri na'oj tikiren retamaxik.

1.1. Nirayb'āx chi ri ak'wal niretamaj kib'i' ri yetij pa taq jay.-

1.2. Chuqa najowāx chi ri ak'wal niretamaj jeb'āl rub'ixik ri tz'ib', k, k', tz'.

2. Rucholajen ri tijonik.

2.1. Kikoten tzij:

Ri tijonel nub'ij chke ri ak'wala' chi tikib'ij kib'i' ri achke nikitz'āt, wi man ketaman ta rub'ixik pa kaqchikel üt nikib'ij pa kaxlan chab'āl.

2.2. Rub'ixik ri tijonik.

Ütz nik'utūx chke ri ak'wala' chi konojel, pa taq tzob'aj, chuqa pa taq kiyonil.

Ri tzij je':

jun ik'oy

jun xkoya'

jun ik.

jun paj ti'ij

jun paj kināq'

jun paj atz'an

2.3. Ri tijonik niq'ax pa kijolon ri ak'wala'.

Ri ak'wal niretamaj rukusaxik ri tzij la', chuqa ri tzij re'.

Wakamin rukusaxik ri tzij: wawe', chi la', chuqa ri tzij jun.

Ri tzij **wawe'** nukusaj ri nich'o'n, ri tzij **chi la'** nukusaj ri nuk'ulb'a' pe ri nich'o'n.

Wakamin ri rukusaxik.

jun paj kināq'.

jun paj ti'ij.

K'atzinel chi ri tijonel k'o chi yerub'ān jun ka'i' wachib'āl ri e k'o chwāch ri yetij pa jay.

Ri tijonel nub'ij chke ri ak'wala' chi tikib'ij rub'i' ri nikitz'āt chwāch ri wuj.-

T. Wawe' k'o jun ik'oy.

Wawe' k'o jun xkoya'.

Wawe' k'o jun ik.

Wawe' k'o jun paj ti'ij

Wawe' k'o jun paj kināq'.

Ri tzij k'ayew jub'a rub'ixik.

i	k'oy	xko	ya'	
ti	ij	saq	mo	lo'
kin	āq'	a	tz'an	

T. Achke rub'i' re'. (nuk'ūt ri ik'oy)

Konojel nikib'ij "ik'oy".

A. La' rub'i' ik'oy.

T. Achke rub'i' re'? (nuk'ūt ri xkoya')

A. La' rub'i' xkoya'.

T. Achke rub'i' re'? (nuk'ūt ri kināq')

A. La' rub'i' kināq'.

T. Achke k'o wawe'?

Ri ak'wala' k'o chi nikib'ij:

A. Chi la' k'o jun ik'oy.

T. Achke k'o wawe'?

A. Chi la' k'o jun ik.

T. Achke k'o wawe'?

A. Chi la' k'o jun xkoya'.

T. Achke k'o wawe'?

A. Chi la' k'o jun paj kināq'.

T. Achke k'o wawe'?
A. Chi la k'o jun paj ti'ij.

T. Achke k'o wawe'?
A. Chi la' k'o jun paj atz'an.

Wakamin ri tijonel taq nub'än ri k'utunik xa
chöj nuk'üt apo.-

T. Achke rub'i' la'?
Ri tijonel nuk'üt ri ik'oy.
A. La rub'i' ik'oy.

T. Achke rub'i' la'?
Ri tijonel nuk'üt ri ik.
A. La' rub'i' ik.

2.4. Rukusaxik ri tijonik.

Wakamin niq'ax jun ak'wal chwäch ri akuchi' yetz'ib'an
chwa xan, richin nuk'utuj chke ri rachb'il.-

T. Achke rub'i' la'?
Ri tijonel nuk'üt atz'an.
A. La' rub'i' atz'an.

A1. Achke rub'i' re'?
A2. La' rub'i' xkoya'.

A2. Achke rub'i' re'?
A3. La' rub'i' ik'oy.

Ke re' nub'än ri ak'wal niq'ax nib'e chwäch ri tijonik.

Konojel ri ak'wala' taq yech'o'n; ri kachb'il nikib'obja' k'iq'a' chi rij, richin jun xti kikoten.

RUWUQ TANAJ

RI WA'IN PA QACHOCH.

Ruka'n tijonik.

1. Ri na'oj tikiren retamaxik.

- 1.1. Najowäx chi ri ak'wal niretamaj kib'i' jun ka'i' oxi' ruwäch q'utu'n.-
- 1.2. K'atzinel chuqa chi ri ak'wal ütztä rub'ixik nub'än che re jun ka'i' oxi' tzij re'.
- 1.3. Najowäx chuqa ri ak'wal nukusaj ri tzij "chuqa".

2. Rucholajen ri tijonik.

2.1. Kikoten tzij:

Chupan jun xti ramaj ri tijonel ütztä nuk'utuj chke ri ak'wala' pa kaxlan ch'ab'äl ri xkitij pe nimaq'a'.

2.2. Rub'ixik ri tijonik.

Nab'ey ja ri tijonel nub'ij achke xutij pe rija'.
Ütztä nukusaj ri wachib'äl akuchi' e k'o wi ri ütztä yetij pa jay.

Ri xti tzij:

Xintij pe: kinäq', saqmolo', wäy.-

Xinqüm pe: kape, nuq'or, numeq'än ya'.

K'atzinel chi nikib'ij re tzij re' rik'in ch'aqa
chik tzij, ri saqmolo', ri ti'ij, ri xkoya'.

Wakamin ri ak'wal niretamaj rukusaxik ri tzij "Chuqa"
:-

K'atzinel chi ri tijonel nuk'üt chkiwäch ri
ak'wala' chi ri tzij chuqa' ja ri nitunun richin ri ka'i' xtaq
tzij.

2.3. Ri tijonik niq'ax pa kijolon ri ak'wala'.

Ri tijonel yerukanuj ri k'atzinel che re tijonik chuqa ri
samaj yeb'an ri pa tijob'äl.

Ri ak'wala' nikib'ij pa kaxlan ch'ab'äl ri xkitij pe, k'a ri
nub'ij chke chi tikib'ij pa qach'ab'äl kaqchikel.-

T. Yin xintij pe kinäq', xintij pe saqmolo',
xintij pe wäy chuqa xinqüm pe nukape.

Tiwak'axaj ak'wala'.

T. Yin xintij pe kinäq'.

T. Chuqa xinqüm pe nukape.

Nub'än ruwachib'äl taq nuqüm rukape
chuqa taq nutaj rukinaq'.

T. Iwonojel tib'ij:

T. Yin xintij pe kinäq'.

A. Yin xintij pe kinäq'.

Ri ak'wala' nikib'ij kamul oxmul re tzij re'.

T. Wakamin tib'ij iwonojel.

T. Yin xinqüm pe nukape.

A. Yin xinqüm pe nukape.

Ri ak'wala' nikib'ij kamul, oxmul.-

T. Wakamin tiwak'axaj chuqa tiq'ax pan ijolon.

T. Yin xintij pe nuway chuqa xinqüm pe nuq'or.

Tib'ij iwonojel:

A. Yin xintij pe nukinaq' chuqa xinqüm pe nuq'or.-

T. Achke xatij pe rat?

A1. Yin xintij pe saqmolo' chuqa xinqün pe
nuq'or.

Rukusaxik ri tzij:
man.....ta.

2.4. Rukusaxik ri tijonik.

Wakamin ri ak'wal niq'ax apo chkiwäch ri rachb'il richin
nub'än ri k'utunik.

T. Achke xatij pe rat?
A2. Yin xintij pe ti'ij chuqa xinqün pe nukape.
T. Achke xatij pe rat?
A3. Yin xintij pe ti'ij chuqa xinqün pe nukape.

T. Yin man xinqüm ta pe numeq'än ya'.
Konojel ri ak'wala' nikib'ij.
A. Yin, man xinqüm ta pe numeq'än ya'.
T. La xaqüm pe aq'or rat?
A. Yin man xinqüm ta pe nuq'or.-

T. La xatij pe away rat?
Ri ak'wal k'o chi nub'ij:
A. Yin man xintij ta pe nuway.

T. La xatij pe kinäq' rat?
Ri ak'wal nub'ij.
A. Yin man xintij ta pe kinäq'.

T. La xatij pe saqmolo' rat?
Ri ak'wal nub'ij.
A. Yin man xintij ta pe saqmolo'.

A1. Achke xatij pe rat?
A2. Yin xintij pe kinäq'.

A2. Achke xaqüm pe rat?
A3. Yin xinqüm pe nukape.

A3. Achke xatij pe rat?
A4. Yin xintij pe saqmolo'.

A4. Achke xaqüm pe rat?
A5. Yin xinqüm pe meq'än ya'.

RUWUQ TANAJ.

RI WA'IN PA QACHOCH.

Rox tijonik.

1. Ri na'oj tikiren retamaxik.

- 1.1. K'atzinel chi ri ak'wal niretamaj jeb'äl kib'i' ri jalajöj taq q'utu'n, chuqa ri tzij: ütztinna', chuqa ri man ütztinna'.
- 1.2. Chuqa ri ak'wal niretamaj chik jun ka'i' k'ak'a taq tzij.

2. Rucholajen ri tijonik.

2.1. Kikoten tzij:

Ri tijonel nuk'wa'j b'a xti atz'an, richin nuya' pa kichi' ri ak'wala'.

K'o xkeb'in ri ütztinna', k'o k'a xkeb'in ri man ütztinna'.

2.2. Rub'ixik ri tijonik.

Nab'ey niroyoj ri xuya' kab' pa ruchi'.

Wakamin niroyoj ri xuya' atz'an pa ruchi'.

2.3. Ri tijonik niq'ax pa kijolon ri ak'wala'.

Ri tijonel ütztinna' yerukusaj ch'aqa chik tzij ri ketaman chik ri ak'wala'.

Ri ye'ik'atzin pa tijob'äl chuqa ri samaj yeb'an pa tijob'äl.

T. Wakamin niqatz'apej runaq' ruwa jun ak'wal, k'a ri niqab'ij che chi tujaqa' ri pa ruchi', k'a ri nuya' b'a ti atz'an pa ruchi', k'a ri ri tijonel, nukutuj che wi ütztinna'.

T. Ri tijonel niroyoj jun chik chuqa nutz'apej runaq' ruwa, ja rija' nuya' jun kab' pa ruchi' k'a ri nuk'utuj che wi ütztinna'.

T. La ütztinna' ri kab'?

T. Wakamin tab'ij:

A. Ja', ütztinna' ri kab'.

Jun b'ey chik.

T. La ütztinna' ri kab'.

A1. Ja', ütztinna' ri kab'.

T. La ütztinna' ri atz'an?

Ri tijonel nutz'ät chi, nirajo' nub'ij manäq.

Wakamin tab'ij:

T. Manäq, man ütztinna' ri atz'an.

A. Manäq, man ütztinna' ri atz'an.

K'atzinel chi ri ak'wal nub'ij kamul oxmul re tzij re'

T. La ütztinna' ri kab'?

A1. Ja', ütztinna' ri kab'.

T. La ütztinna' ri kinäq'?

A2. Ja', ütztinna' ri kinäq'.

T. La ütztinna' ri saqmolo'?

A3. Ja', ütztinna' saqmolo'.

Wakamin ri ak'wala' nikib'ij manäq.

T. La ütz nana' ri atz'an?

A1. Manäq, man ütz ta ninna' ri atz'an.

T. La ütz nana' ri xkoya'?

A2. Manäq, man ütz ta ninna' ri xkoya'.

T. La ütz nana' ri ti'ij?

A3. Manäq, man ütz ta ninna' ri ti'ij.-

2.4. Rukusaxik ri tijonik.

Wakamin ja ri ak'wala' nikib'än ri tojtob'enik.

A1. La ütz nana' ri kab'?

A2. Ja', ütz ninna' ri kab'.

A2. La ütz nana' ri atz'an?

A3. Manäq, man ütz ta ninna' ri atz'an.

A3. La ütz nana' ri saqmolo'?

A4. Manäq, man ütz ta ninna' ri saqmolo'.

RUWUQ TANAJ

RI WA'IN PA QACHOCH

Rukaj tijonik.

1. Ri na'oj tikiren retamaxik.

- 1.1 Najowäx chi ri ak'wal niretamaj chik jun ka'i' kiwäch ri q'utu'n, chuqa nunataj ri tzij nimaq'a', paq'ij, tiqaq'ij.
- 1.2. Najowäx chuqa chi ri ak'wal niretamaj rukusaxik ri tzij rik'in.
- 1.3. Ri ak'wal niretamaj rub'ixik ri I. (ri I jun wi b'a rub'ixik taq nuk'ixib'ej ri tzij).-

2. Rucholajen ri tijonik.

2.1. Kikoten tzij:

Ri tijonel nuk'utuj chke ri ak'wala' achke xkitij pe ri nimaq'a'.

Ri tijonel nukanuj, chuqa nub'an kiwachib'al ri ye'ik'atzin che ri pa tijonik.

T. Rat a Chepe, achke xatäj pe wakamin?

A1. Yin xintäj pe kinäq'.

T. Rat a Pakal, achke xaqün pe wakamin.

A2. Yin xinqün pe nuq'or.

2.2. Rub'ixik ri tijonik.

Nab'ey: Ri ak'wala' nikinataj ri tzij:

nimaq'a'
paq'ij
tiqaq'ij

Ri tijonel nukanuj ri wachib'al richin ri nimaq'a'.

T. Re' nimaq'a'.

A. Re' nimaq'a'.

Ri ak'wala' nikib'ij kamul oxmul.

Pa ruka'n: Ri ak'wala' nikukusaj ri tzij rik'in.

K'a ri' ri ruwachib'al ri paq'ij.

T. Re' paq'ij.

A. Re' paq'ij.

Nib'ix chuqa' kamul oxmul.

Ri tzij yeqetamaj:

Chilmol	jok'o'n (ch'ereb'an)
sakil	ichaj

K'a ri' ri ruwachib'al ri tiqaq'ij.

T. Re' tiqaq'ij

A. Re' tiqaq'ij.

K'atzinel chuqa chi ri ak'wala' nikib'ij kamul oxmul.

Chuqa yeqanataj ri tzij:

Kinäq'
saqmolo'
q'or.
ik

Ri tijonel nuq'alajirisaj chi ri tz'ib' I jun wi rub'ixik taq nuk'isib'ej ri tzij.

K'atzinel nuk'üt rub'ixik ri tijonel ti tz'ib'

Ri tijonel nub'ij tzij rik'in ri tz'ib' I, taq nikak'axaj ri jun wi rub'ixik, ri ak'wala' nikib'ij k'iq'a'.

chilmol	chil	mol
ak'wal	ak'	wal
sakil	sa	kil
mulul	mu	lul
saq'ul.	sa	q'ul

Wakamin ri tijonel nub'ij chke ri ak'wala'.

Taq nikik'ulb'ej pe ri ak'wala', k'atzinel chi nikikusaj ka'i' rub'i q'utu'n.

2.3. Ri tijonik niq'ax pa kijolon ri ak'wala'.

Wakamin ri tijonel nujäl ri ramaj, nukusaj paq'ij.-

2.4. Rukusaxik ri tijonik.

Wakamin jun ak'wal ja ri' ri nik'utuj.

T. Yin xintij pe, chilmol rik'in sakil.

Ri ak'wala' nikib'ij chi konojel.

A. Yin xintij pe chilmol rik'in sakil.
K'atzinel chi nikib'ij kamul oxmul.

T. Yin xintij pe, kinäq' rik'in saqmolo'.
Konojel ri ak'wala' nikib'ij.

A. Yin nintij pe, kinäq' rik'in saqmolo'.
Chuqa k'atzinel chi tikib'ij kamul oxmul.-

T. Yin nimaq'a' xintij pe chilmol rik'in saqmolo'.
k'a ri nuk'utuj chke ri ak'wala'.

T. Achke xatij pe rat nimaq'a'?

Ri ak'wala' nikib'ij pe.

A. Yin nimaq'a' xintij pe chilmol rik'in sakil.-

K'a ri niq'ax apo rik'in jun ak'wal ri tijonel nuk'utuj che.

T. Achke xatij pe rat nimaq'a'?

A1. Yin nimaq'a' xintij pe saqmolo' rik'in kinäq'.

T. Achke xatij pe rat nimaq'a'?

A2. Yin nimaq'a' xintij pe ichaj rik'in jok'o'n.-

T. Achke natij rat paq'ij.

A1. Yin paq'ij nintij kinäq, rik'in ti'ij.-

T. Achke natij rat paq'ij.

A2. Yin paq'ij nintij ichaj rik'in ik.-

Ke re' nub'än ri tijonel yerujalala' ri ramaj, richin nikib'ij pe achke nikitij nimaq'a', paq'ij, tiqaq'ij.-

A1. Achke xatij pe rat nimaq'a'?

A2. Yin xintij pe sakil rik'in chilmol.-

A2. Achke xatij pe rat nimaq'a'?

A3. Yin xintij pe ichaj rik'in saqmolo'.

A3. Achke natij rat paq'ij?

A4. Yin nintij kinäq' rik'in saqmolo'.

A4. Achke natij rat paq'ij?

A5. Yin nintij chilmol rik'in saqmolo'.

RUWUQ TANAJ

RI WA'IN PA QACHOCH.

Ro' tijonik.

1. Ri na'oj tikiren retamaxik.

- 1.1. Chupan re tijonik najowäx chi ri ak'wal nunataj ri k'utun pe chwäch ri oxi' kaji' q'ij.
- 1.2. Nik'atzin chi ri ak'wal niretamaj rub'ixik ri jun ka'i' oxi' tzij rucholajen ri ramaj (nimaq'a', paq'ij, tiqaq'ij).

2. Rucholajen ri tijonik.

2.1. Kikoten tzij:

Ri tijonel nuk'üt apo chkiwäch ri ak'wala' jun nima wuj ri e k'o chwäch ri yetij pa taq qachoch.

Ri tijonel k'atzinel chi yerucholajij ri wachib'äl rukusan pe ri jun ka'i' oxi' q'ij.

Nub'ij chke ri ak'wala' chi tikib'ij pe achke nikitz'ät chwäch ri wuj.

T. Achke kib'i' ri e k'o chwäch re wuj re'.
Ri ak'wala' nikib'ij apo.

2.2. Rub'ixik ri tijonik.

K'atzinel chi ritijonel nuq'alajirisaj chikiwäch ri ak'wala' rukusaxik ri tzij re', la'.

Re', taq k'o rik'in ri nich'o'n.

La', taq chöj nutzu' apo ri nich'o'n.

T. Achke rub'i' ri k'o wawe'?

Ri ak'wala' nikib'ij pe ri nuk'üt apo ri tijonel.

A. Ik'oy, xkoya', ik, kinäq', saqmolo', ichaj, sakil, atz'an.

2.3. Ri tijonik niq'ax pa kijolon ri ak'wala'.

Ri tijonel nunataj rukusaxik ri tzij wawe', chi la'.

T. Achke rub'i' ri k'o wawe'?

A1. Chi la' k'o jun ik'oy.

T. Achke rub'i' ri k'o wawe'?

A2. Chi la' k'o jun ik.

Ri tijonel nuk'utuj chke jun ka'i' oxi' ak'wala'.

Wakamin ri tijonel nunataj rukusaxik ri tzij akuchi'.

Ri tijonel nuya' kan juchuy kinäq' rik'in jun ak'wal, k'a ri nuk'utuj.

T. Akuchi' k'o wi ri kinäq'?

Ri ak'wal nub'ij.

A1. Ri kinäq' k'o wawe'.

Nuya' kan ri atz'an rik'in jun chik ak'wal, k'a ri nuk'utuj.

T. Akuchi' k'o wi ri atz'an?

Ri ak'wal nub'ij.

A2. Ri atz'an k'o wawe'.

T. Akuchi' k'o wi ri ik'oy?

Ri ak'wal nub'ij.

A3. Ri ik'oy k'o wawe'.

Wakamin rukusaxik ri tzij: chuqa'.

T. Achke xatij pe rat nimaq'a'?
A1. Yin ri nimaq'a' xintij pe kinäq' chuqa saqmolo'.

T. Achke xatij pe rat nimaq'a'?
A2. Yin xintij pe kinäq' chuqa ti'ij.-

Wakamin rukusaxik ri tzij: rik'in:

T. Yin paq'ij nintij kinäq' rik'in saqmolo'.
T. Achke natij rat paq'ij?
A1. Yin nintij kinäq' rik'in saqmolo'.

T. Achke natij rat paq'ij?
A2. Yin nintij ichaj rik'in ik'oy.

Wi ützi nikib'an ri ak'wala' taq nuk'utuj ri tijonel, yetik'r
k'a nikikusaj rije' pa taq kachoch ri'.

Ri tijonel ützi nuk'utuj ri achke nikitij tiqaq'ij.

2.4. Rukusaxik ri tijonik.

Ri tijonel nuya' el jun kisamaj ri ak'wala'.
Ri samaj ja ri ak'wala' nikikutuj pe chke ri kite' achke
nikitij ri tiqaq'ij.-

RUWAQXAQ TANAJ

RI QACH'AKUL

NAB'EY TIJONĪK.

1. Ri na'oj tikiren retamaxik.

1.1. Najowāx chi ri ak'wal wakamin niretamaj kib'i' ri ruchajin ri qach'akul.-

1.2. K'atzinel chuqa chi niketamaj rub'ixik ri tz'ib' e k'ayew jata'q.-

2. Rucholajen ri tijonik.

2.1. Kikoten tzij:

Ri tijonel k'atzinel chi nutzijoj chke ri ak'wala' ri nimalāj ruq'ij jun wināq ri tz'aqāt ruq'a' raqān.

2.2. Rub'ixik ri tijonik.

Ri tijonel nab'āy nuk'ūt ri tzij jolomaj.
Chuqa nuq'alajirisaj chi ronojel b'a rub'i' ri ch'akulaj nuk'isib'ej rik'in -aj.

Chuqa nuq'alajirisaj chij jun wi b'a rub'ixik pa qach'ab'āl.

Taq nib'ix ri "j" kan nuqār b'a ri aqūl; ūtz nujunumaj rub'ixik rik'in ri "j" pa kaxlan ch'ab'āl.-

Ri tzij pa qach'ab'āl.

wi'aj (jolomaj)
pamaj
ch'ekaj
qulaj
q'ab'aj.

2.3. Ri tijonik niq'ax pa kijolon ri ak'wala'.

Wawe' ri tzij man ichinan ta.

K'atzinel chi ri tijonel nukanuj ri ye'ok che re tijonik, chuqa yeruch'ōb' achke samaj yerub'ān.

Ri tijonel nub'ān ruwachb'āl jun wināq chwa wuj ri man jun ruq'a' ta; jun chik ri man jun raqān ta.-

Ri tijonel nuchōp ōk ri rujolon.

T. *Re' rub'i' jolomaj.*

Ri ak'wala' nikib'ij kamul oxmul.

A. *jo lo maj jo lo maj.*

K'a ri' nuk'ūt ri tzij pamaj.

T. *Re' rub'i' pamaj.*

Ri ak'wala' nikib'ij kamul oxmul.

Tiwak'axaj ak'wala' chi man junan ta:

ojo	oj
ajo	aj
hijo	ij
caja	kaj
paja	paj

Taq nub'ij ri tijonel ri pa qach'ab'āl ri tz'ib' j ri ak'wala' nikib'ojb'a' kiq'a'.

T. *Re' rub'i' jolomaj*

Ri ak'wala' nikib'ij:

A. *Re' rub'i' jolomaj.*

T. *Achke rub'i' re'? (nuk'ūt pamaj)*

A1. *Re' rub'i' pamaj.*

T. *Achke rub'i' re'?*

A3. *Re' rub'i' ch'ekaj*

T. *Achke rub'i' re'?*

A4. *Re' rub'i' qulaj*

T. *Achke rub'i' re'?*

A5. *Re' rub'i' q'ab'aj.*

Ri ak'wal niretamaj rub'ixik taq nawichinaj ri ru chajij
ri ach'akul.

Wakamin ri tijonel nuk'üt rub'ix'ik taq ruch'akul qa jun
winäq, chuqa ützu nuq'alajirisaj chi ch'uti'n b'a rub'ixik.

nujolon
nupan
nuch'ek
nuqül'
nuq'a'.

2.4. Rukusaxik ri tijonik.

Ri ak'wal nitikir niretamaj rub'ixik taq ri chin rija', chuqa
taq xachöj nusik'ij.

T. *Re' nujolon.*

Achke re'? -ncha'

Che jun ak'wal, chuqa nuchöp ök ri nujolon.

A1. *Re' nujolon.*

T. *Achke re'?*

A2. *Re' nupan.*

T. *Achke re'?*

A3. *Re' nuch'ek*

T. *Achke re'?*

A4. *Re' nuqül.*

T. *Achke re'?*

A5. *Re' nuq'a'.*

Ri tijonel nub'ij chke ri ak'wala' chi tikib'ij
man ichinan ta. ichinan.

jolomaj	nujolon
pamaj	nupan
ch'ekaj	nuch'ek
qulaj	nuqül
q'ab'aj	nuq'a'.

Yojch'o'n yan chik ak'wala'.

Yojch'o'n yan chik matyox.

RUWAQXAQ TANAJ

RI QACH'AKUL.

Ruka'n tijonik.

1. Ri na'oj tikiren retamaxik.

- 1.1. K'atzinel chi ri ak'wal niretamaj chi ri ichinab'äl nukusäx chwäch jun k'uxatz'ib' jun chik wi rub'ixik.
- 1.2. Chuqa najowäx chi nunataj taq xa chöj nub'ij ri rub'i' ri ch'akulal, chuqa taq nich'o'n chi rij ri ruch'akul rija'.

2. Rucholajen ri tijonik.

2.1. Kikoten tzij:

Ri tijonel nuk'utuj chke ri ak'wala' rub'i' ri ch'akulal ketaman chik.

Ri tijonel nutob'ej rii kik'in ri wachb'äl e k'o rik'in, chuqa ützt nukusaj ri ruch'akul rija'.

T. Achke rub'i' re'?

A. Jolomaj.

T. Achke rub'i' re'?

A. Pamaj.

2.2. Runb'ixik ri tijonik.

Wakamin ri tijonel nukanuj ri tzij yetik'r el rik'in k'uxatz'ib'.

T. Iwonojel tib'ana' utzil tib'ij:

T. aqanaj (nuk'üt qa ri raqän)

T. aq'aj (aq') nuk'üt ri raq'.

T. ixk'äq (nuk'üt ri rixk'äq.)

Chuqa nuq'aljirisaj chi ka'i' ruwäch ri ichinab'äl.

aqanaj	pie
aq'aj (aq')	lengua
ixk'äq	uña.

Ri ak'wala' nikib'ij kamul oxmul.

Wakamin ri ak'wala' nikib'ij taq yech'o'n chij ri kich'akul qa rije'.

Richin niketamaj rub'ixik, ützt nikib'ij pa taq paj tzij.

a	qa	naj
a	q'aj	(aq')
ix	k'äq.	

T. Wakamin iwonojel tib'ij:

Waq' (nuk'üt ri raq')

Waqän (nuk'üt ri raqän)

Wixk'äq (nuk'üt ri rixk'äq)

K'atzinel nub'ij ri ak'wal re jupaj taq tzij re':

aq'	aq
q'a	qa
q'än	qän
k'äq	käq

Ri ak'wala' nikib'ij kamul oxmul.

2.3. Ri tijonik niq'ax pa kijolon ri ak'wala'.

T. Achke rub'i' re'?

A1. Re' rub'i' aqanaj.

T. Achke rub'i' re'?

A2. Re' rub'i' aq'aj (aq').

T. Achke rub'i' re'?

A3. Re' rub'i' ixk'äq.

Wakamin ri ak'wal nich'o'n qa chi rij ri ruch'akul.

T. Achke re'?

A1. Re' waqän.

T. Achke re'?

A2. Re' waq'.

T. Achke re'?

A3. Re' wixk'äq.



RUWAQXAQ TANAJ

RI QACH'AKUL

Rox tijonik.

1. Ri na'oj tikiren retamaxik.

1.1. Najowäx chi ri ak'wal niretamaj jun ka'i' oxi' tzij ri nik'atzin chuya'ik rub'i' ri qach'akul.

1.2. Nik'atzin chi ri ak'wal niretamaj ri tzij taq ichinan chuqa taq man ichinan ta.

2. Rucholajen ri tijonik.

2.1. Kikoten tzij:

Ri tijonel nub'ij chke ri ak'wala' chi nikinataj ri jun ka'i' oxi' tzij ketaman chik.

2.2. Rub'ixik ri tijonik.

Nab'ey: man ichinan ta.

Ruka'n: taq ichinan.

Ri tijonel yerukanuj ri ye'ik'atzin che richin ri rutijonik.-

Ri tijonel nub'ij chke ri ak'wala' chi tikisiloj, chuqa ütztikitzeqej ri achke xtusik'ij.

T. Iwonojel titzeqej ri iq'a'.
Konojel nikitzeqej ri kiq'a'.

T. Titzeqej ri iwaqän.
Konojel nikitzeqej ri kaqän.

T. Tisiloj ri iwi' (ijolon).
T. Tichapa' ri ipan.

T. Re rub'i':
ruqül q'ab'aj
ruwi' q'ab'aj
ruwi' telemaj
rutz'ik q'ab'aj
ruwa k'uxaj

Wakamin wichin yin:

ruqül nuq'a'
ruwi' nuq'a'
ruwi' nutele'n
rutz'ik nuq'a'
ruwa nuk'u'x.

Ri tijonel nuk'üt rib'ixik re ka'i' tzij re'.

len	man junan ta	le'n
lon	man junan ta	lo'n
lun	man junan ta	lu'n
lin	man junan ta	li'n
lan	man junan ta	la'n

kux	man junan ta	k'u'x
kox	man junan ta	k'o'x
kax	man junan ta	k'a'x
kex	man junan ta	k'e'x
kix	man junan ta	k'i'x

2.3. Ri tijoniḱ niq'ax pa kijolon ri ak'wala'.
 Ri tijonel nuq'alajirisaj chi nab'äy nikib'ij ri man ichinan ta.

Ri taq man ichinan ta.
T. Achke rub'i' re'?
 Nuk'üt apo ruqül q'ab'aj.
A. Ruqül q'ab'aj

T. Achke rub'i' re'?
 Nuk'üt apo ruwi' q'ab'aj.
A. Ruwi' q'ab'aj

T. Achke rub'i' re'?
 Nuk'üt apo ri ruwi' telemaj.
A. Ruwi' telemaj.
 Ke re' nub'än ri tijonel nuk'utuj kib'i' ri k'ak'a taq tzij.-

Wakamin taq ichinan.
T. Achke rub'i' re'?
 Nuk'üt apo ruqül ruq'a' ri ak'wal.
A. Ruqül nuq'a'.

T. Achke rub'i' re'?
 Nuk'üt apo ruwi' rutele'n ri ak'wal.
A. Ruwi' nutele'n

T. Achke rub'i' re'?
 Nuk'üt apo rutz'ik ruq'a' ri ak'wal.
A. Rutz'ik nuq'a'

T. Achke rub'i' re'.
 Nuk'üt apo ruwa ruk'u'x ri ak'wal.
A. Ruwa nuk'u'x.

2.4. Rukusaxik ri tijoniḱ.
 Taq nuk'utuj ri ak'wal k'atzinel chi nuchöp apo ri ruch'akul ri rachb'il.

Wakamin jun ak'wal nuk'utuj che ri rachb'il.

A1. Achke rub'i' re'?
A2. Ruwi' nutele'n.

A2. Achke rub'i' re'?
A3. Rutz'ik nuq'a'.

A3. Achke rub'i' re'?
A4. Ruwa nuk'u'x.

RUWAQXAQ TANAJ

RI QACH'AKUL

Rukaj tijonik.

1. Ri na'oj tikiren retamaxik.

- 1.1. Ri ak'wal najowäx chi niretamaj jun ka'i' oxi' kib'i' ruyab'il ri ch'akulaj.-
- 1.2. K'atzinel chuqa chi niretamaj ri ak'wal achke nub'ij taq k'o niq'axon chi re.

2. Rucholajen ri tijonik.

Ri tijonel yerukanuj ri ye'ik'atzin chi re richin ri tijonik.

2.1. Kikoten tzij:

Ri tijonel nuk'utuj chke ri ak'wala' pa kaxlan ch'ab'äl achke roma taq man yepe ta pa tijob'äl.

Ri tijonel nub'ij:

- T. Achke ak'wal man xpe ta iwir?*
A1. Ri a Lucho man xpe ta iwir.

Niroyoj ri a Lucho.

- T. Achke jun chik ri man xpe ta iwir?*
A2. Ri a Xwan man xpe ta iwir.
Chuqa niroyoj apo ri a Xwan.

K'a ri' nuk'utuj chke, achke roma man xepe ta ri iwir.

Ri a Lucho xub'ij roma niq'axon rupan, ri a Xwan xub'ij roma niq'axon rujolon.-
K'a ri' xeb'etz'uye'.

2.2. Rub'ixik ri tijonik.

Ri tijonel nub'ij chke :
tib'ij iwonojel.
T. Niq'axon nupan.

niq'axon nujolon.

niq'axon nuqül.

niq'axon ruwi' nutele'n.

niq'axon ruqül nuq'a'.

niq'axon ruqül waqän.

K'atzinel chi ri ak'wala' nikib'ij kamul oxmul ri jujun cholaj tzij.

2.3. Ri tijonik niq'ax pa kijolon ri ak'wala'.

Ri tijonel nub'ij chke ri ak'wala', taq xtuk'utuj chke ri tijonik, tikib'ij pe rub'i' jun yab'il ri ketaman chik.

- T. Achke niq'axon chawe rat?*
A1. Yin niq'axon nupan.

Ri tijonel nuk'üt chkiwäch ri ak'wala' rub'ixik ri tzij:

2.4. Rukusaxik ri tijonik.

Wakamin ri ak'wal nitikir nuk'utuj che jun rachb'il.-

T. Achke niq'axon chawe rat?

A2. Yin niq'axon nujolon.

T. Achke niq'axon chawe rat?

A3. Yin niq'axon nuqul.

Ke re' nub'an ri tijonel, k'atzinel chi nuk'utuj chke jun
oxi' kaji' ak'wala'.

A1. Achke niq'axon chawe rat?

A2. Yin niq'axon ruwi nutele'n.

A2. Achke niq'axon chawe rat?

A3. Yin niq'axon ruqul waqan.

A3. Achke niq'axon chawe rat?

A4. Yin niq'axon nupan.

A3. Achke niq'axon che rija'?

A4. Rija' niq'axon rujolon.-

RUWAQXAQ TANAJ

RI QACH'AKUL

Ro' tijonik.

1. Ri na'oj tikiren retamaxik.

1.1. K'atzinel chi ri ak'wal nunataj retamaxik ri tzij xeretamaj ri oxi' kaji' q'ij.-

1.2. Najowäx chuqa niretamaj ri tzij: xipe chuqa runataxik ri tzij: man.....ta.-

2. Rucholajen ri tijonik.

2.1. Kikoten tzij:

Ri tijonel nuk'utuj chke ri ak'wala' achke ri xketamaj ri jun ka'i' oxi' q'ij.-

K'atzinel chi ri tijonel nukanuj ri ye'ik'atzin che re tijonik.

T. *Achke rub'i' re'?*

Nuk'üt ok ri rujolon.

A. *Jolomaj*

T. *Achke rub'i' re'?*

Nuk'üt ok ri rupan.

A. *Pamaj.*

2.2. Rub'ixik ri tijonik.

Ri tijonel k'atzinel chi nuq'alajirisaj ri tzij: **Xipe.**

Tib'ij iwonojel:

T. *Yin xipe iwir.*

Rat xape iwir.

Rija' xpe iwir.

Ri ak'wala' ketaman ruq'ajarik ri nikib'ij.

Wakamin nuk'üt rukusaxik ri tzij man.....ta, chuqa nub'ij ri nib'eqa wi pa kaxlan ch'ab'äl.

T. *Yin man xipe ta iwir.*

Rat man xape ta iwir.

Rija' man xpe ta iwir.

Ri tijonel nuk'üt rukusaxik ri tzij achke roma.

Ri tijonel nub'ij:

T. *Yin man xipe ta iwir.*

Nub'ij chke ri ak'wala' chi tikib'ij:

A. *Achke roma man xape ta iwir.*

Ri ak'wala' nikib'ij kamul oxmul.-

Ri tijonel nuk'üt rukusaxik ri "r" taq nuk'isib'ej jun ch'ab'äl.

Pa kaqchikel ri "r" nib'ix achi'äl ri "rr" pa kaxlan ch'ab'äl.

Tiwak'axaj ak'wala'.

perro

gorra

Rosa

carro

zorra

Roma

Pa kaqchikel.

iwir

kär

kab'ijir

lor

oxjir

xar

junab'ir

tzor

2.3. Ri tijonik niq'ax pa kijolon ri ak'wala'.

Achke rub'i' re?
Achke niq'axon chawe?
Achke roma man xape ta.

T. *Achke rub'i' re'?*

man ichinan ta.

A1. *Jolomaj.*

T. *Achke rub'i' re'?*

Taq ichinan.

A1. *Nujolon.*

Ke re' nub'an kik'in ka'i' oxi' ak'wala'.

T. *Achke niq'axon chawe rat?*

A2. *Yin niq'axon nupan.*

T. *Achke niq'axon chawe rat?*

A3. *Yin niq'axon nuq'a'.*

T. *Achke roma man xape ta iwir?*

A4. *Yin man xipe ta roma niq'axon nujolon.*

T. *Achke roma man xape ta iwir?*

A5. *Yin man xipe ta roma niq'axon nuq'ul.*

T. *Achke roma man xape ta iwir?*

A6. *Yin man xipe ta roma niq'axon ruwi nutele'n.*

2.4. Rukusaxik ri tijonik.

Ri tijoxel nukusaj ri tzij richin rox winaq.-

Wakamin ri ak'wal nitikir nuk'utuj chi re jun rachb'il.

A1. *Achke niq'axon che rija'?*

A2. *Rija' niq'axon rupan.*

A2. *Achke niq'axon che rija'?*

A3. *Rija' niq'axon rujolon.*

A3. *Achke niq'axo n che rija'?*

A4. *Rija' niq'axon ruq'a'.*

RUB'ELEJ TANAJ

RI QATZYAQB'AL PA QATINAMIT.

NAB'EY TIJONĪK.

1. Ri na'oj tikiren retamaxik.

- 1.1. K'atzinel chi ri ak'wala' niketamaj ri jalajöj taq rub'onil, jalajöj taq retz'ab'al kitzyaqb'al ri ixoqi'.
- 1.2. Najowäx chuqa' niketamaj ruq'ij ri qatzyaqb'al, chi jun sipanik kiyo'on kan ri qati't qamama'.
- 1.3. Chuqa najowäx nikinataj ri b'onil je'.

2. Rucholajen ri tijonik.

2.1. Kikoten tzij:

Ri tijonel nuk'üt apo chkiwäch ri ak'wala'n kipo't jun ka'i' tinamit.

Ri ak'wala' ützi nikib'ij pe pa kaxlan ch'ab'äl.

Ri tzyaqb'äl k'atzinel richin jun tinamit ri ketaman jeb'äl ri ak'wala'.

2.2. Rub'ixik ri tijonik.

Nab'ey: Nuk'üt rutzyaq ri ixöq.

po't

uq

pas

Ri tijonel nuk'üt jeb'el ri rub'ixik ri tzij po't.

Ri tijonel k'atzinel chi yerukanuj jun ka'i' wachib'äl ri akuchi' e k'o ixoqi' ri jujun wi ri kitzyaqb'al.

Ri tijonel nub'ij:

T. Achke tinamit ye'ukusan re po't re'.

Ri ak'wala' nikib'ij pe wi ketaman.

Ri tijonel nuq'alajirisaj chi ri qatzyaqb'al jun nimaläj sipanik kiyo'on kan ri qati't qamama'.

T. Re' po't rub'i'.

Ri ak'wala' nikib'ij jun b'äy kamul, oxmul.

T. Re uq rub'i'.

Chuqa ri ak'wala' nikib'ij kamul, oxmul.

Tib'ij re k'ulaj taq tzij re':

pot	wakamin	po't
pat	wakamin	pa't
ot	wakamin	o't
at	wakamin	a't
o	wakamin	o'
a	wakamin	a'

Wakamin ri tijonel nuk'üt rub'i' rutzyaq ri achin.

wex

kamxa'

koton

xinb'äl

Ri tijonel nuya' jun ruwachb'äl ri achin chwa xan.

T. Re' rub'i' wex.

Iwonojel tib'ij: wex, wex, ...

T. Re' rub'i' kamxa'.

Iwonojel tib'ij:

A. Kamxa', kamxa', kamxa'.

T. Re rub'i' koton.

Iwonojel tib'ij:

A. Koton, koton, koton.

2.3. Ri tijonik niq'ax pa kijolon ri ak'wala'.
 Ri tijonel üt z nukusaj ri wachb'äl chwa xan, chuqa üt z
 nukusaj ri xtaq kitzyaq ri ak'wala'.

Runataxik ri b'onil je'.

käq
 säq
 räx
 q'än

2.4. Rukusaxik ri tijonik.

T. Re xinb'äl rub'i'.

Tib'ij:

A. xinb'äl, xinb'äl, xinb'äl.

T. Achke rub'i' re'? (nuk'üt apo ri po't).

A1. Po't.

T. Achke rub'i' re'? (nuk'üt apo ri uq).

A2. Uq.'

T. Achke rub'i' re'? (nuk'üt apo ri pas).

A3. Pas.

T. Achke rub'i' re'? (nuk'üt apo ri kamxa').

A4. Kamxa'.

T. Achke rub'i' re'? (nuk'üt apo ri wex).

A5. Wex.

T. Achke rub'i' re'? (nuk'üt apo ri koton).

A6. koton.

T. Achke rub'onil re po't?

A. Käq rub'onil.

T. Achke rub'onil re wex?

A. Säq rub'onil.

T. Achke rub'onil re uq?

A. Räx rub'onil.

T. Achke rub'onil re kamxa'?

A. Q'än rub'onil.

Wi k'a k'o jub'a ramaj, ri ak'wala' üt z nikik'utuj chi
 kiwäch rije'.

RUB'ELEJ TANAJ

RI QATZYAQB'AL PA QATINAMIT.

Ruka'n tijonik.

1. Ri na'oj tikiren retamaxik.

1.1. Najowäx chi ri ak'wala' niketamaj achke yeb'anun ri kitzyaq, achke yeloq'on chke.-

1.2. K'atzinel chuqa chi niketamaj ruq'ij jun tzyäq kemon.

2. Rucholajen ri tijonik.

2.1. Kikoten tzij:

Ri tijonel nuq'alajirisaj ruq'ij jun tzyäq ri b'anun chi b'o'j.

Chuqa nuq'alajirisaj ri tijonel chi taq rub'anun kan ri ixoqi' nikikäm kitzyaq ri achi'a'.

2.2. Rub'ixik ri tijonik.

Achke nub'än la ixoq?

La ixöq nikemon.

Achke nikemon ri a

Ri nu.....nute' nikemon.

ixöq
xtän
xti xtän

yikemon
yakemon
nikemon

2.3. Ri tijonik niq'ax pa kijolon ri ak'wala'.

Nab'äy: nik'utux chke chi konojel.

Pa ru kamul: chi q'ataj k'a ri' chi kijujunal.

K'atzinel chi ri tijonel nukanuj jun tzyäq rik'in b'o'j chuqa jun tzyäq ri yalan xax ri e petenäq juk'an ya'.

Ri tijonel nub'ij:

Jun tzyäq b'o'j, jeb'äl pin, b'uyül, ütztichin tew chuqa ütztichin q'ij.-

Ri yalan e xax, yalan e tew taq k'o tew, chuqa yalan nik'aton taq yalan q'ij.-

Ri tijonel nub'än jun wachb'äl ri akuchi' nikemon jun ixöq.

T. La ixöq nikemon.

Tib'ij iwonojel.

A. La ixöq nikemon.

Ri ak'wala' nikib'ij kamul, oxmul.-

T. La xtän nikemon.

Tib'ij iwonojel.

A. La xtän nikemon.

K'atzinel chi ri ak'wala' nikib'ij kamul, oxmul.-

T. Achke nub'än la ixöq?

A. La ixöq nikemon.-

T. Achke nub'än la xtän?

A. La xtän nikemon.

T. Achke nikemon ri apo't?

A. Ri nupo't nute' nikemon.

T. Achke nikemon ri awex?

Ri xti xtaän k'o chi nub'ij:

A. Ri nuwex nute' nikemon.

T. Achke nikemon ri akamxa'?

Ri xti xtän nub'iji:

A. Ri nukamxa' ri xtän nikemon.

Runataxik ri loq'onik.

T. Achke niloq'on ri awuq?

Ri xti xtän k'o chi nub'ij:

A. Ri wuq nutata' niloq'on.

T. Achke niloq'on ri apas?

Ri xti xtän nub'ij:

A. Ri nupas nute' niloq'on.

T. Achke niloq'on ri awex?

Ri xti ala' nub'ij:

A. Ri nuwex nutata' niloq'on.

2.4. Rukusaxik ri tijonik.

Wakamin jun ak'wal nub'än ri k'utunik.

A1. Achke nub'än la ixöq?

A2. La ixöq nikemon.

A2. Achke nikemon ri awex?

A3. Ri wex nute' nikemon.

A3. Achke niloq'on ri koton?

A4. Ri nukoton nutata' niloq'on.

RUB'ELEJ TANAJ

RI QATZYAQB'AL PA QATINAMIT.

Rox tijonik.

1. Ri na'oj tikiren retamaxik.

1.1. Najowäx chi ri ak'wala' niketamaj jun ka'i' kib'i' ri tinamit.

1.2. K'atzinel chi ri ak'wala' niretamaj akuchi' yeloq' wi ri kitzyaq.-

2. Rucholajen ri tijonik.

2.1. Kikoten tzij:

Ri tijonel nub'än jun etz'anin ri nuya' kib'i' tinamit chke ri jujun cholaj ak'wala'.

Ri tijonel nutzijoj jun tzij chkiwäch ri ak'wala', taq nusik'ij pe rub'i' jun tinamit yepa'e' el, ri kib'i' ri tinamit, tinamit xusik'ij ri tijonel.

2.2. Rub'ixik ri tijonik.

Ri tijonel nuk'utuj chke ri ak'wala' chi tikib'ij kib'i' ri tinamit xketamaj yan.

Akuchi' nalöq' wi ri a?

Ri nu.....ninlöq'.....

Akuchi' nik'ayix wi ri a?

Ri nu.....nik'ayix pa

La ütztatz'ät ri?

Yin yalan ütztatz'ät ri.....

2.3. Ri tijonik niq'ax pa kijolon ri ak'wala'.

Chwi Meq'enya'

B'oko'

Panq'än

Armita

Iximche'

Totonicapán

Chimaltenango

Antigua

Guatemala

Iximche'

K'atzinel chi ri tijonel nukanuj achke ye'ik'atzin che ri tijonik.

Ri tijonel nub'ij:

Re jun cholaj re' kib'i' Panq'än.

Re jun cholaj re' kib'i' B'oko'.

Re jun cholaj re' kib'i' Armita.

Re jun cholaj re' kib'i' Chiwi Meq'enya'.

Re jun cholaj re' kib'i' Iximche'.

Iwir xib'e Panq'än xinloq' jun nukamxa', (yepa'e' ri Panq'än kib'i') k'a ri xib'e B'oko' xinlöq' jun nukoton (yepa'e' ri B'oko' kib'i').....

Tib'ij iwonojel ak'wala'.

T. Ri uq nik'ayix Chwi Meq'enya'.

A. Ri uq nik'ayix Chwi Meq'enya'.

Ri ak'wala' nikib'ij kamul oxmul.

T. Ri po't nik'ayix B'oko'.

A. Ri po't nik'ayix B'oko'.

Ri ak'wala' nikib'ij kamul oxmul.

T. La ütztatz'ät ri awex?

A. Ja', yalan ütztatz'ät ri nuwex.

Ri ak'wala' nikib'ij kamul oxmul.

T. Akuchi' nik'ayix wi ri uq?

A1. Ri uq nik'ayix Chwi Meq'enya'.

T. Akuchi' nik'ayix wi ri po't?

A2. Ri po't nik'ayix B'oko'.

T. Akuchi' nik'ayix wi ri wex?

A3. Ri wex nik'ayix Panq'än.

Ri tijonel nuk'üt ri tzij loq'onik.
nintlöq'
nalöq'
nulöq'

T. Akuchi' nalöq' ri apo't?
A1. Ri nupo't nintlöq' Armita.

T. Akuchi' nalöq' ri akamxa'?
A2. Ri nukamxa' nintlöq' Panq'än.

T. Akuchi' nalöq' ri akoton?
A3. Ri nukoton, nintlöq' pan lximche'.

T. Akuchi' nalöq' ri awuq?
A4. Ri wuq nintlöq' Chwi Meq'enya'.

La ütznatz'ät ri a

T. La ütznatz'ät ri apo't?
A. Ja', ütznintz'ät ri nupo't.

T. La ütznatz'ät ri awex?
A. Ja', ütznintz'ät ri nuwex.

T. La ütznatz'ät ri apas?
A. Ja', ütznintz'ät ri nupas.

2.4. Rukusaxik ri tijonik.

Ri ak'wal nitikir nuk'utuj re tijonik re' rik'in jun chik rachb'il, xa ke k'a ri xtub'än chik kik'in ch'aga chik winaqi'.

RUB'ELEJ TANAJ

RI QATZYAQB'AL PA QATINAMIT.

Rukaj tijonik.

1. Ri na'oj tikiren retamaxik.

- 1.1. K'atzinel chi ri ak'wal niretamaj chi ri k'ayij, k'o ri jotöl k'o k'a ri qajnäq ok rajäl.
- 1.2. Najowäx chuqa chi ri ak'wal niretamaj rukusaxik jun ka'i' ri ajlab'äl.

2. Rucholajen ri tijonik.

2.1. Kikoten tzij:

Ri tijonel k'atzinel chi nitzijon jun xtiramaj kik'in ri ak'wala', richin nub'ij chke chi ri k'aslen yalan k'ayew jub'a', roma yalan xejote rajäl ojer kan ri' yalan wi qajnäq kajäl ri ye'ik'atzin pa qak'aslen.-

2.2. Rub'ixik ri tijonik.

Ri tzij nuk'üt ri tijonel ja re':

Janipe' rajäl?
jotöl rajäl
qajnäq rajäl

2.3. Ri tijonik niq'ax pa kijolon ri ak'wala'.

Wakamin rukusaxik ri tzij janipe' rajäl.

Juk'aj	kajk'al
kak'al	wok'al
oxk'al	waqk'al

Ri tijonel nik'atzin chi yerukanuj ri xtukusaj che ri tijonik.

Ri tijonel nukanuj jun etab'äl richin nuk'üt ri jotöl chuqa ri qajnäq.

Ri tzeqäl yalan nib'ix jotöl chi re.
Ri etab'äl k'o pa xulan nib'ix qajnäq chi re.

Ri tijonel nub'ij:

- T. *Re' qajnäq rajäl. (nuk'üt jun kamxa').*
T. *Re' jotöl rajäl (nuk'üt jun koton).*

Tib'ij iwonojel.

- T. *Re kamxa' qajnäq rajäl.*
T. *Re koton jotöl rajäl.*

Ri ak'wala' k'atzinel chi niq'ax pa kijolon ri tijonik

- T. *Re uq jotöl rajäl.*
T. *Re po't qajnäq rajäl.*

- T. *Achke ri qajnäq rajäl?*
A. *Ri qajnäq rajäl ja ri kamxa'.*

- T. *Achke ri jotöl rajäl?*
A. *Ri jotöl rajäl ja ri koton.*

- T. *Achke ri jotäl rajäl?*
A. *Ri jotöl rajäl ja ri uq.*

- T. *Achke ri qajnäq rajäl?*
A. *Ri qajnäq rajäl ja ri po't.*

- T. *Janipe' rajäl jun po't?*
A. *Jun po't oxk'al rajäl.*


- T. *Janipe' rajäl jun uq?*
A. *Jun uq wok'al rajäl.*

2.4. Rukusaxik ri tijonik.

T. Janipe' rajäl ri awex?
A. Ri nuwex juk'al rajäl.

T. Janipe' rajäl ri apo't?
A. Ri nupo't oxk'al rajäl.

T. Janipe' rajäl ri apas.
A. Ri nupas lajuj rajäl.



RUB'ELEJ TANAJ

RI QATZYAQB'AL PA QATINAMIT.

Ro' tijonik.

1. Ri na'oj tikiren retamaxik.

- 1.1. K'atzinel chi ri ak'wal nunataj ri xretamaj pe ri ox'i kaji' q'ij.
- 1.2. Najowäx chi ri ak'wal nik'uje' kan pa ruwi' ri tzij jotöl rajäl, qajnäq rajäl.
- 1.3. Chuqa k'atzinel chi nunataj ruq'ij ri qatzyaqb'al.

2. Rucholajen ri tijonik.

2.1. Kikoten tzij:

Ri tijonel üt'z nuk'utuj chke ri ak'wala' la jotöl ri k'aslen wakamin chwäch ri junab'ir kan chuqa üt'z nuk'utuj achke rub'i' rutzyaq ri ixöq chuqa rub'i' rutzyaq ri achin.

2.2. Rub'ixik ri tijonik.

2.3. Ri tijonik niq'ax pa kijolon ri ak'wala'.

Ri tijonel yerukusaj ri jun ka'i' ox'i achb'äl xerukusaj pe ri ka'i' ox'i q'ij.

Ri tijonel nuya' chwa xan ri jun ka'i' wachb'äl, richin k'a chi rij re' tzij re yetzijon wi ri ak'wala'.

T. Achke rub'i' re'?

A. Re' rub'i' po't

T. Achke rub'i' re'?

A. Re' rub'i' uq.

T. Achke rub'onil ri apo't.

A. Ri nupo't käq rub'onil.

T. Achke rub'onil ri awex?

A. Räx rub'onil ri nuwex.

T. Achke rub'onil ri akamxa'?

A. Q'än rub'onil ri nukamxa'.

T. Achke nub'än la ixöq la'?

A. La ixöq la' nikemon.

T. Achke nub'än la xtän la'?

A. La xtän la' nikemon.

T. Achke niloq'on ri apo't?

A. Ri nupo't nute' niloq'on.

T. Achke niloq'on ri awuq?

A. Ri wuq nutata' niloq'on.

T. Akuchi' niloq' wi ri awuq?

A. Ri wuq niloq' Chi Meq'enya'.

T. Akuchi' niloq' wi akoton?

A. Ri nuk'oton ninlöq' B'oko'.

RULAJ TANAJ

RI NIMA TAQ JAY PA QATINAMIT

NAB'EY TIJONĪK.

1. Ri na'oj tikiren retamaxik.

1.1. Najowāx chi ri ak'wal niretamaj achke je' moloj ri'il e k'o pa qatinamit.

1.2. Chuqa k'atzinel niretamaj ri ak'wal achke kiq'ajarik ri moloj taq ri'il pa tinamit.

2. Rucholajen ri tijonĭk.

2.1. Kikoten tzij:

Ri tijonel k'atzinel chi nukanuj jun wachib'āl richin jun tinamit, richin k'a chi rij re yetzijon wi ri ak'wala' taq xtitikirisaj el ri tijonĭk; re tzij re' üt nikib'ān pa kaxlan ch'ab'āl.

Ri tijonel yerukanuj ri ye'ik'atzin che richin üt nel ri tijonĭk.

Ri tijonel nub'ij chke:

Achke nitz'āt wawe?

Achke kib'i' re jay re'?

Achke tinamit iwetaman řix?

Achke kisamaj ri winaqi' wawe'?

K'a ri' nitikir el ri tijonĭk.

2.2 Rub'ixik ri tijonĭk.

Ri tijonel nuk'utuj chke ri ak'wala'.

Achke rub'i' re tinamit re'?

Achke rub'i' re jay re'?

T. Tib'ij iwonojel ak'wala'.

T. Re tinamit re' rub'i' Panq'ān.

Ri ak'wala' nikib'ij kamul oxmul.

A. Re tinamit re' rub'i' Panq'ān.

T. Re jay re' rub'i' rachoch Ajaw.

Ri ak'wala' nikib'ij kamul oxmul.

A. Re jay re' rub'i' rachoch Ajaw.

Ri tzij netamāx:

Panq'ān

rachoch Ajaw

Q'atb'āl Tzij

k'ayb'āl

tijob'āl.

T. Re jay re' rub'i' Q'atb'āl Tzij.

A. Re jay re' rub'i' Q'atb'āl Tzij.

T. Re jay re' rub'i' k'ayb'āl.

A. Re jay re' rub'i' k'ayb'āl.

T. Re jay re' rub'i' tijob'āl.

A. Re jay re' rub'i' tijob'āl.

2.3. Ri ak'wala' niq'ax pa kijolon ri tijonĭk.

Ri tijonel nuk'utuj chke chi konojel, chi q'ataj chuqa chi kijujunal.

T. Achke rub'i' re tinamit re'?

A. Re tinamit re' rub'i' Panq'ān.

Ri tijonel nuk'üt apo ri rachoch Ajaw.

T. Achke rub'i' re jay re'?

A. Re jay re' rub'i' rachoch Ajaw.

Wakamin ri tijonel nuk'üt apo ri Q'atb'āl tzij.

T. Achke rub'i' re jay re'?

A. Re jay re' rub'i' Q'atb'āl tzij.

Wakamin nuk'üt apo ri k'ayb'äl.

T. Achke rub'i' re jay re'?

A. Re jay re' rub'i' k'ayb'äl.

Wakamin nuk'üt apo ri tijob'äl jay.

T. Achke rub'i' re jay re'?

A. Re jay re' rub'i' tijob'äl.

2.4. Rukusaxik ri tijonik.

Wakamin ri ak'wal nitik'ir nub'ij che ri rachb'il ri xretamaj kan.

Jun ak'wal nuk'utuj che jun rachb'il.

A1. Achke rub'i' re jay re'?

A2. Re jay re' rub'i' tijob'äl.

A2. Achke rub'i' re jay re'?

A3. Re jay re' rub'i' rachoch Ajaw.

Ke re eqal nib'e ri tijonik.

Rat tijonel taq natz'ät chi k'o jub'a' k'ayew rub'ixik jun tzij, nab'än utzil nakamluj chik chi kiwäch ri ak'wala'.



Imix



Ik



Akbal



Kan



Chicchan



Cimi



Manik



Lamat



Muluc



Oc



Chuen



Eb



Ben



Ix



Men



Cib



Caban



Etz'nab



Cauac



Ahau

RULAJ TANAJ

RI NIMA TAQ JAY PA QATINAMIT

RUKA'N TIJONĪK.

1. Ri na'oj tikiren retamaxik.

1.1. Najowāx chi ri ak'wal niretamaj achke ye'ik'atzin wi ri jay e k'o pa tinamit.

1.2. Niretamaj chuqa ri ak'wal ni nimalāj ruq'ij ri rachoch ri Ajaw.

2. Rucholajen ri tijonik.

K'atzinel chi ri tijonel yerukanuj ri xkerukusaj che re tijonik re'.

2.1. Kikoten tzij:

Ri tijonel nub'ān jun rachoch Ajaw chwa wuj, ja re' ri xtukusaj ri pa tijonik.

K'a ri nuk'utuj chke ri ak'wala' achke nib'an chupan ri rachoch Ajaw.

Ri tijonel nub'ij:

Achke rub'i' re jay re'?

La yixpe rix pa rachoch Ajaw?

Achke nib'an pa rachoch Ajaw?

Janipe' rachoch Ajaw e k'o pa qatinamit?

2.2. Rub'ixik ri tijonik.

Ri tijonel nuk'utuj chke ri ak'wala'.

Achke rub'i' re'?

Achke nib'an wawe'?

Ri tijonel nuk'ūt apo ri rachoch Ajaw.

T. *Re rub'i' rachoch Ajaw.*

Ri ak'wala' nikib'ij kamul oxmul.

A. *Re rub'i' rachoch Ajaw.*

Ri tzij netamāx:

xukulen

mejlen

k'awomanik

ninatāx ri Ajaw.

richin: ri k'aslen

ri qaway

ri rutzil qawāch.

Ri tijonel nub'ān jun wachib'āl ri akuchi' xukul jun ak'wal.

T. *Wawe' nib'an xukulen.*

Konojel nikib'ij kamul oxmul:

A. *Wawe' nib'an xukulen.*

Ri tijonel nuq'alajirisaj pa kaxlan ruq'ajarik ritzij mejlen (meditación).-

T. *Wawe' nib'an mejlen.*

A. *Wawe' nib'an mejlen.*

T. *Wawe' nib'an k'awomanik.*

A. *Wawe' nib'an k'awomanik.*

T. *Wawe' ninatāx ri Ajaw.*

A. *Wawe' ninatāx ri Ajaw.*

Ri tijonel nuk'ūt pa taq paj re tzij re':

ni qa k'a wo maj

ni qa k'a wo maj

Ri tijonel nub'ān rik'in ruq'a' ri retal ri qaway.-

T. *Niqak'awomaj ri qaway.*

Ri ak'wala' nikib'ij kamul oxmul.

A. *Niqak'awomaj ri qaway.*

2.3. Ri tijonik niq'ax pa kijolon ri ak'wala'.
 Ri tijonel üt'z nuk'utuj chke ri ak'wala' pa taq tzob'aj,
 chuqa' chi kijujunal.-

T. *Niqak'awomaj ri qak'aslen.*
 A. *niqak'awomaj ri qak'aslen.*

T. *Achke rub'i' re jay re'?*
 Ri ak'wala' k'o chi nikib'ij pe.
 A. *Re jay re' rub'i' rachoch Ajaw.*

T. *Achke nib'an pa rachoch Ajaw?*
 Ri tijonel nuk'üt ri ak'wal xukül, k'a ri' ri
 ak'wala' nikib'ij:
 A. *Pa rachoch Ajaw nib'an xukulen.*

T. *Achke nib'an pa rachoch Ajaw?*
 A. *Pa rachoch Ajaw nib'an mejlen.*

T. *Achke ninatäx pa rachoch Ajax?*
 A. *Pa rachoch Ajaw ninatäx ri Ajaw.*

T. *Achke niqak'awomaj pa rachoch ri Ajaw?*
 A. *Pa rachoch Ajaw niqak'awomaj ri qaway.*

Achke jun chik niqak'awomaj pa.....

T. *Achke jun chik niqak'awomaj pa rachoch ri Ajaw.*
 A. *Pa rachoch Ajaw niqak'awomaj ri qak'aslen.*

2.4. Rukusaxik ri tijonik.
 Ri ak'wal xretamaj ruq'ij ri rachoch ri Ajaw, chuqa
 xretamaj ruk'awomaxik ri k'aslen.

Wakamin ri ak'wal nitikir nuk'utuj jun ka'i' re tzij re'
 kik'in ri rachb'il.

A1. *Achke nib'an pa rachoch ri Ajaw?*
 A2. *Pa rachoch ri Ajaw nib'an xukulen.*

A2. ... A3...

RULAJ TANAJ

RI NIMA TAQ JAY PA QATINAMIT

ROX TIJONĪK.

1. Ri na'oj tikiren retamaxik.

1.1. Najowäx chi ri ak'wal niretamaj achke rusamaj jun k'ayb'äl.

1.2. Ri ak'wal chuqa k'atzinel niretamaj niloq'on pa jun k'ayb'äl.-

2. Rucholajen ri tijonĭk.

2.1. Kikoten tzij:

Ri tijonel nuk'üt apo chkiwäch ri ak'wala' jun wuj ri akuchi' k'o k'ayb'äl.

K'a ri nuk'utuj chke ri yek'ayix ri pa k'ayb'äl.

Ri tijonel nukanuj jun ruwachb'äl jun k'ayb'äl.

Ri tijonel nub'ij chke ri ak'wala'.

Achke re nitz'ät wawe'?

Achke re nik'ayix wawe'?

Janipe' rajäl re'?

2.2. Rub'ixik ri tijonĭk.

Ri tijonel nub'ij chke ri ak'wala' chi tikiya' üt ri kixkin.

Ri tijonĭk:

Achke nitz'ät wawe'?

Achke nik'ayix wawe'?

Achke q'ij ri k'ayb'äl?

Janipe' rajäl re'?

Ri tzij ye'etamax.

saq'ul

xkoya'

tra's

oköx

sa'y

kaxlanwäy

sub'an

k'ix (ch'ima')

Ri tijonel nuk'üt apo ruwachb'äl jun k'ayb'äl.

T. *Ja re' jun k'ayb'äl.*

Konojel ri ak'wala' nikib'ij:

A. *Ja re' jun k'ayb'äl.*

T. *Wawe' nik'ayix saq'ul, tra's, sa'y, sub'an.*

Ri ak'wala' nikikamluj chuqa niki roxmluj ri nub'ij ri tijonel.

T. *Chuqa wawe' nik'ayix xkoya', oköx, kaxlanwäy, k'ix.*

Ri ak'wala' nikikamluj jun ka'i' oxi' b'ey kib'i' re yak'ayix pa k'ayb'äl.

2.3. Ri tijonĭk niq'ax pa kijolon ri ak'wala'.

Ri tijonel üt nuk'utuj chke ri ak'wala' chi konojel, chi tzob'aj, chuqa chi kijujunal.-

Ri tijonel nuk'üt apo ri saq'ul.

T. *Achke rub'i' re'?*

A. *Re' rub'i' saq'ul.*

Wakamin nuk'üt apo ri tra's.

T. *Achke rub'i' re'?*

A. *Re' rub'i' tra's.*

Wakamin nuk'üt apo ri xkoya'.

T. *Achke nik'ayix wawe'?*

A. *Wawe' nik'ayix xkoya'.*

Wakamin nuk'üt apo ri kaxlanwäy.

T. *Achke nik'ayix wawe'?*

A. *Wawe' nik'ayix kaxlanwäy.*

Wakamin nuk'üt apo ri oköx.

T. *Achke nik'ayix wawe'?*

A. *Wawe' nik'ayix oköx.*

Wakamin ri tijonel nukusaj ri tzij janipe rajäl.

Ri ajlanik nukusäx.

wo'o'	=	5
lajuj	=	10
wolajuj	=	15
juk'al	=	20

2.4. Rukusaxik ri tijonik.

Ri ak'wal nirayb'äx chi wakamin nitikir chik nuk'utuj rajäl ri yek'ayix pa k'ayb'äl.

T. Janipe' rajäl jun saq'ul?

Ri ak'wala' chöj nikak'axaj.

T. Lajuj rajäl jun saq'ul.

K'a ri' ri ak'wala' nikib'ij:

A. Lajuj rajäl jun saq'ul.

T. Janipe' rajäl jun tra's?

A. Wo'o' rajäl jun tra's.

T. Janipe' rajäl jun sub'an?

A. Wo'o' rajäl jun sub'an.

T. Janipe' rajäl jun kaxlanwäy?

A. Wolajuj rajäl jun kaxlanwäy.

T. Janipe' rajäl jun k'ix?

A. Juk'al rajäl jun k'ix.

T. Janipe' rajäl jun oköx?

A. Lajuj rajäl jun oköx.

A1. Janipe' rajäl jun kaxlanwäy?

A2. Lajuj rajäl jun kaxlanwäy.

A2. rik'in A3.....

RULAJ TANAJ

RI NIMA TAQ JAY PA QATINAMIT

RUKAJ TIJONĪK.

1. Ri na'oj tikiren retamaxik.

1.1. Ri ak'wal k'atzinel chi niretamaj achke rusamaj jun Q'atb'äl Tzij pa jun tinamit.

1.2. Chuqa k'atzinel niretamaj jun ka'i' oxi' tzij nich'o'n chi rij re tzij re'.

2. Rucholajen ri tijonik.

2.1. Kikoten tzij:

Ri tijonel nuk'utuj chke ri ak'wala' wi ketaman achke rusamaj jun q'atb'äl tzij. Ri ak'wala' ütz nikib'ij pa kaxlan ch'ab'äl. Chuqa ri tijonel nuk'utuj chke, achke rub'i' ri q'atöy tzij.

Ri tijonel wakamin nuk'üt apo ruwachb'äl jun q'atb'äl tzij.

Ri tijonel nub'ij:

Achke rub'i' re jay re'?

Achke rub'i' re achin q'atöy tzij.

Achke roma yab'e pa Q'atb'äl Tzij.

2.2. Rub'ixik ri tijonik.

Ri tijonel nuk'utuj chke ri ak'wala':

Achke rub'i' ri achin q'atöy tzij?

Achke rusamaj ri q'atöy tzij?

T. Achke rub'i' re jay re'?

A. Q'atb'äl Tzij.

Konojel ri ak'wala' nikib'ij ri tzij Q'atb'äl Tzij.

Ri tzij netamäx:

—nub'än utzil b'ey.

—nub'än ri k'ayb'äl.

—nuya' ya' pa tinamit.

—nuya' ri saqil (luz) pa tinamit.

T. Achke rub'i' ri achin q'atöy tzij.

Ri ak'wala' chöj nikak'axaj, ri tijonel nub'ij pe.

T. Ri achin q'atöy tzij rub'i' a Marto Ajmak.

Ri ak'wala' nikib'ij:

A. Ri achin q'atöy tzij rub'i' a Marto Ajmak.

K'atzinel chi ri ak'wala' nikib'ij kamul oxmul re tzij re'.

K'atzinel chi ri tijonel nuk'üt apo ri wachb'äl richin ri tinamit, ak'uchi' k'o jun b'ey, ri ya' chuqa ri saqil.

Wakamin ri tijonel nuk'utuj achke rusamaj ri q'atöy tzij.

T. Achke rusamaj ri q'atöy tzij?

Nab'ey nub'ij ri tijonel, k'a ri xtikib'ij ri ak'wala'.

T. Ri q'atöy tzij nub'än utzil b'ey.

Ri ak'wala' nikib'ij:

A. Ri q'atöy tzij nub'än utzil b'ey.

Wakamin ri tijonel nuk'üt apo ri jay richin ri k'ayb'äl.

T. Achke rusamaj ri q'atöy tzij?

Ri tijonel nub'ij nab'ey ri nuk'utuj chke.

T. Ri q'atöy tzij nub'än ri k'ayb'äl.

K'a ri nikib'ij ri ak'wala'.

A. Ri q'atöy tzij nub'än ri k'ayb'äl.

Ri tijonel nub'än jun uk'yab'äl (pila o llenacántaro).

K'atzinel jun wachb'äl ri ak'uchi' k'o ri saqil (luz eléctrica).
Richin jeb'el niketamaj ri ak'wala', k'atzinel nikib'ij kamul, oxmul kajmul re tzij re'.

2.3. Ri tijonik niq'ax pa kijolon ri ak'wala'.

2.4. Rukusaxik ri tijonik .

Ri ak'wal üt nuk'utuj che ri rutata', achke chik ch'aqa samaj nub'än ri q'atöy tzij.

Wakamin ri tijonel nuk'üt apo ri wachb'äl richin ri ya'.

T. Achke rusamaj ri q'atöy tzij.

Ri tijonel nub'ij nab'ey:

T. Ri q'atöy tzij nuya' ri ya' pa tinamit.

K'a ri' ri' ri ak'wala' nikib'ij:

A. Ri q'atöy tzij nuya' ri ya' pa tinamit.

Wakamin ri tijonel nuk'üt apo ri saqil (luz eléctrica)

T. Achke rusamaj ri q'atöy tzij?

Ri tijonel nub'ij nab'ey:

T. Ri q'atöy tzij nuya' ri saqil pa tinamit.

K'a ri' nikib'ij ri ak'wala'.

A. Ri q'atöy tzij nuya' ri saqil pa tinamit.

Ri tijonel k'atzinel nuk'üt apo ri wachb'äl taq nuk'utuj ri tzij chke ri ak'wala'.

T. Achke rub'i' re jay re'?

Ri ak'wala' nikib'ij:

A. Re jay re' rub'i' Q'atb'äl Tzij.

T. Achke rub'i' ri achin q'atöy tzij.

Ri ak'wala' nikib'ij:

A. Ri q'atöy tzij rub'i' a Marto Ajmak.

Ri tijonel nuk'utuj chke jutzobaj ak'wala'.

T. Achke rusamaj ri q'atöy tzij?

Nuk'üt apo ri k'ayb'äl.

A. Ri q'atöy tzij nub'än ri k'ayb'äl.

Nuk'utuj chke jutzob'aj chik.

T. Achke rusamaj ri q'atöy tzij?

Nuk'üt apo ri ya'.

A. Ri q'atöy tzij nuya' ya' pa tinamit.

A1. Achke rub'i' ri q'atöy tzij táta?

Ri tata'aj nub'ij:

T. Ri q'atöy tzij a Marto Ajmak rub'i'.

A1. Achke rusamaj ri q'atöy tzij?

T. Ri q'atöy tzij nub'än ri jay Q'atb'äl Tzij.

Taq xtitzolin pe ri ak'wal pa ruka'n q'ij norutzijoj achke xub'ij pe ri rutata' che, ke ri nitz'aqät ri tijonik.-

RULAJ TANAJ

RI NIMA TAQ JAY PA QATINAMIT

RO' TIJONĪK.

1. Ri na'oj tikiren retamaxik.

- 1.1. Chupan re tijonik re' najowäx chi ri ak'wal nunataj ri achke xretamaj pe ri oxī' kaji' q'ij.
- 1.2. K'atzinel chi nik'uje' kan pa rujolon ri ruchajin jun tinamit.

2. Rucholajen ri tijonik.

2.1. Kikoten tzij:

Ri tijonel nuya' chwa xan ri jun ka'i' wachib'äl chi rij ri tinamit, k'a ri nub'ij chke ri ak'wala' chi ketzijon pa ruwi' re wachb'äl re'.

Ri tijonel yerukusaj ri achke xerukusaj ri oxī' kaji' q'ij pa tijonik.

Ri tijonel nuk'utuj chke ri ak'wala':
Achke nitz'ät wawe'?
Achke rub'i' re tinamit re'?
Achke rub'i' atinamit rat?
Achke rub'i' re jay re'?

2.2. Rub'ixik ri tijonik.

Wakamin ri tijonel nuya' kan chwa xan xa xe ri tinamit, k'a ri' nuk'utuj chke ri ak'wala'.

T. Achke rub'i' re tinamit re'?
Ri ak'wala' nikib'ij:
A. La tinamit la' rub'i' Panq'än.

K'a ri nuk'utuj chke jun tzob'aj ak'wala'.
T. Achke rub'i' re tinamit re'?
Ri ak'wala' nikib'ij:
A. La tinamit la' rub'i' Panq'än.

K'a ri nuk'utuj che xa jun ak'wal.
T. Achke rub'i' re tinamit re'?
Ri ak'wal nub'ij.
A. La tinamit la' rub'i' Panq'än.

Wi manäq ruwachb'äl ri jujun jay, ützt nukusaj ri tijonel ri wachb'äl richin ri tinamit, chi ri' e k'o ri jay je' ye'ik'atzin che re tijonik.-

Wakamin nuk'utuj kib'i' ri nima taq jay e k'o pa tinamit. Ri tijonel nuya' chwa xan ri ka'i' oxī' jay.

T. Achke rub'i' re jay re'?
Ri tijonel nuk'üt apo ri rachoch Ajaw.-
A. La jay la' rub'i' rachoch Ajaw.

K'a ri nuk'utuj chke jun tzob'aj ak'wala'.
T. Achke rub'i' re jay re'?
Ri ak'wala' nikib'ij:
A. La jay la' rub'i' rachoch Ajaw.

K'a ri nuk'utuj che xa xe jun ak'wal.
T. Achke rub'i' re jay re'?
Ri ak'wal nub'ij:
A. La jay la' rub'i' rachoch Ajaw.-

Wakamin ri tijonel nuk'üt apo chwa xan ri ak'wal xukül.

Ri tijonel nuk'utuj chi ke konojel ri ak'wala'.
T. *Achke nib'an pa rachoch ri Ajaw?*
Ri tijonel nuk'üt apo ri ak'wal xukül.-
A. *Pa rachoch ri Ajaw nib'an xukulen.*

Ri tijonel nuk'utuj chke jutzob'aj ak'wala'.
T. *Achke nib'an pa rachoch ri Ajaw?*
Ri ak'wala' nikib'ij:
A. *Pa rachoch Ajaw nib'an xukulen.*

K'a ri ri nuk'utuj che jun ak'wal.
T. *Achke nib'an pa rachoch ri Ajaw?*
Ri ak'wal nub'ij.
A. *Pa rachoch ri Ajaw nib'an xukulen.*

Wakamin ri tijonel nuk'üt apo chwa xan ri Q'atb'äl Tzij.

Achke rucholajen rub'anun pe ri tijonel che ri ch'aqa
chik tijonik ke ri nub'an che re jun ka'i' chik re'.
Wakamin nuk'üt apo ri jay Q'atb'äl Tzij.
T. *Achke rub'i' re jay re'?*
Ri ak'wala' nikib'ij:
A. *La jay la' rub'i' Q'atb'äl Tzij.*
K'a ri nuk'utuj chke jutzob'aj ak'wala'.
T. *Achke rub'i' re jay re'?*
A. *La jay la' rub'i' Q'atb'äl Tzij.*

Wakamin nuk'utuj chke ri ak'wala', rub'i' ri q'atöy tzij.-
T. *Achke rub'i' ri q'atöy tzij?*
Ri ak'wala' nikib'ij:
A. *Ri q'atöy tzij rub'i' a Marto Ajmak.*
Ke re' nuk'utuj chke jutzob'aj chuqa chi kijujunal ri
ak'wala'.
T. *Achke rub'i' re jay re'?*
Ri tijonel nuk'üt ri k'ayb'äl, ri ak'wala' nikib'ij:
A. *La jay la' rub'i' k'ayb'äl.*
K'a ri' ri nuk'utuj chke jutzob'aj ak'wala'.
T. *Achke rub'i' re jay re'?*
A. *La jay la' k'ayb'äl rub'i'.*

Wakamin ri tijonel nuk'üt ri k'ayb'äl.

Wakamin ri tijonel nuk'utuj chke ri ak'wala' ri yek'ayix
pa k'ayb'äl.

T. *Achke yek'ayix pa k'ayb'äl?*
K'a ri tijonel nuk'üt kiwachb'äl ri saq'ul,
kaxlanwäy, tra's, chuqa ri xkoya'.
Ri ak'wala' nikib'ij rub'i' ri nuk'üt ri tijonel
chi kiwäch.
A. *Pa k'ayb'äl yek'ayix saq'ul.*

T. *Achke yek'ayix pa k'ayb'äl?*
Nuk'üt ri kaxlanwäy.
A. *Pa k'ayb'äl yek'ayix kaxlanwäy.*

Wakamin ri tijonel nuk'utuj chke ri ak'wala' janipe kajäl
ri yek'ayix pa k'ayb'äl.

T. *Janipe' rajäl jun saq'ul?*
Ri ak'wala' nikib'ij:
A. *Jun saq'ul lajuj rajäl.*

T. *Janipe rajäl jun kaxlanwäy?*
Ri ak'wala' nikib'ij:
A. *Jun kaxlanwäy lajuj rajäl.*

RUJULAJ TANAJ

RUQ'AJARIK RI NIMA TAQ JAY.

NAB'EY TIJONĪK.

1. Ri na'oj tikiren retamaxik.

1.1. Najowāx chi ri ak'wal niretamaj ruq'ij ri tijob'äl .

1.2. K'atzinel chi niretamaj, chi ri pa tijob'äl niretamaj nitz'ib'an chuqa nusik'ij ruwa wuj.

2. Rucholajen ri tijonĭk.

2.1. Kikoten tzij.

Ri tijonel nunojij jun xti tzij chi kiwäch ri ak'wala' chi rija' taq xbe' pa tijob'äl yalan nikikot; k'a ri nuk'utuj chke ri ak'wala' wi rije' yekikot taq xepe pa tijonĭk.

Ri ak'wala' ützi nikib'ij pa kaxlan ch'ab'äl.

2.2. Rub'ixik ri tijonĭk.

yalan yikikot
ruloman yikikot
majun yikikot ta.

Ri tijonel nukanuj ri ye'ik'atzin chi re, chuk'utik re tijonĭk re'.

Ri tijonel nub'ij chke ri ak'wala' chi rija' janila ru-rayb'äl, janila nikikot taq xbe' pa tijob'äl.

K'a ri nuk'utuj chke ri ak'wala'.

La xixkikot rix taq xixpe pa tijob'äl?

T. Yĭn yalan yikikot pa tijob'äl.

Tib'ij iwonojel ak'wala'.

TA. Yĭn yalan yikikot pa tijob'äl .

Ri ak'wala' nikib'ij kamul oxmul.

Wakamin ri tijonel nuk'utuj chre jun ak'wal.

T. La yakikot rat pa tijob'äl?

Ri ak'wal nub'ij.

A1. Yĭn yalan yikikot pa tijob'äl

K'a ri nuk'utuj che jun chik ak'wal.-

T. La yakikot rat pa tijob'äl?

A1. Yĭn yalan yikikot pa tijob'äl.

Ri tijonel nuk'üt pa taq paj re ka'i' ox'i' tzij re'.

yi	ki	kot
ya	ki	kot
ni	ki	kot

T. Yĭn ruloman yikikot pa tijob'äl.

Tib'ij iwonojel ak'wala'.

TA. Yĭn ruloman yikikot pa tijob'äl.

Ri ak'wala' nikib'ij kamul oxmul.

Wakamin ri tijonel nuk'tuj chi re jun ak'wal.

T. La yakikot rat pa tijob'äl

Ri ak'wal nub'ij.

A1. Yĭn ruloman yikikot pa tijob'äl.

Wakamin ri tijonel nuk'üt ri tzij ruloman; nuk'üt achke nub'än che ri ruq'a' taq nub'ij ruloman.

Ka' ri nuk'utuj che jun chik ak'wal.

T. *La yakikot rat pa tijob'äl?*

A2. *Yin ruloman yikikot pa tijob'äl.*

Wakamin ri ak'wal niretamaj rub'ixik taq man nikikot ta.

T. *La yakikot rat pa tijob'äl?*

Ri ak'wal k'o chi nub'ij:

A1. *Yin man jun yikikot ta pa tijob'äl.*

K'a ri nuk'utuj che jun chik ak'wal.

T. *La yakikot rat pa tijob'äl?*

A. *Yin man jun yikikot ta pa tijob'äl.*

2.3. Ri tijonik niq'ax pa kijolon ri ak'wala'.

Ri tijonel nuq'alajirisaj chke ri ak'wala' chi:

jun nub'ij	yalan yikikot.
jun nub'ij	ruloman yikikot,
ri jun chik	majun yikikot.

Wakamin ri tijonel nuk'utuj che jun ak'wal.-

T. *La yakikot rat pa tijob'äl?*

A1. *Yin yalan yikikot pa tijob'äl.*

Nib'e rik'in jun chik ak'wal.

T. *La yakikot rat pa tijob'äl?*

A2. *Yin ruloman yikikot pa tijob'äl.*

Ninb'e rik'in jun chik ak'wal.

T. *La yakikot rat pa tijob'äl?*

A3. *Yin man jun yikikot ta pa tijob'äl.*

2.4. Rukusaxik ri tijonik.

Ri tijonel nuk'owsaj chik apo jun ak'wal, richin nub'an ri tijonik.

Ri ak'wal nitikir nuk'utuj che jun rachb'il:

A1. *La yakikot rat pa tijob'äl?*

A2. *Yin yalan yikikot pa tijob'äl.*

A2. *La yakikot rat pa tijob'äl?*

A3. *Yin ruloman yikikot pa tijob'äl.*

A3. *La yakikot rat pa tijob'äl?*

A4. *Yin man jun yikikot ta pa tijob'äl.*

RUJULAJ TANAJ

RUQ'AJARIK RI NIMA TAQ JAY.

RUKA'N TIJONĪK.

1. Ri na'oj tikiren retamaxik.

- 1.1. Najowāx chi ri ak'wal niretamaj achke roma nikikot nib'e pa tijob'āl.
- 1.2. Nirayb'āx chuqa chi tikanāj kan pa rujolon ri retaman chik jub'a'.

2. Rucholajen ri tijonik.

2.1. Kikoten tzij:

Ri tijonel yerukanuj ri ak'wala' ri yalan yetze'en, chuqa ri ruloman yekikot k'a ri nub'ān ka'i' cholaj chkichin; jucholaj ri yalan yekikot, jucholaj ri ruloman yekikot.

2.2. Rub'ixik ri tijonik.

Ri tijonel nuk'ūt rukusaxik ri tzij:

Achke roma.....
Roma ninwetamaj.....
-yitz'ib'an
-yatz'ib'an
-nitz'ib'an .

K'atzinel chi ri tijonel yerukanuj ri ye'ik'atzin che re tijonik chuqa ri samaj yeb'an.

Ri tijonel nub'ān ka'i' tzob'aj chke ri ak'wala', k'a ri nub'ij chke ri ch'aqa chik chi tikib'obj'a' jub'a' k'iq'a' chkiij ri yalan yekikot, chuqa chkiij ri ruloman yekikot.

T. *Achke roma yalan yakikot wawe'?*

Ri ak'wala' chōj nikak'axaj, k'a ri' ri tijonel nub'ij achke roma.

T. *Roma wawe' ninwetamaj yitz'ib'an.*

Wakamin tib'ij iwonojel.

TA. *Roma wawe' ninwetamaj yitz'ib'an.*

Ri ak'wala' k'atzinel chi nikib'ij kamul oxmul.-

Ri tijonel nuk'ūt pa taq paj re ka'i' oxi' tzij re'.

nin	we	ta	maj
na	we	ta	maj
ni	re	ta	maj

yi	tz'i	b'an
ya	tz'i	b'an
ni	tz'i	b'an

Ri tijonel nuk'utuj achke roma ri rija' nikikot.

Ri tijonel nuk'utuj che jun chik ak'wal.-

T. *Achke roma rat yakikot wawe'?*

Ri ak'wal nub'ij:

A. *Roma wawe' ninwetamaj yitz'ib'an.*

Wakamin ri tijonel nuk'utuj che re ak'wal re', achke roma ri rachb'il nikikot.

T. *Achke roma rija' nikikot wawe'?*

Ri ak'wal nub'ij:

A. *Rija' nikikot roma wawe' niretamaj nitz'ib'an.*

Ri tijonel wakamin nukusaj ri tzij "ruloman"

Ke re nub'ān ri tijonel niq'ax apo rik'in jun chik ak'wal.

T. *Achke roma rat ruloman yakikot wawe'?*

Ri ak'wal chōj nirak'axaj, ri tijonel nub'ij achke rub'ixik.

ruloman
yib'e pa juyu'.
yab'e pa juyu'.
nib'e pa juyu'.

ninwajo'
nawajo'
nirajo'.

2.3. Ri tijonik niq'ax pa kijolon ri ak'wala'.

2.4. Rukusaxik ri tijonik.

Wi ri ak'wal nitikir nub'ij re tzij re', nitikir k'a nukusaj
kik'in ri rach'alal ri'.

Taq utz nub'ij ri jun ak'wal k'atzinel chi ri rachb'il
nikib'obja' kiq'a'.

*T. Ruloman yikikot roma ninwajo' yib'e pa juyu'. -
Konojel ri ak'wala' nikib'ij re tzij re' kamul oxmul. -
TA. Ruloman yikikot roma ninwajo' yib'e pa juyu'. -*

Wakamin ri tijonel niq'ax apo rik'in jun ak'wal nuk'utuj
che.

T. Achke roma rat ruloman yakikot.

Ri ak'wal nub'ij:

A. Ruloman yikikot roma ninwajo' yib'e pa juyu'. -

T. Achke roma rija' ruloman nikikot?

Ri ak'wal nub'ij:

A. Rija' ruloman nikikot roma nirajo' nib'e pa juyu'. -

T. Achke roma rat yalan yakikot wawe'?

A1. Roma wawe' ninwetamaj yitz'ib'an.

Wakamin ri tijonel nuk'utuj che jun chik ak'wal.

T. Achke roma rat yalan yakikot wawe'?

A2. Roma wawe' ninwetamaj yitz'ib'an.

Wakamin ri tijonel nuk'utuj ri tzij ruloman.

T. Achke roma rat ruloman yakikot?

Ri ak'wal nub'ij:

A1. Ruloman yikikot roma ninwajo' yib'e pa juyu'. -

Ri tijonel niq'ax apo rik'in jun chik ak'wal.

T. Achke roma rat ruloman yakikot?

A2. Ruloman yikikot roma ninwajo' yib'e pa juyu'. -

RUJULAJ TANAJ

RUQ'AJARIK RI NIMA TAQ JAY.

ROX TIJONĪK.

1. Ri na'oj tikiren retamaxik.

- 1.1. Najowāx chi ri ak'wal niretamaj ruq'ajarik ri yatikir nasik'ij ruwäch wuj.
- 1.2. Nirayb'āx chuqa' chi ri ak'wal niretamaj chi jun chik wi b'a' rucholajen ri kaqchikel pa ruwi' re tzij re'.

2. Rucholajen ri tijonik.

2.1. Kikoten tzij:

Ri tijonel nub'an jun xti etz'anin kik'in ri ak'wala', ri etz'anin rub'i' "RI XTIMOY", nutz'apej runaq' ruwa jun ak'wal, k'a ri nuk'utuj che achke rub'i' ri nuchöp ri tijonel.

Ri tijonel k'atzinel yerunoij ri achke samaj yeb'an, chuqa ri ye'ik'atzin ri pa tijonik.

Ri tijonel niroyoj jun ak'wal, k'a ri nutz'apej runaq' ruwa, taq xutz'apej yan runaq' ruwa nuk'utuj che, achke rub'i' re nuchapon (rija' nuchöp jun wuj, tz'ib'ab'äl, ch'akät).-

Taq man jun niril ta rub'i' ri ruchapon k'a ri nuq'alajirisaj chi taq jun winäq man retaman ta nusik'ij ruwa wuj, xa junan rik'in jun winäq ri moy pa ruk'asle.

2.2. Rub'ixik ri tijonik.

Ri tijonel nab'ey nuk'üt:

- Ri wuj, k'a ri' ri
- Ruwäch wuj, pa rox ri tzij
- Ninsik'ij.-

T. Achke rub'i' re'.

Ri ak'wala' nikib'ij.

A. Wuj.

Jun b'äy chik.

T. Achke rub'i' re'?

Ri ak'wala' nikib'ij konojel.

A. Wuj.

Wakamin nuk'üt ri tzij "RUWÄCH WUJ".-

Ri tijonel nuk'üt achoq che nib'ix ruwäch wuj.

T. Ja re' rub'i': ruwäch wuj.

T. Wakamin tib'ij iwonojel, ruwäch wuj.

A. Ruwäch wuj.

Jun b'äy chik.

A. Ruwäch wuj.

Eqal jub'a' rub'ixik:

T. Ruwäch wuj.

A. Ruwäch wuj.

Wakamin nuk'üt ri tzij ninsik'ij, re q'alajisanik re' üt nub'an pa kaxlan ch'ab'äl.

T. Wakamin iwonojel ak'wala' tib'ij ri tzij, ninsik'ij.-

A. Ninsik'ij, ninsik'ij, ninsik'ij.-

Taq xketamaj yan ri ak'wala' re tzij re', wakamin nikib'ij pa jun b'äy.

T. Ninsik'ij ruwäch wuj.
Wakamin qonojel niqab'ij:
TA. Ninsik'ij ruwäch wuj.

Jun b'äy chik.
TA. Ninsik'ij ruwäch wuj.
TA. Ninsik'ij ruwäch wuj.

2.3. Ri tijonik niq'ax pa kijolon ri ak'wala'.

Ri tijonel wakamin nuk'utuj chke ri ak'wala.-
T. Achke nawetamaj wawe' rat?
Ri ak'wal chöj nirak'axaj, k'a ri' ri tijonel
nub'ij ri achke rub'ixik.-
T. Ninwetamaj ninsik'ij ruwäch wuj.

K'a ri niq'ax chik apo rik'in jun ak'wal.
T. Achke nawetamaj wawe' rat?
A1. Ninwetamaj ninsik'ij ruwäch wuj.

Niq'ax rik'in jun chik ak'wal.
T. Achke nawetamaj wawe' rat?
A2. Ninwetamaj ninsik'ij ruwäch wuj.

2.4. Rukusaxik ri tijonik.

Ri ak'wal nitikir nuk'utuj che jun rachb'il.

A1. Achke nawetamaj wawe' rat?
A2. Ninwetamaj ninsik'ij ruwäch wuj,

A2. Achke nawetamaj wawe' rat?
A3. Ninwetamaj ninsik'ij ruwäch wuj.

A3. Achke nawetamaj wawe' rat?
A4. Ninwetamaj ninsik'ij ruwäch wuj.

RUJULAJ TANAJ

RUQ'AJARIK RI NIMA TAQ JAY.

RUKAJ TIJONĪK.

1. Ri na'oj tikiren retamaxik.

- 1.1. Najowāx chi ri ak'wal niretamaj chi ri pa tijob'āl jay niretamaj nib'ixan, netz'an.
- 1.2. Nirayb'āx chuqa rukusaxik ri tzij "ninrayij".-

2. Rucholajen ri tijonik.

2.1. Kikoten tzij:

Ri tijonel nub'ij chke ri ak'wala' chi tikib'ixaj jun b'ix ri ketaman, stape' pa kaxlan ch'ab'āl.

2.2. Rub'ixik ri tijonik.

Ri tzij niketamaj ri ak'wala'.

ninrayij
narayij
nurayij
yib'ixan
yab'ixan
nib'ixan

Ri tijonel nub'ān ruwachb'āl chi nitz'ib'an, nub'ān ruwachb'āl chi nib'ixan chuqa nub'ān ruwachb'āl chi netz'an.

Konojel ri ak'wala' chuqa nikib'ān achi'el yetz'ib'an, achi'el yeb'ixan chuqa achi'el ye'etz'an.-

2.3. Ri tijonik niq'ax pa kijolon ri ak'wala'.

Ri tijonel k'atzinel chi nukanuj jun b'ix ri ketaman ri ak'wala', chuqa ri samaj yeb'an ri pa tijonik.

Ri tijonel nub'ij chke ri ak'wala' wakamin qonojel niqab'ixaj jun b'ix; ri b'ix ja ri ak'wala' yekanun.

Ri tijonel rik'in ri ak'wala' nikib'ixaj jun xti b'ix ko'öl ök, xa xe ri xti jeb'āl ök.-

Ri tijonel nuk'üt ri tzij:
ninrayij.

T. Ak'wala' iwonojel tib'ij:

T. Ninrayij.

Ri ak'wala' nikib'ij.

A. Ninrayij.

Ri ak'wala' nikib'ij kamul oxmul.

T. Yīn ninrayij yitz'ib'an.

Nub'ān achi'el nitz'ib'an.

T. Yīn ninrayij yib'ixan.

Nub'ān achi'el nib'ixan.

T. Yīn ninrayij yinetz'an .

Nub'ān achi'el netz'an.

Konojel ri ak'wala' nikib'ij kamul oxmul re tzij re', k'a nik'uje' na kan pa kijolon.

Taq nuk'utuj ri tijonel, nub'ān apo ruwachb'āl ri achke nirajo' rija'nikib'ij pe ri ak'wala'.

T. Achke narayij nab'ān rat?

—ncha' che jun ak'wal.

Ri ak'wala' k'o chi nikib'ij pe.

A1. Yīn ninrayij yitz'ib'an.

T. Achke narayij nab'än rat?
-ncha' che jun chik ak'wal.
Nub'än rachb'äl achi'el nib'ixan.
A2. Yin ninrayij yib'ixan.

K'a ri niq'ax apo rik'in jun chik.
T. Achke narayij nab'än rat?
Nub'än ruwachb'äl ri etz'anin.

k'a ri niq'ax apo rik'in jun chik.
T. Achke niyariij nab'än rat?
Nub'än ruwachb'äl ri etz'anin.
A3. Yin ninrayij yinetz'an.

2.4. Rukusaxik ri tijonik.

Ri ak wala' yetik'r nikikusaj re tzij re' kik'in ri rachb'il.

A1. Achke narayij nab'än rat?
A2. Yin ninrayij yita'ib'an.

A2. Achke narayij nab'än rat?
A3. Yin ninrayij yib'ixan.

A3. Achke narayij nab'än rat?
A4. Yin ninrayij yinetz'an.

Ke re eqal niq'ax nib'e ri k'utunik chi kiwäch ri ak'wala'.

RUJULAJ TANAJ

RUQ'AJARIK RI NIMA TAQ JAY.

RO' TIJONĪK.

1. Ri na'oj tikiren retamaxik.

1.1. Chupan re jun tijonĭk re' ri ak'wal nunataj ri retaman pe ri oxi' kaji' q'ij.-

1.2. Chuqa najowāx chi ri ak'wal niretamaj jun xti tzij pa ruwi ri rutijob'aL.-

2. Rucholajen ri tijonĭk.

2.1. Kikoten tzij:

Wakamin ri tijonel nuk'utuj chke ri ak'wala' achke xketamaj ri oxi' kaji' q'ij tijonĭk kik'ulun pe.

Ri tijonel k'atzinel chi yerukanuj ri ye'ik'atzin, chuqa ri samaj yeb'an pa tijonĭk.-

Ri tijonel nuk'utuj chke ri ak'wala'.

La yekikot ri pa tijob'äl?

La yalan yekikot ri pa tijob'äl?

La ruloman yekikot ri pa tijob'äl?

La man jun yekikot ta ri pa tijob'äl?

2.2. Rub'ixik ri tijonĭk.

Ri tzij ri nuk'utuj ri tijonel ja re'.

T. La yakikot ri pa tijob'äl rat?

A1. Yin yalan yikikot pa tijob'äl.

Achke roma yalan yakikot?

Achke roma ruloman yakikot?

Achke nawetamaj wawe'?

T. Rat a Lucho:

Achke nawetamaj pa tijob'äl?

A2. Yin ninwetamaj yitz'ib'an.

T. Rat a Chepe.

Achke nawetamaj ri pa tijob'äl?

A3. Yin ninwetamaj yib'ixan.

T. Rat a Xwan.

Achke nawetamaj ri pa tijob'äl?

A4. Yin ninwetamaj yinetz'an.

Ri tijonel xq'ax chĭk apo rik'in jun ak'wal, k'a ri nuk'utuj che.

T. Achke roma rat yalan yakikot re pa tijob'äl?

A5. Roma ninwetamaj ninsik'ij ruwäch wuj.

Wakamin ri tijonel nirajo' nuk'üt jun xti mokaj tzij chi kiwäch ri ak'wala'.

Re xti tzij k'atzinel chi niketamaj ri ak'wala'.

Ri tijonel nab'äy nuk'üt re mokaj re'.

Ri kikoten

Yin yalan yikikot.

Pa tijob'äl.

Yin yalan yikikot

Pa tijob'äl.

Ri kikoten

Yin yalan yikikot pa tijob'äl.

Kamul nikib'ij ri ak'wala'.

Yin yalan yikikot pa tijob'äl.

Roma:
Ninwetamaj yitz'ib'an,
ninwetamaj yib'ixan,
ninwetamaj yinetz'an.

Chuqa ninwetamaj ninsik'ij ruwäch wuj.

Roma k'a ri':
Y'in yalan yikikot,
Rat yalan yakikot,
Rija' yalan nikikot.

2.3. Ri tijon'ik niq'ax pa kijolon ri ak'wala'.
Wi xketik'ir xtikib'ij ri ak'wala' re jun xti tzij re', nib'obj'äx
q'ab'aj chi kij.-

2.4. Rukusaxik ri tijon'ik.
Rik'in ri xti tzij xtiketamaj ri ak'wala' chuqa niq'ax pa
kijolon ri nikib'ij, yetik'ir k'a nikikusaj rik'in ri kite'
kitata', chuqa rik'in ri kachb'il.

Taq xketamaj yan re' nuk'üt.

Roma:
Ninwetamaj yitz'ib'an,
ninwetamaj yib'ixan,
ninwetamaj yinetz'an.

K'a ri ri ak'wala' niketamaj chuqa ninwetamaj, ninsik'ij
ruwäch wuj.

Pa ruk'isib'äl ri ak'wala' niketmaj, roma k'a ri'.
Y'in yalan yikikot.
Rat yalan yakikot.
Rija' yalan nikikot.

Jutzob'aj ak'wala' nikib'ij ri nab'äy mokaj tzij.-

Ri ruka'n tzob'aj ak'wala' nikib'ij ri ruka'n mokaj tzij.-

Ri rox tzob'aj ak'wala' nikib'ij ri ka'i' xtaq mokaj ruk'is-
ib'äl.

k'atzinel chi ri tijoxela' niketamaj ronojel ri xti tzij.

RUKAB'LAJ TANAJ

RUQ'AJARIK RI NIMAQ'IJ JE'

NAB'EY TIJONĪK.

1. Ri na'oj tikiren retamaxik.

1.1. Najowāx chi ri ak'wal niretamaj kib'i' jun ka'i' oxi' nimaq'ij ri pa qatinamit.

1.2. Nirayb'āx chuqa chi ri ak'wal niretamaj achke nimaq'ij taq niloq' rutzyaq.-

2. Rucholajen ri tijonĭk.

2.1. Kikoten tzij:

Ri tijonel nuk'utuj chke ri ak'wala' achke kib'i' ri nimaq'ij yek'owsāx ri pa tinamit, ri ak'wala' yekib'ij k'iy kib'i' pa kaxlan ch'ab'āl.

2.2. Rub'ixik ri tijonĭk .

Ri tijonel nuq'alajirisaj chkiwāch ri ak'wala' chi man ronojel ta ri nimaq'ij k'o rub'ixik pa ch'ab'āl kaqchikel.-

Kib'i' jun ka'i' nimaq'ij:

Alaxib'āl	Navidad
Loq'olāj Q'ij	Samana Santa
Runimaq'ij Qatinamit	La fiesta del pueblo.

Ri tijonel yerukanuj ri ye'ik'atzin che ri tijonĭk chuqa ri samaj yeb'an .

Ri tijonel ūtz nuk'utuj chke ri ak'wala' pa kaxlan ch'ab'āl kib'i' ri nimaq'ij.-

K'atzinel chi ri tijonel nub'ān oxi' wachb'āl; jun richin ri alaxib'āl, jun richin Loq'olāj Q'ij, ri jun chĭk runimaq'ij qatinamit.-

Ri tijonel nuya' chwa xan ri nimaq'ij Alaxib'āl.

T. *Re' rub'i' Alaxib'āl; tib'ij iwonojel akwala' Alaxib'āl.-*

A. *Alaxib'āl, Alaxib'āl.-*
Jun b'ey chĭk.

A. *Alaxib'āl.-*
a-la-xi-b'āl
alaxib'āl

Ri ak'wala' nikib'ij kamul oxmul.

Ri tijonel nuya' chwa xan ri nimaq'ij Loq'olāj Qij.-

T. *Re nimaq'ij re' rub'i':*
Loq'olāj Q'ij.

T. *Tib'ij iwonojel: Loq'olāj Q'ij.*

A. *Loq'olāj Q'ij, Loq'olāj Q'ij.*

Ri ak'wala' nikib'ij kamul oxmul.

Eqal rub'ixik re tzij re'.

lo	q'o	lāj	q'ij
lo	q'o	lāj	q'ij

Wakamin ri tijonel nuya' chwa xan ri Runimaq'ij qatinamit.

T. *Re nimaq'ij re' rub'i':*
Runimaq'ij qatinamit.

T. *Tib'ij iwonojel:*
runimaq'ij qatinamit.

A. *Runimaq'ij qatinamit.*

2.3. Ri tijonik niq'ax pa kijolon ri ak'wala'.

K'atzinel chi ri ak'wala' nikib'ij kamul oxmul.-
Chuqa ützi nikib'ij eqal ök, chi paj chi paj.
ru-ni-ma-q'ij qa-ti-na-mit.
nikib'ij kamul oxmul re tzij re'.

T. Achke rub'i' re nimaq'ij re'?

Ri tijonel nuk'üt apo ri wachb'äl k'o alaxib'äl chwäch.
Ri ak'wal nub'ij:

A1. Alaxib'äl rub'i'.

Ri tijonel niq'ax apo rik'in jun chik ak'wal.

T. Achke rub'i' re nimaq'ij re'?

A2. Alaxib'äl rub'i'.

T. Achke rub'i' re nimaq'ij re'?

Ri tijonel nuk'üt apo ri nimaq'ij Loq'oläj
Q'ij. Ri ak'wal nub'ij:

A3. Loq'oläj q'ij rub'i'.

T. Achke rub'i' re nimaq'ij re'?

Ri tijonel nuk'üt ri Loq'oläj Q'ij.

A4. Loq'oläj Q'ij.

2.4. Rukusaxik ri tijonik.

Wakamin ützi niq'ax apo ri ak'wal richin ja rija' nib'anun
ri k'utunik.

Wakamin ri tijonel nuk'üt ri runimaq'ij ri tinamit.

T. Achke rub'i' re nimaq'ij re'?

Konojel ri ak'wala' nikib'ij:

A. Runimaq'ij qatinamit.

Jun b'ey chik.

A. Runimaq'ij qatinamit.

A1. Achke rub'i' re nimaq'ij re'?

Konojel nikib'ij:

A. Alaxib'äl rub'i'.

Wakamin niq'ax apo jun chik ak'wal.

A2. Achke rub'i' re nimaq'ij re'?

A. Loq'oläj Q'ij rub'i'.

Niq'ax chik apo jun ak'wal.

A3. Achke rub'i' re nimaq'ij re'?

A. Runimaq'ij qatinamit.

Ke re niq'ax nib'e ri k'utunik.

A4.A5.....

RUKAB'LAJ TANAJ

RUQ'AJARIK RI NIMAQ'IJ JE'.

Ruka'n tijonik.

1. Ri na'oj tikiren retamaxik.

1.1. Najowāx chi ri ak'wal niretamaj ruq'ij ri nimaq'ij alaxib'äl.-

1.2. Chuqa niretmaj ri ak'wal chi taq noqa re nimaq'ij re' yeb'an sipanik.

2. Rucholajen ri tijonik.

2.1. Kikoten tzij:

Ri tijonel nuk'utuj chke ri ak'wala' achke nisipāx che jun xti ala' taq noqa ri alaxib'äl, chuqa achke nisipāx che jun xti xtän.

Re tzij re' üt nib'an pa kaxlan ch'ab'äl.

Ri tijonel yerukanuj ri ye'ik'atzin che ri tijonik chuqa ri samaj nub'än.-

Ri tijonel nuk'utuj:

Achke nisipāx che ri xti ala'.

K'a ri nuk'utuj:

Achke nisipāx che jun xti xtän.

2.2. Rub'ixik ri tijonik.

Ri tzij ye'etamāx:

Achke rub'i' re'?

La rub'i'.....

ch'ich'	carro
ala's	muñeca
kamxa'	camisa
-wex	pantalón
b'uküt	zapato
po't	güipil
uq	corte
etz'ab'äl	juguete

ninlōq'

nalōq'

nulōq'

Ri tijonel nukanuj el jun ka'i' ruwäch ri etz'ab'äl.

Ri tijonel nub'ij chke ri ak'wala':

Ja re' rub'i':

ch'ich'	(ri ak'wala' nikib'ij kamul oxmul).
ala's	(Nib'ix kamul oxmul).
kamxa'	(Nib'ix kamul oxmul).
wex	(Nib'ix kamul oxmul).
b'uküt	(Nib'ix kamul oxmul).
po't	(Nib'ix kamul oxmul).
uq	(Nib'ix kamul oxmul).
etz'ab'äl	(nib'ix kamul oxmul).

Wi nutz'ät ri tijonel chi k'o jun tzij ri k'ayew b'a rub'ixik, k'atzinel chi eqal jub'a' nub'ij chuqa k'iy mul nub'ij chke ri ak'wala'.

Achi'el ri tzij:

Ch'ich', ala's, b'uküt, po't, uq, etz'ab'äl.

T. Achke rub'i' re etz'ab'äl re'?

Ri ak'wala' k'o chi nikib'ij ri nuk'üt ri tijonel.

A. Re etz'ab'äl re rub'i' ch'ich'.

T. Achke rub'i' re etz'ab'äl re'?

Ri tijonel nuk'üt ri xti ala's.

A. Re etz'ab'äl re' rub'i' ala's.

T. Achke rub'i' re' (Nuk'üt ri b'uküt)

A. Re rub'i' b'uküt.

Wakamin ri tijonel nuk'üt ri tzij –sipaj.-
 Achke nusipaj ri atata' chawe?
 Ri nata' nusipaj jun.....chwe.

T. Achke rub'i' re'? (Nuk'üt ri wex).
A. Re rub'i' wex.

T. Achke rub'i' re'? (Nuk'üt ri po't)
A. Re rub'i' po't.

Konojel ri ak'eala' niketamaj ri tzij ninsipaj, nasipaj,
 nusipaj.

Wakamin ri tijonel nuk'utuj chke ri akwala'.

K'a ri ri niketamaj re tzij re':
 Yin nisipaj jun ala's.
 Rat nasipaj jun cu'ich'
 Rija' nusipaj jun po't.

T. Achke nasipaj rat pan Alaxib'äl?
 Ri ak'wal k'o chi nub'ij pe:
A1. Yin nisipaj jun ala's.

Ri tijonel nuk'utuj che ri jun chik ak'wal.
T. Achke nasipaj rata pan Alaxib'äl?
 Ri ak'wal nub'ij pe.
A2. Yin ninsipaj jun ch'ich'.

2.3. Ri tijonik niq'ax pa kijolon ri ak'wala'.
 Wakamin ri tijonel nuk'utuj che ri ak'wal, achke nusipaj
 rija', chuqa achke nusipaj ri rachb'il.-

Ri tijonel nuk'utuj che jun chik ak'wal.
T. Achke nasipaj rat pan Alaxib'äl?
 Ri ak'wal nub'ij pe.
A3. Yin ninsipaj jun po't.

T. Achke nasipaj rat pan Alaxib'äl?
 Ri ak'wal nub'ij pe:
A1. Yin ninsipaj jun ch'ich'.

2.4. Rukusaxik ri tijonik.
 Wakamin ja ri tijonel ja ri nik'utun.-

Wakamin ri tijonel nuk'utuj achke nusipaj ri rachb'il.
T. Achke nusipaj rija'?
A1. Rija' nusipaj jun ala's.

Ri tijonel niq'ax chik apo rik'in jun ak'wal.
T. Achke nasipaj rat pan Alaxib'äl?
A2. Yin ninsipaj jun kamxa'.

K'a ri nuk'utuj che achke nusipaj ri rachb'ij.
T. Achke nusipaj rija'?
A2. Rija' nusipaj jun etz'ab'äl.

A1. Achke rub'i' re'?
 Ri ak'wal nuk'üt ri wex.
A2. La rub'i' wex.

Wakamin ja ri ka'i' rajlab'aj ja ri nik'utun.
A2. Achke rub'i' re'?
 Ri ak'wal nuchöp ri nuk'utuj.
A3. Re rub'i' uq.

A3. Achke rub'i' re'? (nuk'üt apo ri b'uküt)
A4. Re' rub'i' b'uküt.

Wakamin ri ak'wal nukusaj ri tzij sipanik.

A4. Achke nasipaj rat pan Alaxib'äl?

A5. Yin ninsipaj jun po't.

A5. Achke nasipaj rat pan alaxib'äl?

A6. Yin ninsipaj jun ch'ich'.

Wi k'a k'o b'a ri ramaj, eqal nikib'ij chi kijujunal ri ak'wala'.



RUKAB'LAJ TANAJ

RUQ'AJARIK RI NIMAQ'IJ JE'

Rox tijonik.

1. Ri na'oj tikiren retamaxik.

1.1. Najowäx chi ri ak'wal niretamaj ruq'ij ri Loq'oläj Q'ij.

1.2. Niretamaj chuqa ri ak'wal ri kinojib'al, kib'anob'al ri winäq chupan ri Loq'oläj Q'ij.

2. Rucholajen ri tijonik.

2.1. Kikoten tzij:

Ri tijonel nuya' chwa xan jun wachib'al ri akuchi' nitz'et
ri Loq'oläj Q'ij; k'a ri' nuk'utuj chke ri ak'wala' achke
yekib'än ri winäq chupan re q'ij re'.

2.2. Rub'ixik ri tijonik.

Ri tijonel wakamin yeruk'üt re jun ka'i' tzij re':

Achke nitij ri pa Loq'oläj Q'ij?

Achke nib'an ri pa Loq'oläj Q'ij?

Ri tijonel nuk'üt rub'ixik rub'i' ri: Loq'oläj Q'ij,

Kär,
saqmolo',
kaxlanwäy

Ri tijonel nukanuj jun wuj ri akuchi' nitz'et wi ri Loq'oläj
Q'ij; k'a ri nuk'utuj chke ri ak'wala'.

Achke nitz'ät chwäch re wuj ak'wala'?

Achke nib'an chupan ri Loq'oläj Q'ij.

T. Ri pa Loq'oläj Q'ij nitij kär.

Ri ak'wala' k'o chi nikib'ij kamul oxmul re
tzij nub'ij ri tijonel.

A. Ri pa Loq'oläj Q'ij nitij kär.

T. Jun b'ey chik.

A. Ri pa Loq'oläj Q'ij nitij kär.

<i>T.</i>	<i>Lo</i>	<i>q'o</i>	<i>läj</i>	<i>Q'ij</i>
	<i>Lo</i>	<i>q'o</i>	<i>läj</i>	<i>Q'ij</i>
	<i>Lo</i>	<i>q'o</i>	<i>läj</i>	<i>Q'ij</i>

Ri tijonel nub'än re jun xti samaj re':

<i>q'a</i>	<i>laj</i>	<i>q'aj</i>
<i>q'o</i>	<i>loj</i>	<i>q'oj</i>
<i>q'i</i>	<i>lij</i>	<i>q'ij</i>
<i>q'u</i>	<i>luj</i>	<i>q'uj</i>
<i>q'e</i>	<i>lej</i>	<i>q'ej</i>

Nujunumaj chuqa re ka'i' taq tzij re':

<i>laj</i>	<i>läj</i>	<i>lej</i>
<i>kaj</i>	<i>kär</i>	<i>ker</i>

T. Achke nitij re pa Loq'oläj Q'ij?

Ri ak'wala' k'o chi nikib'ij.

A. Ri pa Loq'oläj Q'ij nitij kär.

T. Achke nitij ri pa Loq'oläj Q'ij?

Ri tijonel nuk'üt ri saqmolo'.

A. Ri pa Loq'oläj Q'ij nitij saqmolo'.

T. Achke nitij ri pa Loq'oläj Q'ij?

Ri tijonel nuk'üt kaxlanwäy.

A. Ri pa Loq'oläj Q'ij nitij kaxlanwäy.

Ri tijonel nuk'utuj chke ri ak'wala'.

Ri tijonel nuk'üt ruq'ij ri Loq'oläj Q'ij.

Ri tzij:
xukulen,
rachoch Ajaw.

Achke nib'an pa....
Pa....nib'an xukulen.

Ak'uchi' nib'an ri....
R. nib'an pa rachoch Ajaw.

2.3. Ri tijonik niq'ax pa kijolon ri ak'wala'.

Wi ri ak'wal nitikir nub'an re achke nub'ij ri tijonel che,
nitikir k'a nukusaj ri tijonik kik'in ri winaqi' ri'.

K'atzinel chi ri ak'wala' nikib'ij kamul oxmul re jun ka'it
tzij nik'ut chi kiwäch.

Taq nuk'üt re tijonel re tzij re' k'o chi nixuke' jub'a'.

Ri ak'wala' nikib'ij:

T. Ri pa Loq'oläj Q'ij nib'an xukulen.

K'o chi nikib'ij kamul oxmul.

TA. Ri pa Loq'oläj Q'ij nib'an xukulen.

T. Achke nib'an ri pa Loq'oläj Q'ij?

Konojel ri ak'wala' nikib'ij:

A. Ri pa Loq'oläj Q'ij nib'an xukulen.

T. Achke nib'an ri pa Loq'oläj Q'ij?

A. Ri pa Loq'oläj Q'ij nib'an xukulen.

Wakamin ri tijonel nuk'utuj ak'uchi' nib'an ri xukulen.

T. Ak'uchi' nib'an ri xukulen?

Konojel ri ak'wala' k'o chi nikib'ij.

A. Ri xukulen nib'an pa rachoch Ajaw.

K'atzinel chi tib'ix kamul oxmul re tzij re'.

T. Achke rub'i' re nimaq'ij re'?

Ri ak'wala' k'o chi nikib'ij.

A. La nimaq'ij la' rub'i', Loq'oläj Q'ij.

T. Achke nitij ri pa Loq'oläj Q'ij?

(Ri tijonel nuk'üt ri kār).

Ri ak'wala' k'o chi nikib'ij.

A. Ri pa Loq'oläj Q'ij nitij kār.

T. Achke nitij ri pa Loq'oläj Q'ij?

(nuk'üt ri saqmolo').

A. Ri pa Loq'oläj Q'ij nitij saqmolo'.

T. Achke nitij ri pa Loq'oläj Q'ij?

(nuk'üt ri kaxlanwäy).

A. Ri pa Loq'oläj Q'ij nitij kaxlanwäy.

T. Achke nib'an ri pa Loq'oläj Q'ij?

(ri tijonel nixuke' qa)

Ri ak'wala' k'o chi nikib'ij.

A. Ri pa Loq'oläj Q'ij nib'an xukulen.

T. Ak'uchi' nib'an ri xukulen pa Loq'oläj Q'ij?

(ri tijonel nuk'üt ri rachon Ajaw).

A. Ri xukulen nib'an pa rachoch Ajaw.

Ri tijonel k'o chi nuq'alajirisaj chi ri pa Loq'oläj Q'ij yalan nīm ruq'ij, richin ajowab'äl, richin kemelab'äl, richin k'awomab'äl ri k'aslen pa ruq'a' ri Ajaw.-

RUKAB'LAJ TANAJ

RUQ'AJARIK RI NIMAQ'IJ JE'.

Rukaj tijonik.

1. Ri na'oj tikiren retamaxik.

1.1. Ri ak'wal nitik'ir nutzijo' achke nimaq'ij ta niloq' rutzyaq.

1.2. Ri ak'wal niretamaj ri tzij "jotöl" chuqa ri "qajnäq rajäl".-

2. Rucholajen ri tijonik

2.1. Ri tijonel nuk'utuj chke ri ak'wala' janipe taq xloq' ri kitzyaq, ri ak'wala' nikib'ij pa kaxlan tzij taq xloq' ri kitzyaq.

Ri tijonel nuk'utuj chuqa achke niloq'on ri kitzyaq.

2.2. Rub'ixik ri tijonik.

Ri tzij niketamaj ri ak'wala'

Achke niloq'on ri atzyaq?
Ri nutzyaq nulöq'.....
Janipe' rajäl ri awex?
Ri nuwex rajäl.....
La jotöl rajäl ri awex?
La jotöl rajäl ri akamxa'?
Achke nimaq'ij taq niloq' ri atzyaq?

Ri tijonel k'atzinel nunataj ri ajlab'äl.

wo'o' manq'uq'	(Q 5.00)
lajuj manq'uq'	(Q 10.00)
wolajuj manq'uq'	(Q 15.00)
juk'al manq'uq'	(Q20.00)

Ri tijonel nuk'üt ri tzij jotöl rajäl.

Ri tijonel nukanuj ri ye'ik'atzin chi re, chuqa ri samaj yerub'än chupan ri tijonik.

Ri tijonel nuk'utuj chke ri ak'wala' kib'i' ri nimaq'ij pa tinamit.

Alaxib'äl
Loq'oläj Q'ij
Runimaq'ij qatinamit.

Ri tijonel nuk'üt chi kiwäch ri ak'wala' ri tzij.

T. *Ri nutzyaq nulöq' nata'.*
Konojel ri ak'wala' nikib'ij.
A. *Ri nutzyaq nulöq' nata'.*

Wakamin ri tijonel nuk'utuj.

T. *Achke niloq'on ri atzyaq?*
Ri ak'wala' k'o chi nikib'ij.
A. *Ri nutzyaq nulöq' nata'.*
Ri ak'wala' nikib'ij kamul oxmul.

Wakamin ri tijonel nuk'utuj .

T. *Janipe' rajäl ri awex?*
Ri ak'wal k'o chi nub'ij pe.
A. *Ri nuwex yuk'al manq'uq' rajäl.*
Ri ak'wala' nikib'ij kamul oxmul re tzij re'.

T. *La jotöl rajäl ri awex?*
Ri ak'wal k'o chi nub'ij ja'.
A1. *Ja', jotöl rajäl ri nuwex.*
Ri tijonel nuk'utuj chke jun ka'i' oxi' ak'wala'.

T. *La jotöl rajäl ri awex?*
A2. *Ja', jotöl rajäl ri nuwex.*

Wakamin nikikusaj ri tzij qajnäq rajäl.

T. La jotöl rajäl ri akamxa'?

Ri ak'wal k'o chi nub'ij manäq.

A1. Manäq, ri nukamxa' qajnäq rajäl.

Ri tijonel nuk'utuj chke jun ka'i' oxi' ak'wala'.

T. La jotöl rajäl ri akamxa' ?

A2. Manäq, ri nukamxa' qajnäq rajäl.

T. Achke nimaq'ij niloq' atzyaq?

Ri ak'wal k'o chi nub'ij.

A1. Yin niloq' nutzyaq pa runimaq'ij qatinamit.

Ri tijonel nuk'utuj achke nimaq'ij taq niloq' rutzyaq ri ak'wal.-

Ri tijonel niq'ax apo rik'in jun chik ak'wal.

T. Achke nimaq'ij niloq' atzyaq?

A2. Yin niloq' nutzyaq pa runimaq'ij qatinamit.

T. Achke nimaq'ij niloq' atzyaq?

A3. Yin niloq' nutzyaq pa runimaq'ij qatinamit.

T. Achke niloq'on ri atzyaq?

A1. Ri nutzyaq nulöq' nata'.

2.3. Ri tijonik niq'ax pa kijolon ri ak'wala'.
Ri tijonel wakamin nuk'utuj chke xa b'a chke ak'wal.

Niq'ax apo rik'in jun chik ak'wal.

T. Achke niloq'on ri atzyaq rat?

A2. Ri nutzyaq nulöq' nata'.

T. Janipe' rajäl ri awex?

A3. Ri nuwex juk'al manq'uq' rajäl.

T. Janipe' rajäl ri akamxa'?

A4. Ri nukamxa' lajuj manq'uq' rajäl.

T. La jotöl rajäl ri awex?

Ri ak'wal k'o chi nub'ij ja'.

A5. Ja', jotöl rajäl ri nuwex.

T. La jotöl rajäl ri akamxa'?

Ri ak'wal k'o chi nub'ij manäq.

A6. Manäq, ri nukamxa' qajnäq rajäl.-

T. Achke nimaq'ij niloq' atzyaq rat?

Ri ak'wal k'o chi nub'ij.

A7. Yin niloq' nutzyaq pa runimaq'ij qatinamit.

T. Achke nimaq'ij niloq' atzyaq rat?

A8. Yin niloq' nutzyaq pa runimaq'ij qatinamit

2.4. Rukusaxik ri tijonik.

Wakamin ja ri ak'wal niq'ax apo richin nub'an ri k'utunik chke ri rachb'il.-

A1. Achke niloq'on ri atzyaq rat?

A2. Ri nutzyaq nulöq' nata'.

A2. Achke niloq'on ri awex rat?

A3. Ri nuwex nulöq' nata'.

Ke re nib'an, ützeqal eqal ri ak'wala' yeq'ax apo richin nikib'an ri k'utunik chke ri kachb'il.

RUKAB'LAJ TANAJ

RUQ'AJARIK RI NIMAQ'IJ JE'.

Ro' tijonik

1. Ri na'oj tikiren retamaxik.

1.1. Ri ak'wal nunataj ri jun ka'i' oxi' tijonik retaman pe.

1.2. K'atzinel chuqa chi üt'z rub'ixik nub'an ri ak'wal chke ri tzij xeretamaj yan.

2. Rucholajen ri tijonik.

2.1. Kikoten tzij:

Ri tijonel nuya' chwa xan jun ka'i' ri wachb'äl richin ri Alaxib'äl, Loq'oläj Q'ij chuqa runimaq'ij qatinamit.

Ri ak'wala' nikitzijoj ri nikitz'ät apo chwäch ri wuj.

2.2. Rub'ixik ri tijonik.

Ri tijonel nuk'utuj pa taq tzob'aj ri tzij.

Jutzob'aj nikib'ij pe ri alaxib'äl.

Jutzob'aj nikib'ij pe ri Loq'oläj Q'ij.

jutzob'aj nikib'ij pe ri runimaq'ij qatinamit.

2.3. Ri tijonik niq'ax pa kijolon ri ak'wala'.

Achke jun chik ri.....

Qué otro se.....

Runataxik ri tzij sipanik.

Runataxik ri tzij:

Janipe' rajäl

Ri tijonel nukanuj ri ye'ik'atzin chupan re tijonik re'.

Ri tijonel nuk'utuj chke ri ak'wala'.

Kib'i' ri nimaq'ij taq nib'an sipanik, achke nimaq'ij taq nitij kär, achke nimaq'ij taq niloq' kitzyaq, janipe' rajäl jun wex, jun kamxa',.....

Ri tijonel nub'ij chke ri ak'wala'.

T. Achke kib'i' ri nimaq'ij pa qatinamit.

Ri ak'wala' k'o chi nikib'ij pe kib'i' ri nimaq'ij.

A. Alaxib'äl, Loq'oläj Q'ij, chuqa ri runimaq'ij qatinamit.

T. Achke nitij ri pa Loq'oläl Q'ij?

A. Pa Loq'oläj Q'ij nitij kar.

T. Achke jun chik nitij pa Loq'oläj Q'ij?

A. Pa Loq'oläj Q'ij nitij saqmolo'.

T. Achke jun chik nitij ri pa Loq'oläj Q'ij?

A. Pa Loq'oläj Q'ij nitij kaxlanwäy.

T. Achke nasipaj rat pan Alaxib'äl?

Ri ak'wal k'o chi nub'ij pe.

A1. Yin ninsipaj jun ch'ich'.

Ri tijonel nuk'utuj che jun chik ak'wal.

T. Achke nasipaj rat pan Alaxib'äl?

A2. Yin ninsipaj jun po't.

Ri tijonel nuk'utuj che jun chik ak'wal.

T. Achke nasipaj rat pan Alaxib'äl?

A3. Yin ninsipaj jun et'zab'äl.

T. Janipe' rajäl ri akamxa'?

Ri ak'wal nub'ij:

A1. 'Wo'o' manquq' rajäl.

Niq'ax apo rik'in jun chik ak'wal.

Runataxik ri tzij:
Achke nimaq'ij niloq' atzyaq rat?

Runataxik ri tzij:
jotöl rajäl.
qajnäq rajäl.

2.4. Rukusaxik ri tijonik.

Wakamin ja ri ak'wala' nikib'än ri k'tunük chke ri kachb'il.

T. Janipe' rajäl ri ab'uküt?

Ri ak'wal k'o chi nub'ij:

A2. Juk'al manq'uq' rajäl.

T. rik'in ri ak'wal A3...

T. Achke nimaq'ij niloq' atzyaq rat?

Ri ak'wal k'o chi nub'ij:

A. Y'in niloq' nutzyaq pa runimaq'ij qatinamit.

Ri jun chik ak'wal nub'ij pan alaxib'äl.

T. Achke nimaq'ij niloq' atzyaq rat?

A. Y'in niloq' nutzyaq pan Alaxib'äl.

T. La jotöl rajäl ri awex?

Ri ak'wal k'o chi nub'ij ja'.

A1. Ja', jotöl rajäl ri nuwex.

T. La qajnäq rajäl ri akamxa'?

A2. Ja', qajnäq rajäl ri nukamxa'.

T. La jotöl rajäl ri ab'uküt?

Ri ak'wal nub'ij manäq.

A3. Manäq, ri nub'uküt qajnäq rajäl.

A1. Achke nitij pa Loq'oläj Q'ij?

A2. Pa Loq'oläj Q'ij nitij kär.

A2. Achke niloq'on ri atzyaq rat?

A3. Ri nutzyaq nulöq' nata'.

A3. Janipe' rajäl ri awex rat?

A4. Juk'al rajäl ri nuwex.

A4. Achke nasipaj rat pan alaxib'äl?

A5. Y'in ninsipaj jun ala's.

Ke re' eqal yeq'ax apo chi kijuunal ri ak'wala'.

NAB'EY TOJTOB'ENĪK

Jumul qetam chi ri niqajo' nixqak'üt ri pa jun juna' che ri ak'wal, ri ala', ri xtän ruchajin oxi' tanaj, jun pa ruwi' ri tijob'äl, jun richin ri ach'alal ri'il ja k'a ri jun chik ri ruchajin ri qatinamit, xa roma ka' ri' niqajowaj niqab'än oxi' tojtob'enik pa jun juna'.

Ri tojtob'enik nik'atzin chi qe chi niqetamaj wi ri ak'wal retaman ri janipe' qak'utun pe chwäch; wi jun ka'i' oxi' ak'wala' ri man ketaman ta' ri tijonel k'atzinel chi nukanuj rub'anikil kito'ik ri ak'wala', chuqa qetaman chi ri tijonel e retaman chik achke ri manäq kik'ayewal ta.

Niqajo' niqaya' apo jun runa'oj ri tijonel pa ruwi' ri tojtob'enik:

Nab'ey: k'atzinel chi ri tojtob'enik nib'an pa ruwi' ri KAJI TANAJ tijonik.

Ri Ruka'n: Ri tijonel nuya' jun xti retal (+) wi ri ak'wal ütz xub'än che ri tojtob'enik, wi manäq nuya' jun retal (-) pa ruwi' ri jujun tanaj.

Ke re' rub'anikil:

	1	2	3	4	total	Nota	Punteo.
1. Julajuj Ajmak, José.	+	-	+	+	3/4	0.75	75/100

Re xa chöj jun xti na'oj pa ruwi' ri tojtob'enik, wi ri tijonel nirajo' nukusaj, niqaya' el jun ruxaq wuj ri akuchi' ütz nub'än re tojtob'enik niqatzijoj, wi manäq nirajo' ta nukusaj re', ri tijonel ütz nub'än ri nirajo' rija'.

2. Ri na'oj k'atzinel chi ri ak'wala' niketamaj.

1. La nuya' ruxkän ri ak'wal che ri tijonik.
2. La nub'än ri ak'wal achke nub'ij ri tijonel che.
3. La nitikär ri ak'wal nub'än ri jun ka'i' na'oj chi niretamaj (achi'el ri xtaq q'ejelonik).
4. La nitikär ütz rub'ixik nub'än che ri jujun tz'ib' ri e k'ayew jata'q.
Ri /q/, /k/, /ch/, /b/, /tz/, /tz'/, /w/, /q'/.
5. La nitikär ri ak'wal nub'ij ri k'uxatz'ib' rik'in ri ('), kere': a', o', i', u', e'.
6. La nitikär nuk'utuj rub'i' jun winäq chuqa nub'ij ri rub'i' rija'.
7. Chuqa nub'ij kib'i' ri wachb'äl e k'o chi ruwäch ri wuj.
8. Wi k'o ch'aqa' chik, ütz yerukanuj ri tijonel.

RI NAB'EY TOJTOB'ENĬK

1. Ri choq'oma ri tojtob'enĭk.

- 1.1. K'atzinel chi netamāx wi ri tijoxel retaman ri ruk'utun ri tijonel chi ruwāch pa ruwi' ri kaji' tijonĭk.
- 1.2. Taq xtik'o re jun tojtob'enĭk re', chuqa k'atzinel chi tib'an jun ka'i' oxi' tijonĭk ri akuchi' nik'ut chi kiwāch ri tijoxela' ri man ketaman ta jeb'el.

RUB'ANIK RI TOJTOB'ENĬK.

K'atzinel chi taq nib'an jun jotob'enĭk man nibĭx ta chke ri tijoxela' richin man nikixib'ij ta ki'. Ri tojtob'enĭk niqajo' niqab'ān pa oxi' chi re: Nab'ey, niqak'utuj chke konojel; pa ruka'n, nik'utūx chke pa taq tzob'aj, ja k'a ri pa rox niqak'utuj chke pa kiyonil.

2. Rucholajen ri tojtob'enĭk.

2.1. Kikoten tzij.

K'atzinel chi ri ak'wala' yekikot konojel, chuqa' niqab'ij chke chi tikib'ij ronojel ri ketaman pa ruwi' ri qach'ab'āl.

2.2. Ri tojtob'enĭk kichin konojel.

Wawe niqajo' niqetamaj wi ri ri tijoxela' ketaman ri k'utunpe chikiwāch. Rat tijonel k'atzinel chinzat'ib'aj pan awuj ri ak'wala' ri k'o jata'q kik'ayewal.

Wakamin rat tijonel nak'utuj chke ri ak'wala' kib'i' ri samajib'āl ketaman chik rub'i' ri ak'wala'.

Jun: ch'ak'āt
ch'atāl
tz'ib'ab'āl
wuj.

2.3. Ri tijonel nub'an ri tojtob'enĭk pa taq tzob'aj.

Nuk'utuj ri tzij kichajin ri tz'ib' e k'ayew jata'q.
tz'ib'ab'āl
ch'at
yobj'āl
q'aq'
aq'

Ri tijonel nukanuj rub'anikil chi k'o ronojel ri niraj nuk'utuj pa ruwi' re tojtob'enĭk.

Ri tijonel nukusaj chik jun b'ey ri xe'ok chi re taq xk'ūt re tijonĭk re'.

Ri tijonel nub'ij chke konojel .

T. Xseqār k'a ak'wala'.

Ri ak'wala' k'o chi nikib'ij pe.

A. Xseqār k'a matyox.

T. La üt iwāch .

A. Ütz qawāch matyox, la üt k'a awāch rat?

T. Ütz matyox.

A. Matyox k'a ri'.

T. Kixpa'e' ak'wala'.

O. Ri ak'wala' yepa'e'.

T. Kixtz'uye' ak'wala'.

O. Ri ak'wala' yetz'uye'.

Ri tijonel nuk'utuj chke ri ak'wala'.

T. Achke re'?

Nuk'ūt apo jun ch'akāt.

A. Jun ch'akāt.

T. Achke re'?

Nuk'ūt apo jun wuj.

A. Jun wuj.

Ke re nub'ān nuk'utuj rub'i' ri k'utun chik chi kiwāch ri ak'wala'.

T. Achke rub'i' re'?

Nuk'ūt apo jun tz'ib'ab'āl.

A. Tzib'ab'āl rub'i'.

T. Achke rub'i' re'?

Nuk'ūt apo jun ruwachb'āl q'aq'.

A. Q'aq' rub'i'.

T. *Achke rub'i' re'?*
Nuk'üt apo ri q'or.

A. *Q'or rub'i'.*

T. *Achke rub'i' re'?*
Nuk'üt apo ri ruq'a'

A. *Q'ab'aj rub'i'.*

Ri tijonel nub'ij chke chi tikikamluj ri tzij nub'ij rija'.

Wakamin tib'ij ri tzij.

k'o	säq	uq
k'a	aq	läq
q'or	ch'ichi	b'ay
q'aq'	ch'ach'	b'ey
tzatz	tz'o'	atz'an
lotz	tz'il	latz'

2.4. Wakamin ri tijonel nuk'utuj chke chi kijujunal .

Re tojtob'enik ütz nib'an chwa jay.

Konojel nikichöl ki' chwa jay, k'a ri' niq'ax jun pa ki-nik'ajal.

Ri tijonel nuk'utuj che.

T. *Achke ab'i' rat?*

A. *Yin nub'i'.....*

T. *Achke rub'i' rija'?*

A. *Rija' rub'i'.....*

T. *La ütz nana' ri q'or?*

A. *Ja', ütz ninna' ri q'or.*

T. *Katz'uye' a.....*

A. *Matyox chawe.*

K'a ri niq'ax chik apo jun chkiwäch.

RUXAQ WUJ RICHIN RI TOJTOB'ENİK

[illegible]

RUKA'N TOJTOB'ENİK

Taq nib'ek'is chik ri kaji' tanaj tijonik k'atzinel chi niqetamaj ri janipe' ketaman ri tijoxela', chuqa niqatz'ät akuchi' ri k'ayew jub'a' niketamaj chuqa ri man kayew ta.

Re jun tojto'benik k'o pa nik'aj yalan k'atzinel roma niqatz'ät wi ri niqarayb'ej chi niketamaj ri tijoxela' üt rub'anun; rik'in re jun tojto'benik re' xik'o yan pa nik'aj ri janipe' niqajo' niqak'üt chi kiwäch, roma ri' yalan k'atzinel chi niqetamaj.

Wi niqatz'ät chi xa k'o jun ka'i' oxi' ak'wala' ri man kan ta üt kib'anun, k'atzinel chi ri tijonel nukanuj rub'anikil richin niketamaj ri kaqchikel ch'ab'äl.

Wakamin niqajo' niqak'än chik qana'oj chi rij rub'anikil re tojto'benik re':

Nab'ey: K'atzinel chi ri tojto'benik nib'an xa xe pa ruwi' ri KAJI' TANAJ tijonik.

Pa ruka'n: Wakamin chuqa ri tijonel nuya' jun xti retal (+) taq ri ak'wal üt xub'än che ri jujun tanaj tojto'benik, wi manäq nuya' jun retal (-) pa ruwi' ri jujun tanaj. K'a ri' nanimirisaj pa wok'al ajlab'äl.

Ke re' rub'anikil:

	1	2	3	4	total	Nota	Punteo.
1. Julajuj Ajmak, José.	+	+	+	+	4/4	0.100	100

Man tiqamestaj ri niqajo' chi niketamaj chke ri ak'wala', ja ri yetzijon pa qach'ab'äl. K'o chi ri tijonel taq nich'o'n chke ri ak'wala' nub'än pa kaqchikel ch'ab'äl.

Ri na'oj k'atzinel chi niketamaj ri ak'wala'.

1. Nirayb'äx chi ri ak'wal niq'ax pa rujolon ruq'ajarik ri tijonik.
2. K'atzinel chi ri ak'wal nitikir nuk'ulb'ej pa jun winäq taq nib'ix che, achke re'?
3. Ri ak'wal nitikir nukusaj jun tzij taq xa chöj nich'o'n chi rij, chuqa taq richinan rija'.

Chöj yach'o'n chi rij jun tzij

te'ej
tata'aj
nimalaxel
chaq'laxel
jay

Taq nirichinaj ri tzij.

nute'
nutata'
nunimal
nuchaq'
wachoch

4. K'atzinel chi ri ak'wal niretamaj b'a ri ajlanik.
5. Ri ak'wal üt nub'än che rub'ixik ri tz'ib' t', ä, chuqa ri j.
6. Ri ak'wal nitikir nuk'utuj achke rusamaj jun winäq, chuqa nub'ij ri rusamaj rija'.
7. Chuqa nitikir nub'ij taq k'o chunaqaj rija' jun samajib'äl, chuqa taq näj b'a k'o chi re.
8. Chuqa niretamaj rucholajen rub'i' ri rub'eyal ri q'ij (nimaq'a', paq'ij, tiqaq'ij).

RI RUKA'N TOJTOB'ENĪK

1. Ri choq'oma ri tojtob'enĭk.

1.1. K'atzinel chi niqetamaj wi ri tijoxel retaman chĭk ri k'utun pe chwäch roma ri tijonel pa ruwi' ri kaji' chĭk tijonĭk.

1.2. Taq xtik'achoj ri tojtob'enĭk yeqatz'ät ri ak'wala' man kan ta üt'z xe'el; üt'z yetijox chĭk b'a pa ruwi' ri man ketaman ta.

RUB'ANIK RI TOJTOB'ENĪK.

Niqajo' niqanataj chuqa chi taq xtib'an chĭk re jun tojtob'enĭk re' man nib'ix ta chke ri ak'wala'. Chuqa ri tojtob'enĭk oxi' chuqa tanaj ruk'wa'n ri'; chi konojel, pa taq tzob'aj chuqa chi kiju-junal.

2. Rucholajen ri tojtob'enĭk.

Ri tijonel k'atzinel chi nukanuj ri yerukusaj taq xtub'an ri tojtob'enĭk.

2.1. Kikoten tzij.

K'atzinel chi ri ak'wala' konojel yekikot, k'a ri niqab'ij chke chi tikib'ij pe ri ch'ab'äl ketaman.

2.2. Ri tojtob'enĭk kichin konojel.

Ri tijonel yerukanuj ri achke ruk'utun pe chi kiwäch pa ruwi' ri kaji' tanaj tijonĭk. (ri ro', ruwaq, ruwuq, ru-waqxaq tanaj.

Ri tijonel nuya' retal ri üt'z nikib'an ri tijoxela'.

Ri tijonel nub'ij chke konojel .

T. *Xseqär k'a ak'wala'.*

Ri tijoxela' nikib'ij pe.

A. *Xseqär k'a matyox.*

Ri tijonel nuya' jun wuj chwa xan ri nib'eqa wi tiqaq'ij.

T. *Xqaq'ij k'a ak'wala'?*

Ri tijoxela' nikib'ij pe.

A. *Xqaq'ij k'a matyox.*

Ri tijonel nuya' chwa xan ri wachb'äl akuchi' e k'o wi ri te'ej tata'j, rik'in ri kalk'wa'l.

T. *La ja rija' ri te'ej?*

Nuk'üt apo ri tata'aj.

A. *Manäq, rija' ri tata'aj.*

T. *Achke ruja'?*

Nuk'üt apo ri te'ej.

A. *Rija' ri te'ej.*

K'a ri yeruk'üt ri ak'wala'.

T. *Achke ri nimalaxel, la ja re'?*

Nuk'üt ri chaq'laxel.

A. *Manäq, ja la' ri chaq'laxel.*

2.3. Tojtob'enĭk pa taq tzob'aj.

Ri tijonel nuk'utuj ruq'ajarik ri jay.

Ri tijonel nuya' jun jay chwa xan.

T. *Achke rusamaj jun jay?*

Ri ak'wala' nikib'ij:

A. *Jun jay yojruto' chwäch ri tew.*

Jun chĭk tzob'aj:

T. *Achke jun chik yojruto' ri jay?*

A. *Yojruto' chwäch job'.*

Jun chik tzob'aj

T. Achke jun chik yojruto' ri jay?

A. Yojruto' chwäch ri q'ij.

2.4. Tojtob'enik pa taq kiyonil ri tijoxela'.

Ri tijonel üt nuk'utuj juläy chik tzij ri üt nik'utux.

Ri tijonel nub'an achi'el niq'axon rupan; k'a ri nuk'utuj

T. Achke niq'axon chwe yin?

Ri ak'wal k'o chi nub'ij:

A. Rat niq'axon apan.

K'a ri' ri tijonel nub'ätz' ruwi' jun ak'wal.

T. Achke niq'axon chi re rija'?

A. Rija' niq'axon rujolon.

K'a ri nub'ätz' ruwi' ruq'a'.

T. Achke niq'axon chwe yin?

Ri ak'wal k'o chi nub'ij pe chwe.

A. Rat niq'axon ruwi' aq'a'.

Ri tijonel nub'ij che ri ak'wal chi ke ru kamluj
ri tzij nub'ij rija'.

T. Rat a Chepe tab'ij:

Saqmolo', saq'ul, paq'ij.....

A. Saqmolo', saq'ul, paq'ij.....

K'e re' nub'an ri tijonel, yeruk'utuj tzij chke ri tijoxela'
pa taq kiyonil.

RUXAQ WUJ RICHIN RI TOJTOB'ENİK

[illegible]

ROX TOJTOB'ENĪK

Re ruk'isib'äl tojtob'enĭk nik'atzin chi re jun tijonel wi xretamaj ri tijoxel janipe' xk'ut chi ruwäch; pa ruwi k'a re', ützt nich'ob' rij achke xto'on chi ri tijoxel jeb'el xretamaj, achke roma ruloman xretamaj, chuqa achke roma ri jun ka'i' oxi' man kan ta xketamaj; wi nach'öb' rij k'o jun ka'i' oxi' ri achke roma man kan ta ützt xel ri samaj richin jun juna'; ma roma la ri wuj k'utb'äl, ma roma la ri tijonel, pa rox ma roma la ri tijoxel; ronojel k'a re' k'atzinel chi nich'ob' rij.

Chupan re tojtob'enĭk re' niq'alajin janipe' ri xtikĭr ri tijoxel xtub'ij. Ri rub'anikil xajunan b'a rik'in ri ka'i' b'anun chĭk pe; k'atzinel chi ri tijonel jeb'el ta nikikot kik'in ri ak'wala' richin man nikixib'ij ta ki' rije', xa xtikib'ij ri ketaman rik'in kikikoten ri ak'wala'; nib'ix chke chi xa roma ri ruk'isib'äl q'ij tijonĭk niqajo' niqak'axaj ronojel ri ketaman.

Man timestäx chi niya' jun retal (+) taq xub'ij ri tijoxel ri najowäx, jun retal (-) taq man xtikĭr ta xtub'ij ri nik'utüx chi re. pa ruk'isib'äl ützt najläx ronojel ri ützt xub'ij nijachob'äx rik'in ri janipe' tanaj xrayb'äx chi xretamaj ta ri tijoxel. K'a ri' ninimirsäx pan ok'al ajlab'äl, pa ruk'isib'äl nijachob'äx pan oxi', ke ri' netamäx janipe' xrelesaj ri tijoxel pa jun juna'.

Ri choq'oma ri tojtob'enĭk.

1. Ri tijoxel nitikĭr nuk'ulb'ej ri tzij:

Achke rub'i' re'.....?
Achke rub'onil re'.....?
Achke nik'ayix pa.....?
Achke rusamaj ri.....?

Achke nawetamaj pa.....?
Achke nimaq'ij niloq' a.....?
Achke nasipaj pan?
Janipe' rajäl ri?

2. Ri tijoxel nitikĭr nitzijon pa ruwi' jun xti tzij, chuqa jun wachb'äl nik'üt chi ruwäch.

3. Nitikĭr chuqa nub'ij kiq'ij ri nima taq jay pa jun tinamĭt.

4. Niretamaj najlan pa taq k'al k'a napon pa lajk'al.

5. K'atzinel chi ri ützt rub'ixik ri tz'ib': q', y, x, chuqa ri ch'aqa chĭk kan richin wi ri ch'ab'äl kaqchikel.

6. Wi k'o juläy chĭk ri nuk'üt ri tijonel, ützt nutz'aqatsaj re tojtob'enĭk re.

ROX TOJTOB'ENİK

1. Ri na'oj k'atzinel chi retaman ri tijoxel.

1.1. Ri tijoxel nitik'ir nutzalq'omij rub'ixik ri tojtob'enik nub'an ri tijonel.

1.2. Ri tijoxela' yetik'ir nikikusaj ri ajlanik pa taq k'al.

1.3. K'atzinel chi ri tijoxela' utz rub'ixi'k nikib'an che ri tz'ib' e k'ayew jata'q richin ri ch'ab'al Kaqchikel.

1.4. Chuqa k'atzinel chi ri ak'wal nitik'ir yeruk'utuj ri k'atzinel chi re.

Najowax nik'asox che ri tijonel chi ri tojtob'enik nub'an ox'i tanaj chi re: Jun tojtob'enik kichin konojel, jun richin jun tzob'aj, pa ruk'isib'al nub'an chi jujunal ri ak'wala'. K'atzinel chi taq nib'an ri tojtob'enik keb'e'apon konojel, ri tijonel utz nub'ij chke chi ri q'ij ri' nuk'ut jun utzilaj tzijonik chke ri tijoxela'.

2. Rucholajen ri tojtob'enik.

2.1. Kikoten tzij:

Ri tijonel k'atzinel chi nuq'alajirisaj chi kiwach ri ak'wala' chi xa roma man yep'e ta chik, k'atzinel chi nikib'ij pe ronojel ri k'utun pe chi kiwach iwir kab'ijir kan. Re tzijonik utz nub'an pa kaxlan tzij.

2.2. Tojtob'enik kik'in konojel.

Wawe ri ak'wala' yetik'ir nikik'ulb'ej pe ri tijonel pa rucholajen.

Ri wachbal ye'ik'atzin:

Richin ri: po't, uq, pas,
wex, kamxa', koton.

Chuqa ruwachbal ri:

Tinamit, Q'atb'al tzij,
k'ayb'al, ri Loq'olaj Q'ij,
rik'in jun sipanik.

2.3. Tojtob'enik che jun tzob'aj.

Ri tijonel k'atzinel chi' nukanuj ri ye'ik'atzin che chuqa ri samaj nub'an re q'ij re'.

Ri tijonel nutzijoj chke ri tijoxela', chi rija' yalan xkikot kik'in, yalan xerajo', k'a ri nub'ij chke chi ri jun ka'i' ik' man xkepe ta pa tijob'al yalan ta xtkinimaj ri kite' kitata', yalan xkesamaj richin yalan ta ye'ajowax roma kite' kitata'.

Ri tijonel yerukanuj jun ka'i' ri wachbal ri ye'ik'atzin chi re.

T. Achke rub'i' re'?

Ri tijoxela' utz nikib'ij pe xa xe po't, chuqa utz po't rub'i'.

A. Po'to (po't rub'i')

T. Achke rub'i' re' tinamit re'?

A. Panq'an rub'i'.

T. Achke rub'i' re' jay re'?

A. Rachoch Ajaw.

T. Achke nib'an pa rachoch Ajaw?

A. Pa rachoch Ajaw nib'an xukulen.

Ri tijonel utz yeruk'utuj ch'aqa chik tzij ri xuk'ut chi kiwach ri tijoxela'.

T. Achke rub'i' re' jay re'?

A. La jay la' rub'i' k'ayb'al.

T. Achke nik'ayix pa k'ayb'al?

A. Pa k'ayb'al nik'ayix tra's, saq'ul,
kaxlanwäy,.....

2.4. Ri tojtob'enik chi kijujunal ri tijoxela'.
Ri tijonel ützt yeruk'utuj ri tzij ye'ok che ri tijoxel pa
rachoch, pa k'ayb'äl chuqa ri kik'in ri rachb'il.

Chuqa ützt niq'ax apojun ak'wal richin nub'än
ri k'utunik che jun rachb'il.

T. Achke jun chik nik'ayix ?
A. Nik'ayix chuqa po't, kamxa', uq,.....

T. Achke rusamaj ri q'atöy tzij?
A. Ri q'atöy tzij nuya' ri ya' pa tinamit.

T. Achke jun chik rusamaj?
A. Nub'än utzil b'ey.

T. Achke ab'i' rat?
A. Yin nub'i'.....

T. Achke rub'i' rija'?
A. Rija' rub'i'.....

T. Rub'onil ri nuwex yin käq
A. Ri awex rat säq rub'onil.

T. Achke rub'onil ri ruwex rija'?
A. Ri ruwex rija' räx rub'onil.

T. Achke nimaq'ij niloq' awex rat?
A. Yin niloq' nuwex pan Alaxib'äl.

T. Janipe' rajäl jun saq'ul?
A. Wolajuj rajäl jun saq'ul.
T. Janipe' rajäl jun kamxa'?
A. Juk'al rajäl jun kamxa'.

A1. Achke ab'i' rat?
A2. Yin nub'i'.....

A1. Achke rub'i' atata'?
A2. Ri nutata' rub'i'.....

A2. Janipe' rujuna' ri atata'?
A3. Ri nutata' kak'al nujuna'.

A3. Achke nawetamaj pa tijob'äl jay?
A4. Pa tijob'äl jay ninwetamaj yitz'ib'an.

A4. Achke jun chik nawetamaj pa tijob'äl jay?
A5. Pa tijob'äl jay ninwetamaj ninsik'ij ruwa
wuj.

K'a ri' ri tijonel nuk'awomaj yalan chke konojel ri ak'wala', chuqa nub'ij chke
ri tijoxela' chi ri b'a' xketamaj nik'atzin b'a' chke, xa xe ri man tikimestaj chi ri
ch'ab'äl junan kiq'ij.

RUXAQ WUJ RICHIN RI TOJTOB'ENİK

[illegible]

Tijob'äl _____
 Juna' _____
 Rajlab'al _____

Ruyakb'al ronojel ri tojtob'enik richin ri Ch'ab'äl Kaqchikel

Kib'i' ri tijoxela'	Nab'ey 1a. Eval.	Ruka'n 2a. Eval.	Rox 3a. Eval.	Chi ronojel ri juna'	Nota Final Xuch'äk / Xuya' kan Aprobado / Reprobado
1.					
2.					
3.					
4.					
5.					
6.					
7.					
8.					
9.					
10.					
11.					
12.					
13.					
14.					
15.					
16.					
17.					
18.					
19.					
20.					
21.					
22.					
23.					
24.					
25.					
26.					
27.					
28.					
29.					
30.					

Ruq'alajirisaxik jun ka'i' oxi tzij

ala's	muñeca
Alaxib'äl	navidad
Armita	Guatemala
aqanaj	pierna
B'oko'	Chimaltenango
b'onil	color
b'onil tz'ib'ab'äl	crallón
b'uküt	zapato
Chwi Meq'enya'	Totonicapan
ch'atäl	mesa
ch'akulal tz'ib'	consonante
jalajöj	variado, diferentes
jeb'el	bueno, bonito
jolomaj	cabeza
jub'a'	poco
juk'al	veinte
kak'al	cuarenta
kamul	segunda vez
kaxlan ch'ab'äl	castellano
kichajin	lo que poseen
k'aqo'j	cafés (color)
k'atzinel	necesario
k'uxatz'ib'	vocal
Loq'oläj Q'lj	Semana Santa
manq'uq'	quetzal
mejlen	meditación, reflexión
moq'	puño
nikib'onlij	lo colorean ellos
nirayb'äx	lo deseable
oxmul	tercera vez
oxk'al	sesenta
paj	sílaba
Panq'än	Antigua
poron xan	ladrillo
pwäq	plata, dinero
q'alajirisaj	aclarar
Q'atb'äl tzij	Municipalidad
q'atöy tzij	Alcalde, Juez
rachoch Ajaw	iglesia
rucholajen	orden
ruloman	regular
runataxik	recordarlo
ruckin jay	lado de la casa, hinodoro
tanaj	capítulo
telemaj	hombro
tlklren	poder realizar algo
tokön, t'oj	sordo
tz'ib'ab'äl	lápiz
wex (wexaj)	pantalon
uk'yab'äl	pila, pozo para beber agua
xinb'äl	cincho
yerukamluj	los repasa.

9/17

Impreso en
Editorial Kaman
Tel.: 538861